

Ellen G. White Estate

A photograph of a white lighthouse on a hill overlooking the ocean at dusk. The lighthouse is illuminated from within, and the sky is a mix of blue and purple. The title 'KATAMELO HO KRESTE' is overlaid in large white letters.

KATAMELO HO KRESTE

ELLEN G. WHITE

**KATAMELO HO
KRESTE**

Ellen G. White

**Copyright © 2012
Ellen G. White Estate, Inc.**

Information about this Book

Overview

This eBook is provided by the [Ellen G. White Estate](#). It is included in the larger free [Online Books](#) collection on the Ellen G. White Estate Web site.

About the Author

Ellen G. White (1827-1915) is considered the most widely translated American author, her works having been published in more than 160 languages. She wrote more than 100,000 pages on a wide variety of spiritual and practical topics. Guided by the Holy Spirit, she exalted Jesus and pointed to the Scriptures as the basis of one's faith.

Further Links

[A Brief Biography of Ellen G. White](#)
[About the Ellen G. White Estate](#)

End User License Agreement

The viewing, printing or downloading of this book grants you only a limited, nonexclusive and nontransferable license for use solely by you for your own personal use. This license does not permit republication, distribution, assignment, sublicense, sale, preparation of derivative works, or other use. Any unauthorized use of this book terminates the license granted hereby.

Further Information

For more information about the author, publishers, or how you can support this service, please contact the Ellen G. White Estate at mail@whiteestate.org. We are thankful for your interest and feedback and wish you God's blessing as you read.

Contents

Information about this Book	i
1. LERATO LA MODIMO HO MOTHO	4
2. MOETSADIBE O HLOKA KRESTE	10
3. PAKO	14
4. BOIPOLELO	25
5. BOITELLO	29
6. TUMELO LE KAMOHLEO	33
7. HO LEKA TSA BORUTUOA	38
8. HO HOLA HO KRESTE	45
9. MOSEBETSI LE BOPHELO	52
10. DITHUSO TSA BOPHELO BA BA KRESTE	57
11. TSOANELO EA THAPELO	63
12. HO KA ETSOANG KA PELAELO	72
13. HO THABELA MORENA	79
14. KRESTE TSELA EA BOPHELO	81

1. LERATO LA MODIMO HO MOTHO

Hloleho, le boitšhenolo ba Modimo, ho motho di paka lerato la'Ona. Ntat'a rona ea mahodimong ke mohlodi oa bophelo, oa bohlae le thabo. Bonang dintho tse makatsang, tse ntle tsa hloleho. Hopolang kamoo di kgethetsoeng ho hloka ha motho le thabo ea hae ka mokgoa oa mohiolo, e seng ea motho feela, empa le ea dibopuo tsohle tse phelang, kganya ea letsatsi, pula tse nyakalatsang lefatše, dithaba maoatle le mahoatata, tsohle di re bolella lerato la'mopi. Ke Modimo O kgodisang thato tsa tsatsi le leng le le leng tsa dibopuo tsa Hae tsohle. Mantsoeng a monate a mopesaleme:

“Mahlo a dibopuo kaofela a lebeletse uena ‘me u di fa dijo ka nako e tšoanetseng, u fuparolla seatla sa hao. ‘Me u kgodisa tse utloang kaofela.” (Pes. 145 : 15, 16.)

Modimo O entse motho e le ea phethehileng kgalalelong le thabong. ‘Me lefatse le tsoile letsohong la ‘Mopi le lokile, le se na sepha sa tšenyeho, kapa moriti oa thohako.

Ke tlolo ea molao oa Modimo,— molao oa lerato — o hlahisit-seng bomadimabe le lefu, leha ho le joalo, esita le har'a mahlomola a hlahisitsoeng ke sebe lerato la Modimo le bonahetse. Ho ngotsoe ho thoe: Modimo o rohakile mobu ka bakas la motho.

Meutloa le tšehlo, bothata le meleko tse etsang hore bophelo ba motho bo thatafale di kgethetsoe hore di mo hlahisetse molemo, ke ho hong hoo Modimo maeleng a oona O fumaneng ho le molemo ho mo hlalefisa, hore a phahame tšenyehong kokobelong e hlahisitsoeng ke sebe. Leha lefatše le oele, leha le hlomohile tsietsi ka hohle. Hona hlolehong, ho na le dithuto tsa tšepo le tsa matšediso. Ho na le dipalesa hodima ditsehlo, le dikgohlo di kgurumeditsoe ke dipalesa.

“Modimo O lerato,” ho ngotsoe joalo hodim'a palesa e ngoe le engoe, le hodim'a sethopo se seng le se seng sa joang. Dinonyana tse ratehang di utloahatsa mantsoe sebakeng ka dipina tsa tsona tsa thabo, dipalesa tse teteaneng ka bokgabane ba tsona bo phethehileng, di utloahatsa menkoana ea tsona har'a sebaka, le difateng tse phahameng tsa meru, ka mahlaku a teteaneng, a botala bo hlakileng

— tsohle tseo di paka paballo ea bontate ba Modimo oa rona, le thato ea Hae ea ho thabisa bana ba Hae. Gen. 3 : 17.

Lentsoe la Modimo le bonahatsa bophelo ba oona. Oona ka sebele O ile oa senola bosafeleng ba lerato la oona le kutloe lobohloko. [8]

Moshe ha a ne a rapela a re: “Mpontše kganya ea Hao,” Jehova a araba: “Ke tla fitisa moiemo ohle oa ka pontšeng ea hao.” (Ex. 33 : 18, 19.)

Ke ena kganya ea Hae. Jehova a feta pontšeng ea Moshe, ‘me a bolela a re: “Ke ‘na Jehova, Jehova Modimo O mohau, “O diehang ho halefa O tletseng mohau, le ‘nete, O hauhelang meloko e dikete, O tšoareleng bokgopo le ditlolo, le sebe.” (Exoda 34 : 6-7.) “O dieha ho halefa, me o mohau.” (Jonase 4:2.) “Hobane O ithabela mohaung.” (Mikea 7 : 18.)

Modimo O tlameletse dipelo tsa rona ho oona ka dipontšo tse se nang palo lehodimong le lefatšeng. Ka dintho tsa hlaho, le ditlamo tse kgolo tse lefatšeng tse ka tsejoang ke pelo ea ngoan’a motho, O batlile ho iponahatsa ho rona. Tsena leha di sa bonahale hantle di bonahatsa lerato la oona. Leha bopaki bona bohle bo hlahisitsoe, sera sa holoka se foufaditse mehopollo ea batho hore ba shadime Modimo ka tšabo, ba mo hopolele e le ea thata, Ea sa leballeng. Satane o etsa hore batho ba hopole Modimo e le ntho eo mokgoa oa eona e leng ho ahlola ka mokgoa o thata, moahlodi ea thata ea sa tšoareleng molato. O tšoantša ‘mopi e le ntho e lebeletseng ka leihlo le mona, ho balo lla melato le diphoso tsa batho, hore a ba hlahisetse dikahlolo. Ebile ho suthisa lesuiti lena le letšo ha ho bonahaditsoe lefatšeng lerato le sa feleng la Modimo, ha Jesu a tlile, a phela har’a batho. Mor’a Modimo O tlile A etsoa lehodimong ho tla pakela Ntat’e. “Ha ho motho ea boneng Modimo le ka mohla o le mong, mora a ‘notši ea sefubeng sa Ntate ke Eena ea re tsebisitseng oona.” (Johanne 1 : 18.) “Hape ha ho ea tsebang Ntate ha e se mora, le eo mora a ratang ho mo koahollela eena.” (Matth. 11 : 27.)

Ha e mong oa barutuo a ne a kōpa hore “Re bontše, Ntate” Jesu A araba. A re: “Ke dutse le lōna nako e kalo, ‘me ha ua ka ua ntseba Filipi na? Ea mponeng o bone Ntate, ‘me u bolela joang ha u re. Re bontše Ntate.” (Johanne 14 : 8, 9.)

Ho hlalosa thomo ea Hae lefatšeng Jesu O itse: Morena “O ntlotsitse ho bolella mafutsana Evanagedi: O nthomile ho fodisa ba pelo di robhileng, le ho bolela tokoloho ea ba tlamiloeng, le ho

tutubolla difofu, ho nea ba hlorisoang sebaka sa ho ikela.” (Luka 4 : 18.)

Ene e le oona mosebetsi oa Hae. O n’a tsamaea A ntse A etsa hantle, ‘me A fodisa bohle ba neng ba tlamiloe ke Satane. Metse e mengata e ne e se na dipobodi tsa mafu tlung leha e le ngoe, hobane [9] A fetile har’a eona, ‘me a fodisa maloetse a bona.

Mosebetsi oa Hae o pakile ho kgethoa ha Hae ho halalelang. Lerato, mohau, le kutloelo bohloko di bonahetse ketsong tsohle tsa bophelo ba Hae.

Pelo ea Hae ea tsoela bana ba batho ka ho ba utloela bohloko. A nka hlalo ea batho, hore A tle A tsebe ho fihlela thato tsa motho. Mofutsana le ba tlase ba ne ba sa tšabe ho itlhahisa ho Eena. Esita le bana ba banyenyane ba ne ba ratela ho Eena, ba rata ho hloella mangoleng a Hae, ‘me ba shadima sefahleho seo se bonolo, se tletseng mohau le lerato.

Jesu ha A ka A siea lentsoe leha le le leng la ‘nete, empa O na A a hlahisa ka lerato kamehla, o na A hlahisa ditaba tse kgolo ka kelello, A mamela meqoqo ea batho ka mosa. O na A sa halefe, leha e le ho buoa ka thata ka mokgoa o sa tšoanelehang, leha e le ho utloisa moea o nang le kelello bohloko ka mokgoa o sa tšoanelang. Ha A ka a ahlola mefokolo ea batho. O na A buoa ‘nete empa ka lerato kamehla. O na A nyatsa boikaketsi, ho se dumele le bokgopo; empa ka ntsoe la dillo, ha A hlahisa dikgalemelo tsa Hae. (Luka 4 : 18.) O kile A llela Jerusalema, motse oo A neng A o rata, o hanneng ho Mo amohela, Eena tsela, ‘nete, le bophelo. Ba mo hana Eena ‘Moloki, empa A ba tadima ka kgauho.

Bophelo ba Hae e ne e le ba boitelo, ’me A hlokomela ba bang haholo. Moea o mong le o mong o no o le thata mahlong a Hae.

Ha A ntse A Ikaipesitse ka tsa Borena ba lehodimo O n’a ntse A Inamela ka chadimo e mosa dinto tsohle tsa ntlo ea Modimo.

Ho batho bohle O na A bona meea e oeleng eo e neng e le mosebetsi oa Hae ho e pholosa.

Ke bona bophelo ba Kreste kamoo bo senotsoeng ho pheleng ha Hae.

Bona ke bophelo ba Modimo. Diphororo tsa mohau oa Ntate, O moholo, tse tsoileng pelong di bonahaditsoe ho Kreste, tsa phallela baneng ba batho. Jesu ‘Moloki ea tletseng mohau, e ne e le Modimo O bonahetseng nameng.” 1 Tim. 3: 16.

Ene e le ho re lopolla ha Jesu a phetse ka mahlomola A oa A shoa. Ebile “Motho oa, mahlomola,” ho re re tie re be ba nang le kabelo thabong e sa .feleng.

Modimo o dumeletse Mora oa lerato la Oona ea tletseng mohau le ‘nete hore A tlohele lefatše la kganya e se nang ho boleloa, ho tla lefatšeng le sentsoeng, le apesitsoeng ke sebe, le fifaditsoeng ke moriti oa lefu le oa thohako. A Mo dumella ho tlohela lerato la sefuba sa Hae, le tlotleho ea mangeloi, hore A hlabisoa dihlong, A rohakoe, A nyedisoe, A hlouoe ‘me A shoe. [10]

“Kotlo e re tlišetsang kgotso e bile hodim’a Hae; ‘me re fodisitsoe ka matetsetso a Hae.” (Esa. 53 : 5.) ‘Moneng ha A le feelleng ha A le Gethsemane, ha A le sefapanong.

Mor’a Modimo ea se nang sekodi A Itjarisa boima ba dibe. Eena Ea bileng mong le Modimo, A utloa moeeng oa Hae karohano e tšabehang eo sebe se e entseng mahareng a Modimo le motho.

Hoo ha ba ha hlahisa molomong oa Hae selo sa mahlomola: “Modimo oa ka Modimo oa ka, u ntahletseng na?” (Matth.27 : 46.) E ne e le boima ba sebe, le ho utloa matla a tšabehang a sona a ho arohanya moea oa motho le Modimo ke hona ho robileng pelo ea Mora oa Modimo.

Empa boitelo bona bo kalo ha boa etsetsoa hore bo hlahise lerato la motho pelong ea Ntate, hore A rate ho moloka. Che, “Modimo O ra ratile lefatše hakaalo, O bile oa le nea Mora oa Oona ea ratoang.” (Johanne 3 : 16.) Ntate Oa re rata, e seng ka baka la poelanyo ena e kgolo, empa O re file poelano ena hobane A re rata.

Kreste ebile Eena lebaka leo A neng A tšoanetse ho tšollela lerato la Hae le sa feleng hodim’a lefatše le oeleng.

“Modimo o no o le ho Kreste ha O ntse O busetsa lefatše ho Oona.” (2 baKor. 5 : 19.) Modimo O utloile bohloko le Mora oa Oona. Mahlomoleng a Gethsemane, lefung la sefapano, lerato le sa feleng ke lona le lefileng poloko ea rona.

“Jesus O itse, ke ka baka leo ke ratoang ke Ntate, hobane ke bea bophelo ba ka hore ke tie ke boele ke bo nke.” (Johanne 10 : 17.)

Ke hore, “Ntate O le ratile joalo, O bile O nthata hofetisa hobane boitelo ba ka bo bonahatsa ho loka ha Modimo, etsoe e le Oona O lokafatsang ea dumelang ho Jesu.”

Ha ho emong ea ka phethang poloko ha e se Mor’a Modimo; hobane ke Eena feela Ea neng A le sefubeng sa Ntate, Ea ka Mo

pakang. Ke Eena feela ea tsebang bophahamo le botebo ba lerato la Modimo, Ea ka le hlalosang.

Ha ho hohong ho bontšana lerato le leholo la Modimo ha e se boitelo bo boholo ba Kreste bakeng sa motho ea oeleng,. bo nong bo ka hlalosa lerato la Ntate bathong ba timetseng.

[11] “Modimo O ratile lefatše hakalo oa ba oa le nea Mora oa Oona ea tsoetsoeng a inotši.” Ha oa mo neela ho phela har’a batho feela, le ho jara dibe tsa bona, le ho iketsa pheko ea bona.

Jesu “ha A na dihlong tsa ho ba bitsa banab’abo;” (ba-Heb. 2: 11) sehlabelo sa rōna, Moemedi oa rona, ngoan’abo rona Ea nkileng setšoantšo sa rona sa botho pel’a terone ea Ntate ka ho sa feleng, ha’ moho le moloko oo A o lopolotseng, Mor’a motho. Ka tsena tsohle ebile hore motho a phahamisoe tšenyehong, le ho kokobetsoeng ke sebe, le hore A kgantše lerato la Modimo, ‘me a be le kabelo thabong ea kganya.

Tefo eo re lopolotsoeng ka eona, sehlabelo se seholo sa Ntat’a rona ea mahodimong, Kamoo A re neileng Mora oa Hae ho re shoela, e tšoanetse ho re nea maikutlo a phahameng a seo re tlang ho ba sona ka baka la Kreste. Joalekaha moapostola Johanne a bontšitsoe bophahamo, botebo bophara ba lerato la Ntate bakeng sa ba timelang, a tlala merapelo le hlompheho, ha a bona hoba a hloka lentsoe le lekaneng ho bolela boholo le molemo oa lerato lena, a bitsa lefatše hore le bone. Bonang, lerato leo Ntate A re ratileng ka lona le lekakang ha re bitsoa bana ba Modimo.” (1 Johane 3: 1.)

Ke tlotliso e kak’ang ho bana ba batho! Ka baka la tlolo bara ba batho ba fetohile bahlanka ba Satane. Ka baka la tumelo sehlabelong sa poelano ea Kreste bara ba Adama baka fetoha bara ba Modimo. Ka ho nka sebopeho sa motho, Kreste O phahamisitse motho.

Batho ba oeleng ba beiloe moo ka ho kopana le Kreste ba nang le tokelo ea lebitso la “bana ba Modimo.”

Lerato le joalo ha le na tekanyo.

Bana ba Morena oa mahodimo! Pallo ea bohlokoa! Taba ea monahano o tebileng hofitisisa! Lerato le se nang tekanyo la Modimo ho lefatše le sa kang la mo rata!

Kgopolo e joalo e na le matla a hlolang moea, ‘me e kgannela mehopolo ea motho thatong ea Modimo. Ha re ntse re nahanela mosebetsi oa Modimo leseding la sefapano, eba re ntse re bontšisa mahau, lereko, le tšoarello e kopaneng le holoka ho se nang

tšobotsi, ‘me re bontšisa bopaki bo sa lekangoeng ba lerato, le sa feleng, le kgauho e fetang hole ea ‘ma-ngoana ea ngongorehang ea kgaohaneng hole le eena.

“Ditlamo tsohle tsa botho di ka senyeha, Botšepahi bo ka feela ho metsoalle. Lerato la ‘m’a ngoana le ka feela, Lehodimo le lefatše di ka feta: Empa ha ho phetoho E ka bang teng leratong la Jehova.”

[12]

[13]

2. MOETSADIBE O HLOKA KRESTE

Tšimolohong motho o na a apesitsoe matla a bohole le kelello e ne e lokile. Botho ba ha ebo phethehile, ‘me a ena le kopano le Modimo. Mehopolo ea hae e ne e hloekile, empa ka tlolo ea molao, matla a hae a senyeha, ‘me boithato ba nka sebaka sa lerato.

Botho ba hae ba fokola ka baka la ditlolo, a ba a hloka matla ka bo-eena ho hlola matla a sebe. A etsoa mohlanka ke Satane, ‘me a ka be a setse teng ka hosafeleng hojane Modimo O se kene mahareng. Ebile kgopolo ea moleki ho tšoephola morero oa Modimo oa popo ea motho, le ho tlatsa lefatše ka mahlomola le tsietsie. E le hore a tie a re, ke tholoana tsa mosebetsi oa Modimo oa popo ea motho.

“Motho ha a ne a sa hloka sebe o na a ena le kopano ea thabo le Eena eo ho patiloeng matlotlo ‘ohle a bohlale le tsebo.” (baKol. 2:3.)

Empa kamora’ sebe sa hae a sitoa ho fumana thabo kgalalelong, ‘me a rata ho ipatela sefahleho sa Jehova. Le joale pelo e sa nchafatsoang e ntse e le joalo.

Ha e na kopano le Modimo, ‘me ha e thabele ho kopana le Oona. Moetsadibe a ke ke a ba a thabela sefahleho sa Modimo, a ka iphutha setsoalleng sa tse halalelang, leha a ne a ka dumelloa ho kena lehodimong, le ne le ke ke la mo thabisa, ke moo moea oa lerato le se nang boiketsiso o busang teng, pelo tsohle di dumellana leratong la kgalalelo, melodi ea tsona e ke ke ea utloana le oa moea oa hae.

Mehopolo ea hae, dithato tsa hae, di ka fapana le tse tsamaisang baahi ba teng ba se nang sebe. A ka fetoha lentsoe le lethaila dikgelekeng tsa lehodimo.

Lehodimo ho eena ekaba baka sa mahlomola a ka lakatsa ho pateha ho eo e leng lesedi la teng, le kgubu ea thabo ea teng. Ha se thato ea Modimo ho koalla ba babe lehodimo; ba ikoalleloa ke ho roneha ha bona kopanong ea ba teng. Kganya ea Modimo ho bona e ka mollo o timetsang.

Ba ka mpa ba rata timelo, hore ba patehe pel'a sefahleho sa Eea shoeleng ho ba pholosa. Ho thata ho ipholosa e le rona lemeneng la sebe leo re oetseng ho lona.

Dipelo tsa rona di senyehile, 'me re sitoa ho di fetola. Ke mang ea ka hlahisang ho hloekileng ditšileng?—Ha a eo. (Jobo 14 : 4.)

[14]

Pelo ea mothbo ke sera ho Modimo hobane ha e ipee ka thas'a molao oa Modimo, le ho sitoa e ea sitoa. (ba-Roma 8:7.) Hlalefo, mosebetsi, ho rata ho tsoela pele, tšebetso ea motho, tsohle tsena di na le phetheho ea tsona ea sebele, empa mona ha di na matla. Di ka hlahisa holoka ho kantle ha boitsoaro, empa ha di na ho fetola pelo, ha di na ho hloekisa mehlodi ea bophelo. Eka kgona matla a be teng a sebetsang a etsoa kahare ho motho, bophelo bo bocha ba lehodimo, ha motho a tla fetoha ho tsoa sebeng ho kena kgalalelong.

Matla ao ke Kreste. Ke mohau oa Hae feela o ka tsebang ho tlosa mesobetsi e se nang bophelo ba moea, 'me ea e hulela ho Modimo.

Kgalalelong, Moloki O itse, "Ha motho a sa tsoaloe ke lehodimo—Ha a sa amohele pelo e ncha, dithato tse ncha, mehopolo le mekgoa e isang bophelong bo bocha, "a ke ke a bona 'muso oa Modimo.'" (Johanne 3:3.)

Kgopolo ea hore ke tšoanelo ea motho ho ntšetsa molemo oa hae oa hlaho pele, ke boithetso bo shoeleng. "Motho oa nama ha a amohele ditaba tsa Moea oa Modimo, hobane ke bohanya ho eena; 'me a ka sitoa le ho di tseba, hobane di lemouoa ka Moea.'" (1 ba-Kor. 2 : 14.) Se makale ha ke itse ho uena: Eka kgona le tsoaloe la bobedi." (Johanne 3: 7.)

Ho ngotsoe tsa Kreste ho thoe; "Bophelo bo no bo le ho Eena, 'me bophelo e ne e le lesedi la batho.'" (Johanne 1 : 4.) Lebitso la Hae ke lona le 'notsi le neiloeng batho tlas'a lehodimo, leo re ka bolokehang ka lona. (Dike 4 : 12.) Ha hoa lekana ho lemoha lerato la Modimo, le kgauho, le lereko, le sebopeho sa boNtate ba Oona.

Ha hoa lekana ho nahana bohlae le holoka ha molao oa Oona,—ho bona hoba di theiloe hodim'a bosafeleng ba sebele ba lerato la Oona. Moapostola o bone tseo ha a tla hoa a re: "Kea dumela hoba molao o molemo." "Molao oa halalela, le taelo ea halalela e lokile, e molemo." Empa o eketsa ka pelo e bohloko, e tsielehileng, o re: "Ke reketsoe hore ke be mohlanka oa sebe." (ba-Roma 7 : 16, 12, 14.) O hlolohetšoe hloeko, holoka hoo a se nang matla ka boena a ho bo fumana, 'me a hoa a re: "Oho ke motho ea soto hakak'ang?"

Ke mang ea tla nkgo1 la ‘meleng ona oa lefu?’ (ba-Roma 7 : 24.) Ke sona selo se phamisitsoeng se etsoa dipelong tse imetsoeng mafatšeng ‘ohle, le dilemong tsohle, ho tseo tsohle, karabo e ngoe; “Bonang Konyana ea Modimo E tlosang sebe sa lefatše” (Johanne 1: 29.)

[15] Ditšoantšo di ngata tseo ka tsona Moea oa Modimo o ratileng ho hlalosa ‘nete ena le ho e banahatsa ho meea e ratileng ho lopolloa boimeng ba melato.

Jakobo kamora sebe sa hae sa ho thetsa Esau, a baleha ha ntat’ ae, o na a imetsoe ke maikutlo a sebe. Kamoo a neng a le boinotšing le tahlehong ea hae, a arohane le tsohle tse neng di kgahleha bophelong ba hae, mohopolo o le mong hodim’a eohle o ileng oa moimela moeeng, e bile tšabo ea hore sebe sa hae se mo arohantse le Modimo, le hore o furaletsoe ke Modimo.

Ka Masoabi a robala fatše ho phomola lepalapaleng, a teetsoe hare ke marallana ka nqa tsohle, ‘me ka hodimo e le mahodimo a kganyang ke dinaledi.

Ha a ntse a robetse lesedi le hlollang la hlaha ponong ea hae; ‘me bonang lehoatateng leo a neng a robetse ho lona mehoaoloana e meholo e lerootho ea bonahala eka e ea lehodimong, hona monyako oa lehodimo, ‘me hodim’a eona mangeloi a Modimo a ne a nyoloha a theoha; lentsoe la Modimo le ne le utloala kganyeng ka thomo ea tšedisole ea tšepiso. Ke ka mokgoa o joalo ho tsebisitsoeng Jakobo hore o fumane tse neng di hlokoa ke moea oa hae, e leng hoba le ‘Moloki. Ka thabo le ka teboho a bona tsela e senotsoeng, eo ka eona eena moetsadibe a ka busetsoang kopanong le Modimo.

Lere eo ea sephiri ea toro ea hae e ne e tšoantša Jesu, e leng Eena feela kopano mahareng a Modimo le motho.

Ke lentsoe le le leng le leo Kreste a le buileng moqoqong oa bona le Nathanaele, ha a re: “Le tla bona lehodimo le buleha, ‘me mangeloi a Modimo a ntse a nyoloha, a ba a theohela hodim’a Mor’a motho.” (Johanne 1 : 52.) Ka ho koeneha motho o ikarohantse le Modimo; lefatše le ne le arohantsoe le lehodimo. Koetsa e ne e le mahareng ho no ho se kopano. Empa ka baka leo Kreste a kopanya ka mosebetsi oa Hae karohano e neng e entsoe ke koetsa ea sebe, hore mangeloi a tšebeletso a tie a be le kopano le motho. Kreste o kopanya motho ea oeleng, ho fokoleng ha hae, le ho tsieleheng ha hae ka mohlodi oa matla a bo Modimo.

Empa ke lefeela ho lora tsa tsoelopele ea batho, le phahamiso ea bana ba batho, ha ba nyedisa mohlodi oo e leng oa tšepo le oa thuso ho leloko le oeleng.

“Mpho eohle e molemo le e phethehileng,” e tsoa ho Modimo. (Jak. 1 : 17.) Ha ho mosebetsi oa ‘nete o lokileng kantle ho Eena, ‘me tsela engoe ho ea ho Modimo, ke Kreste. O re: “Ke ‘Na tsela, ‘Nete, le Bophelo; ha ho motho ea tlang ho Ntate ha e se ka’Na.” (Johanne 14 : 6.)

[16]

Pelo ea Modimo e ea sisa ka bana ba Hae ba lefatšeng, ka lerato le fitisang matla a lefu.

Ha O re nea Mora oa Oona, o tšolotse mahodimo kaofela ka mpho e le ngoe, Bophelo le lefu la ‘Moloki, le poelano le tšebetso ea mangeloi, le boemedi ba Moea bo senang kgaotso molemong oa tsa lehodimo,—tsohle tseo di hlahlamantsoe bakeng sa poloko ea motho.

Oho, a re ke re nahaneng sehlabelo se hlollang seo re se etseditsoeng! A re lekeng ho rorisa mosebetsi le matla a sarolloang ke lehodimo ho hapa ba timetseng, le ho ba busetsa tlung habo bona.

Ha ho letho le matla ho fitisa, ‘me ha ho matla afe le afe a neng a ka feta ao re sebeditsoeng ka oona,— moputso o sa boleloeng oa ba etsang hantle, le boiketlo ba lehodimo, le mokgatlo oa mangeloi, le kopano le lerato la Modimo le Mora oa Oona, ho phahamisoa, ho hodisoa ha matla a rona ka ho sa feleng,— na tsee ha se tse matla ho re kgothatsa, ho re susumetsa hore re neele mosebetsi oa dipelo tsa rona ho ‘Mopi le Molopolli oa rona na? Ka nqengoe dikahlolo tsa Modimo tse boletsoeng ka baka la sebe, le ditlolo tse ke keng tsa phengoa, kokobetso ea bophelo ba rona, le timelo e sa feleng di boletsoe lentsoeng la Modimo ho re tšabisa tšebeletso ea Satane.

Na re ke ke ra hlokomela mohau oa Modimo? Na e ne eka kgona A etse eng hofeta hoo? A re ke re ipheng e le rona kopanong le Eena ea re ratileng ka lerato le hlollang. A re ke re thahaselleng e le rona ditšoanelo tse re di etseditsoeng, hore re tie re fetohela ‘Mopong oa Hae, re busetsoe setsoalleng le mangeloi a tšebeletso, le bongoeng, le kopanong le Ntate le Mora.

[17]

3. PAKO

Na motho o tla loka joang pel'a Modimo? Na moetsadibe o tla lokafatsoa joang? Ke ka Krete feela re ka kopangoang le Modimo, ka kgalalelo; empa re ka tla joang ho Krete? Ba bangata ba botsang potso e neng e botsoe ke letšoele, mohl'a tsatsi la Pentakonta, ha ba ahloloa ke sebe ba hoa ba re: "Re tla etsa joang?" Lentsoe la pele la karabo ea Petrose le re: "Bakang" Motsotsong o mong ka moraonyana a re: Bakang . . . 'me le sokolohe, 'me dibe tsa lona di tla hlakoloa." (Dike 2 : 38; 3 : 19.)

Pako e kopane le bohloko ba sebe, le ho se bakela ha re na ho tela sebe ha ese hore re bone bobo ba sona; ha e se hore re se bakele ka pelo, re ke ke ra ba ra ba le phetoho ea 'nete bophelong ba rona.

Ba bangata ba sa utloisiseng seo pako e leng sona. Matšoele a utloa bohloko ka boetsadibe ba oona ba etsa joaleka ha eka ba bakile, hobane ba tšaba hore ketso tsa bona tse mpe di tla ba hlahisetsa ditsietsi. Empa ka mokgoa oa Bibe le hoo ha se pako. Ba llisoa ke ho tšaba kotlo ho ena le sebe. Ke eona tlhomoho ea Esau ha a bona hore o lahlehetsoe ke bohloko ba hae ba ho tsoala ka ho sa feleng. Balaame ha a tšosa ke lengeloi le emeng tseleng ea hae ka lerumo le pshemotsoeng a dumela sebe sa hae, ka hore a ka tšoha a timelloa ke bophelo ba hae; empa ho no ho se pako ea sebele ea sebe, ho se tšokoloho ea sebele, ho se hloeo ea sebe.

Judase Iskariota ha a se a ekile Morena oa hae, a hoa, a re: "Ke sitiloe, ha ke ekile madi a senang molato." (Matth. 27: 4.) Boipolelo ba hae bo no bo susumetsoa ke ho ikutloa ho tšaba kahlolo tse tla mo hlahela tsa mo tlatsa tšabo; empa ho no ho se tlhomoho ea sebele ea pelo e soabileng moeng oa hae, kamoo a ekileng Mor'a Modimo Ea se nang letheba, le ho latola Mohalaledi oa Iseraele.

Faro ha a utloa bohloko ba kahlolo ea Modimo, a dumela sebe sa hae, hore a mpe a phonyohe kotlong tse latelang tseo, empa a kgutlela boreng ba hae le Modimo dikotlo di sa tsoa kgutlisoa.

Bana bohle ba tlisitsoe ke dikotlo tsa sebe, e seng ho llisoa ke bonnete ba sebe.

Empa ha pelo e hlahisa tse tsoang Moeeng oa Modimo, letsoalo le tla phahama, ‘me moetsadibe o tla lemoha taba engoe ea botebo le holoka ha molao o halalelang oa Modimo, motheo oa puso ea Hae mahodimong le lefatšeng. [18]

“Lesedi le bonesetsang mang le mang ea tlang lefatšeng.” (Johanne 1 : 19.) Le bonesa diphiri le diphaposi tsa pelo, ‘me tse patiloeng tsa lefifi di pepesoe. [19]

Mehopolo le pelo di tšoaroe ke hlolo. Moetsadibe a be le kelello ea holoka ha Jehova, ‘me a utloe botšabehe ba ho hlaha ka melato ea hae le ditšila pel’a Ea lekodisisang dipelo.

A bone lerato la Modimo, botle ba kgauhelo, thabo ea hloeko; a lakatse ho hloeka le ho boelangoa le lehodimo.

Thapelo ea Davida hobane a oe, e hlile ea bonahatsa mokgoa oa sebele oa ho hlomoha ka baka la sebe. Pako ea hae e bile ea nete e tebileng.

Thapelong ea hae ho no ho se mokgoa oa ho leka ho pata molato oa hae. Davida a bona boholo ba tlolo ea hae; a bona tšilafalo ea moea oa hae; A ila sebe sahae. O na a sa rapelle tšoarelo feela, empa hloeko ea pelo. A hlolohetsoe thabo ea kganya hore a busetsoe bonngoeng le kopanong le Modimo. Lentsoe la moea oa hae e ne e le lena: —

“Ho lehlohonolo motho eo tšito ea hae e tšoaretsong le sebe sa hae se apesitsoeng. Ho lehlohonolo motho eo Jehova A sa ‘malleng bokgopo ba hae.

Oho Modimo. U nkgauhele ka baka la lereko la Hao: Ka baka la mehaulo ea Hao e meholo hlakola ditlolo tsa ka . . . hobane ke tšaba ditlolo tsa ka, ‘me sebe sa ka se pel’a ka kamehla U foke hodim’a ka ka hysopa, ke tie ke hloeke, U ntlhatsoe, ke tie ke fete lehloa ka bosueu Oho Modimo, bopa kahare ho ‘na pelo e hloekileng; U boele u lokise ka ho’na moea o tiileng. U se ke ua nteleka pel’a sefahleho sa Hao?

’Me u se ke ua nkamoha Moea o halalelang oa Hao. U mpusetse thabo ea poloko ea Hao, ‘me nke ke tiisoe ke Moea oa Hao, o mafolofolo.

Oho Modimo, Modimo oa poloko ea ka, ntopolle molatong oa madi.

’Me leleme la ka le tla rorisa holoka ha hao. (Pesa 32 : 1, 2; 51 : 1-14.)

[20] Pako e kang ena e phahametse matla rōna ho e phetha; e fumanoa ho Kreste feela, ea nyolohetseng mahodimong, ‘me A fa batho dineo. Hona mona ho na le taba e lahlang ba bangata, ka hoo ba sitoa ho fumana thuso eo Kreste A ratang ho ba fa eona. Ba hopole hore ha ba na ho tla ho Kreste ha e se hore ba bake pele, le hore pako e lokisa tsela ea tšoarelo ea dibe tsa bona.

Teng ke ‘nete, pako e etella tšoarelo ea dibe pele; hobane ke pelo e robhileng feela le e hlomohileng e ikutloang ho hloka Mopholosi. Empa na moetsadibe e ka kgona a emele pako a es’o tie ho Jesu na? Na pako e ka etsoa kgopiso mahareng a moetsadibe le mopholosi na?

Bibele ha e rute hore moetsadibe a bake a es’o lemohe pitso ea Kreste. “Tlong ho’na lona bohle ba kgathetseng, ba imeloang, ‘me ke tla le imolla.” (Matth. 11 : 28.). Ke matla a tsoang ho Kreste a isang pakong ea sebele.

Petrose o hlalositse taba ena ha a bolela ka tsa Ba-Iseraele, ha a re: “‘Me Modimo O Mo phahamiseditse letsohong le letona la Oona, hore e be Eena Morena le Moloki ea neang Iseraele pako le tšoarelo ea dibe.” (Dike 5 : 31.)

Ha re na ho baka kantle ho Moe’a oa Kreste ho tšosa letsoalo, joaleka ha re se na tšoarelo kantle ho Kreste.

Kreste ke Eena Mohlodi oa diba se seng le se seng se lokileng.

Ke Eena feela Ea ka hlomang pelong bora ba sebe. Thato eohle ea ho rata ‘nete le hloeko, le ho hlola hohle ha bobbe ba rōna, ke tse hlahisoang ke tšebetso ea Moea oa Hae dipelong tsa rōna.

Jesu O na A re: “‘Me ‘Na e tla re hoba ke nyolloe, ke tla hulela bohle ho ‘na.” (Johanne 12 : 32.)

Kreste e ka kgona A senoleloe moetsadibe e le Mopholosi ea shoelang dibe tsa lefatše, me ha re shadima Mora oa Modimo hodim’a sefapano sa Golgotha dimakatso tsa topollo di qala ho phetleha mehopolong ea rona, ‘me molemo oa Modimo o re ise pakong. Kreste ha a shoela baetsadibe, O bonahaditse lerato le sitang mehopolong, ‘me moetsadibe ha a shadima lerato lena, pelo e ea nolofala, le itšoea mehopolong, le ise maikutlo a hlomohileng moeeng.

Ke ‘nete mohl’omong batho ba hlabisoa dihlong ke metsamao ea bona e mebe, ‘me ba tele mekgoa emeng e mebe ea bona, ba es’o ikutloisisi hore ba iteka ho fetoha ka takatso ea ‘nete ea ho etsa ho

lokileng, ke matla a Krete a ba hulang. Matla ao ba sa a tsebeng a sebetsa moeeng oa bona, 'me letsoalo le tšosoe, 'me bophelo bo kantle bo fetohe. 'Me ha Krete A ba hula hore ba shebe sefapano sa Hae, hore ba bone eo dibe tsa bona di mo hlabileng, molao o kgutlele matsoalong.

Bokgopo ba bophelo ba bona, bo metseng moeeng bo senoloa ho bona, ba qale ho elelloa tsa holoka ha Krete, 'me ba hoe ba re: "Sebe k'eng ha se tla hloka boitelo bo kalo ba ho lopolla bao se ba timeditseng?"

[21]

Hleka lerato le kalo, bohloko bo kale boikokobetso b'oa kalo, di etseditsoe hore re seke ra timele re mpe re be le bophelo bo sa feleng na? Moetsadibe ke ha a ka hana lerato, a hana ho huleloa ho Krete, empa ha a sa hane, o tla huleloa ho Jesu; tsebo ea mosebetsi oa polokeho e tla mo hulela maotong e sefapano ka ho bakela dibe tsa hae, tse hlahisitseng mahlomola a Mora oa bohlokoa oa Modimo.

Ke eona kgopolo eo e phahameng e ntseng e sebetsa dinthong tsa hlalo, e buoang dipelong tsa batho, 'me e hlahise maikutlo a takatso e senang ho boleloa ea seo ba sa ntseng ba se hloka.

Ntho tsa lefatše ha di na ho kgodisa thato ea bona. Moea oa Modimo o ba tlatsa ho batla ntho tseo e leng tsona feela tse ka tsebang ho nea kgotso le phomolo,— mohau oa Krete, thabo ea kgalalelo.

Ke mesebetsi e bonoang le e sa bonoeng, 'Moloki oa rōna O ntse a sebetsa ho hula mehopoloo ea batho dint hong tse sa kgodiseng, ho e lebisa mahlohonolong a tsa lehodimo, ao e ka bang a bona ka Eena.

Ho meea eohle e ikgathaietsang lefeela ka ho noa tse sa kgodiseng tsa lefatše lena, boqosa bo tsoang lehodimong bo re: "Ea nyoriloeng a tie. Ea ratang a nke feela metsi a bophelo." (Tšeno 22 : 17.)

Uena ea ikutloang pelong ho ngongorehela ho felang ho ka neoang ke lefatše lena, hopola hoba ngongoreho eo ke lentšoe la Modimo pelong ea hao. Mo kope hore A u nehe pako, A u senolele Krete leratong le phahameng la Hae, hloekong e phethehileng ea Hae.

Bophelong ba Moloki, dihloho tsa molao oa Modimo — lerato ho Modimo le batho,— di ile tsa iponahatsa hantle.

Kgauho, lerato le senang boiketsiso, ebile bophelo ba moea oa Hae. Ho joalo, ha re Mo shadima, ha lesedi le tsoang ho Moloki le oela hodim'a rona, eba re bona bobo ba dipelo tsa rona.

Ekaba re 'nile ra ithetsa joaleka Nikodema, hore bophelo ba rona ebile bo lokileng, le hore ha re na ho kokobetsa pelo pel'a Modimo joaleka moetsadibe, empa ha lesedi le tsoang ho Kreste le kgantša meea ea rona, re tla bona kamoo re leng ditšila kateng; re tla lemoha mokgoa oa boitšepo, bora ho Modimo, tse sentseng mekgoa eohle ea bophelo.

[22] Ke moo re tla tseba hore holoka ha rona, ruri eka dikatana tse ditšila, le hore ke madi a Kreste feela a ka re hlatsoang tšilafalong ea sebe, le ho nchafaletsa dipelo tsa rōna setšoantšong sa Hae.

Mochaedi o le mong oa kganya ea Modimo, lehlasedi le le leng la hloeko ea Kreste le phunyeletsa moeeng, le bonahatsa matheba 'ohle a ditšila habohloko, me le senola sebopelohlo, le ho fokola ha mokgoa oa ngoan'a motho.

Le bonahatsa ditakatso tsa lefeela, ho se dumela ha pelo ho se hloeke ha melomo, diketso tsa moetsadibe tsa ho se tšepehe, tsa ho etsa molao oa Modimo lefeela di senoloe mahlong a hae, 'me moea oa hae o hlajoe, a utloisoe bohloko ke tšebetso e batlisisang ea Moea oa Modimo. A be a inyonye e le eena ha a bona hloeko e se nang sekodi ea mokgoa oa Kreste.

Moprofeta Daniele ha a ne a bona leqosa la lehodimo le neng le rometsoe ho eena le apesitsoe ke kganya, a kgurumetsoa ke maikutlo a phokolo, le ho se loke ha hae.

Ha a hlalosa ketso ea pono eo e makatsang O re: "Ha hoa ka ha sala matla ho 'na, 'me tšobotsi ea ka ea sohlokana, 'me ka omella, 'me ka hloka matla." (Daniele 10 : 8.) Moea o amiloeng joalo, o tla hloea boithato ba oona, o ile ho ithata, 'me o batla ka ho loka Kreste hloeko e dumellanang le molao oa Modimo, le mosebetsi oa Kreste.

Pauluse o re, ha a bolela tsa "holoka ha molao"— ha e le ka tsa holoka ho kantle, o na a se na "ho nyatseha," (ba Filipi 3:6) empa ha matla a molao oa moea a iponahatsa, a ipona boetsadibe. A ahlola ka hlaku ea molao, ha motho a o bapisa le bophelo bo kantle, o ipolokile sebeng; empa eitse ha a tadima botebo ba ditaelo tsa Oona tse halalelang, 'me a ipona joaleka ha Modimo O 'mona, a inama ka boikokobetso, 'me a ipolela molato oa hae. O re: "Ke ne ke phela kantle ho molao, empa e itse ha taelo e fihla sebe sa tsoha 'me 'na ka

shoa.” (ba-Roma 7:9.) Eitse ha a bona mokgoa oa molao oa moea, sebe sa hlaha ka botšabehe ba sona ba sebele, ‘me boitšepo ba hae ba feela.

Modimo ha O tadime dibe tsohle ka holekana; tekanyong ea Oona melato e fapane, joaleka ho ea ka motho; empa leha ho le joalo, ho nyatseha hona ho ka ba honyenyane mahlong a mo-tho, ha ho sebe se senyenyane mahlong a Modimo. Ho bona ha motho nqa tse ding ha hoa phetheha; empa Modimo O hlile O lekanya ntho tsohle kamoo di hlileng di leng kateng.

Letahoa lea nyedisoa, ‘me le bolelloa hoba sebe sa lona se tla le hlokisa lehodimo; athe boikgohomoso, boithati bokgonatha, di atisa ho se kgalemeloe.

Empa dibe tsena ke tsona haholo tse halefisang Modimo, hobane di fapane le sebopeho sa lereko la Oona, leratong leo le se nang boiketsiso, leo e hlileng e leng moea oa bohle ba se nang ho oa. Ea oeleng ho tse ding tsa bongata bona ba dibe a ka ba le maikutlo a dihlong, le bofutsana, le ho hloka mohau oa Krete ha hae, empa boikgohomoso ha bo ikutloe ho hloka, ka baka leo bo koalla Krete pelo, le mahlohonolo a maholo ao A tlileng ho a fana.

[23]

Molekgetho oa batho ea ileng a rapela a re: ” Modimo nkgauhele, ‘na ke leng moetsadibe” (Luka 18 : 13), O ipone e le motho e mobe haholo, le ba bang ba ‘mona joalo, empa a ikutloa seo a se hlokang, ‘me a tla ka phahlo ea hae ea melato, le dihlong pel’a Modimo, a kopa mohau oa Oona.

Pelo ea hae e ne e bulehetse Moea oa Modimo ho etsa mosebetsi oa Oona, le ho mo lokolla matleng a sebe.

Thapelo ea Mofarisi ea boikgohomoso le ea boitokafatso ea ipontša hoba pelo ea hae e koaletse Moea o Halalelang ka ho ba hole ha hae le Modimo, a hloka tšoarelo ea makgopolo a hae mabapi le hloeko ea boModimo. A se ke a ikutloa ho hloka ka baka leo a se ke a amohela letho.

Ha u bona boetsadibe ba hao u se ke oa lebella tsa ho itokisa. Ba bangata hakak’ang ba reng ha ba lokele ho tla ho Krete. Na u hopola hore u ka itokafatsa ka mesebetsi ea hao na? Na moEthiopia a ka fetola letlalo la hae, kapa lengau matheba a lona na? Ha ho le joalo le ka tseba ho etsa hantle, athe le itemaditse ho etsa hampe.” (Jere. 13 : 23.) Thuso ea rōna e ho Modimo feela.

Re se ke ra lebella boikutlo bo matla, le metsotso e re loketseng, kapa mehopolo e fetang ea mehla ka hloeko. Re ke ke ra etsa letho e le rōna. Eka kgona re tie ho Kreste re le score leng sona.

Empa ho se be ba ithetsang ka mohopolo oa hore, Modimo leratong le lehlo la Oona le mohau, A ka pholosa le bona bahani ba mohau oa Hae. Bokgopo bo boholo ka hofetisa bo ka lemouoa leseding la sefapano feela.

Ha batho ba hlile ba lekanya hore Modimo O molemo haholo ho re a ka leleka moetsadibe; a ba ke ba tadime Gologotha, ke hobane ho no ho se mokgoa o mong oo batho ba neng ba ka bolokeha ka'ona, hobane kantle ho sehlabelo seo, ho no ho se mokgoa o mong oo leloko la motho le neng le ka phonyoha ka ona matleng a tšilafatso ea sebe, hore ba boele ba busetsoe kopanong le tse halalelang,— ho thata hore e boele e be ba nang le kabelo bophelong ba moea,— ke ka baka leo Kreste a Ipelesitsing melato ea boikgantšo, 'me a utloa bohloko bakeng sa moetsadibe.

[24] Lerato, mahlomola le lefu la Mora oa Modimo, tsohle tseo di paka boholo ba botšabehe ba sebe, 'me di bontša hoba ha ho phonyoho matleng a sona, ha ho tšepo ea bophelo bo phahameng, ha e se boinehelo ba moca ho Kreste.

Ba sa sokolohang mohlomong ba ithetsa ka hore, ha ba bolela tsa ba ipolelang bo-Kreste: Ke ntse ke le molemo joale — ka bona. Ha mphete ka boitelo, le ka ho se noe le ka ho itlhokomela mekgoeng ea bona.

Ba rata thabo le bolokolohi joaleka 'na.' Ka hoo ba etse mefokolo ea ba bang lebaka la hose hlokomele ditšoanelo tsa bona. Empa dibe, le dipha tsa ba bang ha di hlakole molato oa motho e mongo hobane Morena O re neile motho ea sa foseng eo re ka mo etsisang. Mora ea senang sekodi oa Modimo re mo neiloe ho ba setšoantšo sa rona 'me ba belaelang ka diphoso tsa ba ipitsang ba-Kreste ke bona ba neng ba tšoanetse ho bonahatsa bophelo bo lokileng le mekgoa e hlonephehang.

Ka ho ba le kelello e kalo ea seo mo-Kreste a tšoanetseng ho ba sona, na sebe sa bona ha se fitise haholo na? Ba tseba se lokileng, leha ho le joalo ha ba se etse.

Tšabang, meso e tšoala mesoana ,le se ke la suthisa mosebetsi oa ho lahla dibe tsa lona, le ho batla hloeko ea pelo ka Jesu, ke

hona mona moo ho lahlehileng dikete tsa dikete ho ea timelong ea bosafeleng.

Mona ha ke na ho ema hodim'a tsa bokgutšoane le ho se tšepahale ha bophelo, empa ho na le tsietsi e tšabehang, kotsi e sa utloisoeng hantle — ea ho dieha ho inehela lentsoeng le ntseng le bitsa la Moea o Halalelang oa Modimo, le ho ikgethela ho sala sebeng; hoba tieho eo e joalo kasebele. Sebe leha e ka se senyenyane, ha se ka dumelloa ke tšenyeho ea timelo ea bosafeleng.

Ho sa hloloeng, ho tla hlola rōna, 'me ho hlahise timelo ea rona.

Adama le Eva ba ithetsitse ka hore tabanyana e kang ea ho ja ditholoana tsa sefate seo ba se hanetsoeng, di ke ke ea tsa hlahisa taba tse tšabehang tse kang tseo Modimo O di boletseng.

Empa eona tabanyana eo ebile tlolo ea molao o Halalelang oa Modimo, o se nang ho fetoha, 'me e arohantse motho le Modimo, 'me ea bulela dikgoro tsa diphororo tsa lefu, le mahlomola a se nang ho boleloa lefatšeng la rona. Ka ho hlahlamana ha meleko, ho 'nile ha nyoloha lefatšeng la rona mantsoe a dillo tse sa kgaotseng, 'me dibopuo a tsohle tsa fehelo, tsa utloa bohloko ha' mohoh, e le ka baka la tlolo ea motho.

Esita le lehodimo la utloa bohloko ke tsa koeneho ea motho, ha a koenehe' a Modimo.

[25]

Gologotha e ne e le kgopotso ea sehlabelo se makatsang, se kileng sa hlokoa ho lopolla ba neng ba timetse ka ho tlola molao o kgethehileng.

A re se keng ra tadima sebe joaleka nthoana e nyenyane. Ketso eohle ea tlolo, nyedisio eohle, kapa kgano ea mohau oa Krete, e eketseha hodim'a hao e thatafatsa pelo; e kokobetsa thato, e thatafatsa kutloisiso, ha e u hlokisi takatso ea boinehelo feela empa le ho hloka tšoanelo ea boinehelo pitsong ea lerato le Moea o Halalelang oa Modimo.

Ba bangata ba kgutsisa letsoalo le kgathatsang ka kgopolo ea hore, ba ka tlohela tsela ea bobeha ka thato ea bona, 'me ba 'ne ba nyenyefatse pitso ea mohau ka hore, leha ho le joalo, ba tla 'ne ba phehelloe, ba re ekaba leha ba se ba nyedisitse Moea oa mohau, ha matla a bona ba se ba a lahletse pel'a Satane, ekare nakong ea tsietsi e tšabehang ba ka fetola ditaba tsa bona. Empa hoo ha ho etsoe ha bonolo.

Kelello, hlalefo, tsa nako ea ha u sa phela ha monate, di hlile di fetotse sebopeho, hore e be ba seng bakae ba amohelang setšoantšo sa Jesu.

Leha ekaba mokgoanyana o le mong oa bokgopo takatso e le ngoe feela ea bobbe, e ntseng e hlile e babaletsoe, e tla senya matla ohle a Evangedi. Tumello efe le efe ea bokgopo, e matlafatsa moea ho hloea Modimo.

Motho ea iponahatsang bothata ba bohetene, le bothoto ba hose hlokomele 'nete ea bo-Modimo, o ntse a kotula seo a se jetseng e le eena. Bibeleng eohle ha ho keletso e tšabehang joaleka ea motho ea bohlae bakeng sa ea bapalang ka sebe, ha a re: Moetsadibe “o tla tšoasoa ke mehala ea makgopo a hae.” (diProv. 5 : 22.)

Kreste O itukiseditse ho re ntša sebeng, empa ha A kganne thato ka matla; ‘me ha u tsoela pele bokgopong thato eohle e ba e se e lemalla bobeng, ‘me ha re sa rata ho lopolloa, ha re sa amohela le mohau oa Hae.

Eka kgona A etse ho feta hoo A ho entseng? Re itahlile e le rona, ka phehello ea rona ea ho hana lerato la Hae. “Bonang, joale ke nako e tšoanelehang; bonang joale ke letsatsi la pholoho.” (2 ba-Kor. 6: 2.) Kajeno ha le utloa lentsoe la Oona le se ke la thatafatsa dipelo tsa lona.” (ba-Heb. 3 : 7, 8.) “Motho o tadima tšobotsi, athe Jehova Eena o tadima pelo” (1 Sam. 16 : 7), pelo ea botho ka mekgoa e thulakanang ea eona, ea thabo le ea masoabi,— pelo e hlahlathellang hohle, eo e leng boaho ba ditšila tse ngata le dithetso.

[26] O tseba mekgoa ea eona, le mehopolo ea eona, le menahano ea eona. E ea ho Eena ka moea oa hao, u ntse u le mekgoelebe e joalo. Joaleka Mopesaleme, phetlela diphaposi tsa eona Leihlo le bonang hohle, ka mohoo o reng: “Mphopholetse Jehova, ‘me U tsebe pelo ea ka; nteke, u tebe mehopolo ea ka, ‘me U bone ha tsela ea bokgopo e le teng ho ‘na ‘me U nkise tseleng e isang bophelong bo sa feleng.” (Pes. 139 : 23, 24.)

Ba bangata ba amohela tumelo ea mokgoa, sebopeho sa bo-dumedi, empa pelo e sa hloekisoa. Ha eke e be thapelo ea hao hore: Oho Modimo, “bopa kahare ho ‘na pelo e hloekileng, ‘me u boele U lokise ka teng ho ‘na moea O tiileng.” (Pes. 51: 10.) Sebedisana ka sebele le moea oa hao. U be mafolofolo, le matla, joaleka ha u no u ka etsa ha eba ke bophelo, ba ‘mele oa hao bo tlamiloeng. Ena ke taba e tšoanetseng ho lokisoa pakeng tsa Modimo le moea oa

hao,— tokisetso ea bo safeleng, Tšepo e lebeletsoeng, ‘me ho seng letho le ka boelang la e senya.

Nahana lentsoe la Modimo ka thapelo. Lentsoe leo le hlahisa pel’a hao, ka molao oa Modimo le bophelo ba Krete, taba tse kgolo tsa kgalalelo, eo ho seng motho “ea ka bonang Modimo ha a se na eona.” (ba-Heb. 12 : 14.)

Le ahlola sebe, le hlalosa tsela ea bophelo hantle. Le hlokomele, ka he e le lentsoe la Modimo le buoang moeeng oa hao.

Joaleka ha u bona botšabehe ba sebe, joaleka ha u ipona kamoo u leng kateng, u se ke oa kgathala oa tepella.

Kreste O na a tlela ho pholosa bona baetsadibe. Ha re na ho boelanya Modimo le rona, empa oho lerato le makatsang! Modimo ka Krete O “boelanya lefatše le Eena.” (2 ba-Kor. 5 : 19.) Leratong la Hae le mosa O mema dipelo tsa bana ba Hae ba lahlehileng. Moholo oa motho ha a eo lefatšeng ea ka bang le sebete se kalo bakeng sa diphoso tsa bana ba hae joaleka Modimo ka bao a ratang ho ba pholosa. Ha a eo ea mo fetisang ka ho emela motlodi diphosong tsa hae. Ha ho molemo oa ngoan’a motho o kileng oa tšollela dikgothatso ho moleleri joaleka ha A entse dipallo tsohle tsa hae, ditemoso tsa Hae, ke phefumoloho ea lerato la Hae, le se nang ho boleloa.

Ha Satane a etsa, a u bolella hore u moetsadibe e moholo, .lelalla ho Molopolli oa hao, ‘me u buoe ka tsa molemo oa Hae. Ho ka u thusang ke ho tadima leseding la Hae, u dumele sebe sa hao, empa u bolelle sera u re: “Jesu Krete O tlike lefatšeng ho pholosa baetsadibe” (1 Tim. 1 : 15), ‘me u ka bolokeha ka baka la lerato la Hae le se nang tekanyo. Jesu o kile a botsa Simone potso bakeng sa batho ba babedi ba melato. E mong o na a nametse mong a hae ka hose hokae, emong a mo nametse haholo, empa a ba tlohella ba babedi, ‘me a botsa Simone hore ke ofe ho ba babedi bao ea ka ratang morena oa hae haholo, Simone a araba, a re: “Ke ea tšoaretseng haholo.” (Luka 7 : 43.) Re ne re le baetsadibe ba baholo; empa Krete a shoa, hore re tie re tšoareloe ‘me re busetsoe kopanong le lehodimo. Ke holoka ha Hae feela ho ka re fang matla a ho ba bana ba Modimo.

Bao a ba tšoaretseng haholo, O tla ba rata haholo me ba tla ema haufi le terone ea Hae, ho Mo rorisa ka ba ka la lerato le leholo la

Hae, le sehlabelo sa bo Modimo ba Hae. Ke ha re lemoha lerato la Modimo, ha re tla kgoloa ke bobbe ba sebe.

[28] Ha re bona bolelele ba lehlaahlela leo re le tliseditsoeng, ha re utloisisa tsa sehlabelo sa bo-Modimo seo Kreste A se entseng bakeng sa rona, pelo e ea qhibidiha, e be bonolo, e hlomohe.

[29]

4. BOIPOLELO

Ea patang dibe tsa hae ha a ka ke a hlohonolofala; empa ea di bolelang, ‘me a di bakela, O tla fumana mohau.’ (di-Prov. 28 : 13.)

Mekgoa ea ho fumana mohau oa Modimo e bonolo e lokile, ‘me e ea utloahala. Morena ha a hloke hore re etse taba e bohloko hore re fumane tšoarello ea sebe. Ha re na ho etsa maetohadi a malelele a kgathatsang, kapa ho inehela mahlomola a bohloko hore re nehele meea ea rona ho Modimo oa lehodimo, kapa ho iketsetsa boitokisetso ba bokgopo ba rona; empa ea ipoletseng, ea tsetseng sebe sa hae, o fumana mohau.

Moapostola o re: Bolellanang ditšito tsa lona, ‘me le rapellane, le tle le foie.’ (Jako. 5 : 16.)

Bolelang dibe tsa lona ho Modimo, e leng Oona feela O ka le tšoarelang dibe, ‘me le bolellane melato ea lona.

Ha u ile oa utloisa oa heno bohloko, kapa eo u ahisaneng le eena, u tšoanetse ho ipolela phoso ea hao, ‘me ke tšoanelo ea hae ho u tšoarella. Joale u tšoanetse ho batla tšoarello ea Modimo, hobane ngoaneno eo u mo hlabileng ke ntho ea Modimo, ‘me ka ho mo utloisa bohloko, u sitetsoe ‘Mopi oa hae, le Molopolli oa hae. Taba di tlisitsoe ho eo e leng Moahlodi oa ‘nete, Moprasta oa rona Ea phahameng, “Ea lekiloeng nthong tsohle joaleka rona, empa ha a ka a etsa sebe ” ea kileng a angoa ke maikutlo a “mefokolo ea rona” (ba-Heb. 4 : 15.), ‘me a ka tseba ho hlatsoa theba lefe le lefe la bokgopo.

Ba sa kang ba kokobetsa meea ea bona pel’a Modimo ka ho dumela molato oa bona, ha ba es’o phethe ketso ea pele ea ho amoheloa.

Ha re sa ka ra eelloa pako eo e neang kgotso ‘me re so ipolele dibe tsa rona ka boikokobetso ba moea le ka pelo e robehile, le ho ila bokgopo ba rona ha re eso, batle tšoarello ea dibe tsa rona ka ‘nete, ‘me ha eba re es’o batle ha re so fumane kgotso ea Modimo. Mokgoa oo re sa fumaneng tsela ea dibe tse fetileng ke hobane re sa dumele ho kokobetsa dipelo tsa rona, le ho dumellana le tsa lentsoe

la 'nete. Hlaloso e utloahalang e boletsoe tabeng ena. Boipolelo ba dibe pontšeng, kapa sephiring, di tšoanetse ho tsoa pelong, 'me di hlaiosoe.

[30] Ha di na ho batloa ka matla ho ba se nang kutloisiso ea botšabeho ba sebe. Boipolelo bo tšolloang ke bohare ba moea bo fumana tsela ea ho ea ho Modimo O tletšeng mohau.

Mopesaleme o re: "Jehova O haufi le ba pelo e robehileng; 'me O boloka ba meea e hlomohileng." (Pes. 34 : 18.)

Boipolelo ba 'nete bo hie bo iponahatse ka mesebetsi, 'me bo ipolele, dibe kamoo dileng ka teng. Kapa e leng tse tšoanetseng ho hlalisoa pel'a Modimo feela, kapa diphoso tse tšoa-netseng ho boleloa ho bao di ba utloisitseng bohloko; kapa e kaba tse hlahetseng pontšeng, 'me tsa lokela ho hlalisoa pepeneneng. Empa maipolelo 'ohle a tšoanetse ho hlaloseha le ho ntša ntlha, le ho dumela seo u hlileng u se entseng.

Mehlang ea Samuele ba-Iseraele ba ne ba arohane le Modimo. Ba ne ba jeoa ke molato oa sebe; hobane ba ne ba lahlehetsoe ke tšepo ea bona ho Modimo, ba lahlehetsoe ke temoho ea matla le bohlae ba Oona ea ho busa sechaba, ba lahlehetsoe ke tšepo ea matla a oona.

Ba koenehela Moahlodi e moholo oa ntho tsohle; 'me ba lakatsa ho busoa joaleka dichaba tse ba teetseng hare Ba es'o fumane kgotso, ba hlalisa boipolelo bona bo utloahalang.

"Re ekeditse makgopo 'ohle a rona ka bobbe boo ba ho iqella Morena." (1 Sam. 12 : 19.)

Sona sebe seo ba neng ba se ahloletsoe se ne se tšoanetse ho boleloa.

Ho hloka teboho ha bona ha hlorisa meea ea bona, 'me ha ba arohanya le Modimo.

Boipolelo bo ke ke ba amoheleha ho Modimo ha ho se pako ea maikutlo le phetoho.

Eka kgona phetoho e bonahalang e be teng bophelong; tsohle tse halefisang Modimo di tšoanetse ho lahloa.

Ka tseo ho tla bonahala bohloko ba 'nete ba sebe. Mosebetsi oo re tšoanetseng ho o etsa e le rona o beiloe phatlalatsa pel'a rona: Itlhatsoeng le itlhoekise; tlosang bolotsana ba diketso tsa lona pel'a mahlo a ka; kgaotsang ho etsa hampe; ithuteng ho etsa hantle; le

batlisisa ho loka, sireletsang motšoenyehi, le lokisetse dikgutsana, le emele nyeoe ea mohlolohadi.” (Esa. 1 : 16, 17.)

“Ha molotsana a busa tebeletso, a busa seo a se utsoitseng, ‘me a tsamaea ka taelo tsa bophelo, a sa etse bokgopo, ka ‘nete o tla phela, a ke ke a shoa.” (Ezek. 33 : 15.)

Paulose ha a bolela tsa mosebetsi oa pako o re: “Ha le soabile joalo ke mokgoa o ratoang ke Modimo, e bile taba e boitlhokomelo bo kak’ang, le hloko-falo e kaka’ng, le tšoho e kak’ang, le takatso e kak’ang le cheseho e kak’ang, e, le taeo e kak’ang! [31]

Le bonahadi tse ka tsohle hoba le ne le se na molato tabeng tsena.” (2 ba-Kor. 7: 11.)

Ha sebe se se se bolaile temoho ea bophelo, moetsadibe ha a sa nahana diphoso tsa hae, le ho kgoloa ke boholo ba bobbe boo a bo entseng; ‘me ha a eso hloloe ke matla a moea o halalelang, o tla ‘ne a sale ka nq̄e ngoe a ntse a foufetse sebeng sa hae. Maipolelo a hae ha a ea hloeka ha a utloahale.

Ho ipoleleng hohle ha molato oa hae, o eketsa ka meitatolo ea ho pata bokgopo ba hae o re, hojane e se be ka hore le hore, ekabe eba ha a ka a etsa hona kapa hoane e leng tseo a qosoang ka tsona.

Hobane Adama le Eva ba je sefate seo ba neng ba se hanetsoe, ba ne ba aparetsoe ke dihlongle tšabo. Taba ea pele e bile hore na ba tla latofatsa sebe sa bona k’ang, le ho phema kotlo e tšabehang ea lefu. Ha Modimo O botsisisa sebe sa bona, Adama a araba, nq̄engoe a bea molato ho motsoalle oa hae, nq̄engoe ho Modimo, “mosadi eo u neileng eena ke eena a mphileng tsa sefate ‘me ka ja.” Mosadi a bea molato ho noha, a re: Noha e nthetsitse, ‘me ke jele.” (Gen. 3: 12, 13.)

Na U etseditseng noha, U e dumelletseng ho kena Edeneng? Ke tsona dipotso tse utloalang meitatolong ea hae, bakeng sa sebe sa hae, ke ho bea Modimo molato oa ho oa ha bona.

Moea oa boikemelo a qalehile ho raleshano, ‘me oa ntšetsoa pele ke bara le baradi ba Adama. Maipolelo a mokgoa oo ha ea hlahisoa ke Moea oa boModimo, ‘me a ke ke a amoheloa ke Modimo. Dipotso tsa Lentsoe la Modimo tšokolong ea ‘nete le boikokobet-song, di hlahisa moea oa boipolelo, o senang ho latola sebe, kapa ho leka tsa boikemelo.

Pako ea ‘nete e ruta motho ho itjarela molato oa hae, le ho o dumela a sa thetse, a sa ikaketse. Joale ka molekgetho oa batho ea

sitiloeng le ho emisetsa mahlo a hae lehodimong, a mpa a hoa a re “Modimo, nkgauhele ‘na ke leng moetsadibe.” ‘Me ba dumelang molato oa bona ba tla lokafatsoa; hobane Jesu o tla emela madi a Hae bakeng sa moea o bakileng.

Paulose ha a ka a rata ho ipata; o hlile a hlahisa sebe sa hae ka botšo botšabehang ba sona, a sa leke ho pata molato oa hae O re: “Ke koaletse bahalaledi ba bangata teronkong, ka ho nka matla ho baprista ba baholo, me ha ba bolaea le ‘na ke ne ke dumela, ‘me ke ba tsohele matla hangata masynagogeng, ka re ba nyefole, ‘me ka [32] hobane bohale ba ka ho bona e ne e ka bohlanya, ka ba hlorisa ho isa le metseng ea dichaba.” (Dike. 26 : 10, 11.)

Ha a ka a dikadika ho bolela tseo, Jesu Krete O tlile lefatšeng ho pholosa baetsadibe; bao ke leng sehloho sa bona.

Pelo e ikokobeditseng, e robehileng, e hlotsoeng ke pako ea ‘nete, e tla rorisa tsa lerato la Modimo, le theko ea Gologotha, ‘me joaleka mora ha a ipolela ho ntat’ae oa lerato, ka mokgoa o joalo mosokolohi e mong le e mong oa ‘nete o tlisa dibe tsa hae ho Modimo.

Joaleka ha ho ngotsoe hothoe: “Ha re ipolela dibe, oa tšepaha, me o lokile ho re tšoarella dibe tsa rona, le ho re hlatsoa bokgopo [33] bohle.” (1 Johanne 1:9.)

5. BOITELLO

Pallo ea Modimo ke hore: “Le tla mpatla ‘me le tla mphumana, ha le ka mpatla ka pelo eohle.” (Jer. 29 : 13.)

Pelo eohle eka kgona e inehle Modimo, ho seng joalo, phetoho e ke ke eaba ea etsahala ka ho rona, eo ka eona re ka busetsang setšoantšong sa Hae. Ka hlaho re arotsoe ho Modimo. Moea o Halalelang ha o bolela seo releng sona, o re: “Le ne le shoele melatong ea lona, le dibeng tsa lona,” ha ho moo ho pholohileng.” Hloho eohle e bothloko, le pelo eohle ea kula, re tšoasitsoe lerabeng la Satane, ea ba tšoasitseng hore ba etse kamoo a ratang kateng.” (ba-Efe. 2:1; Esa. 1:5, 6; 2 Tim. 2: 26.)

Modimo o rata ho re pholosa, ho re lokolla.

Empa ho batleha phetoho e phethahetseng nchafalo ea bophelo bohle ba rona, eka kgona re inehle borōna bohle ho Eena.

Ho itoantša ke ntoea e fetang tsohle. Boitelo, boinehelo bohle thatong ea Modimo, di batla ntoea; empa moea eka kgona o inehle Modimo, o ntoea nchafatsoa kgalalelong ‘Musong oa Modimo ha o joale ka ha Satane a o lekanya, hore o theiloe hodim’ a boinehelo ba bofofu, pusong e senang merero. O itlhahisa kelellong le letsoalong.

“Tlong joale, re lokiseng ditaba.” (Esa. 1 : 18.) Ke eona pitso ea ‘Mopi ho babopuo a ba entseng. Modimo ha O susutlelle thato ea babopuo, O ke ke oa amohela nyehelo e sa tsoeng thatong le kutloisisong. Boinehelo bo susutlelloang, bo ka thibela tsoelopele ea ‘nete ea mehopolō, le ea mosebetsi. E ka etsa motho moitsamaisi.

Eo ha se kgopolo ea ‘Mopi. O rata hore motho, e leng mosebetsi oa matla a kganya ea Oona, a fihle tsoelapeleng e phahameng ka hofitisisa.

O beile pel’ a rona lehlohonolo la bophahamo boo O ratang hore re bo fihlele ka mohau oa Oona. O re mema hore re inehle Eena, hore A etse thato ea Hae ho rona.

Ho ikgethele rona, hore na re lokolloe ditlamong tsa sebe, re be majalefa a tokoloho ea kganya ea bana ba Modimo.

Ha re inehela Modimo re tšoanetse ho tela tsohle tse ka re arohanyang le Eena. Ke mo ‘Moloki a reng: “E mong le e mong oa lona ea sa teleng tsohle tsee a nang le tsona, e ke ke ea eba morutuo oa Ka.” (Luka 14 : 33.)

[34] Tsohle tse ka tlosang pelo ea motho ho Modimo eka kgona di
[35] teloe. Eena mammona ke Modimo oa ba bangata.

Lerato la chelete, takatso ea leruo, ke ketane ea gauta e ba tlameletseng ho Satane. Botumo, hlompho ea lefatše, ke tse rapeloang ke ba bang.

Bophelo ba boithati le boiketlo, le tokoloho boikarabe — long, ke Modimo oa ba bang. Empa ditlamo tsena tsa bokgoba eka kgona di kgaoloe. Re ke ke ra ba ba Modimo ka nqengoe, ka nqengoe ba lefatše. Re ke ke ra ba bana ba Modimo, ha e se hore re bona ka sebele. Ho na le ba reng ba sebeletsa Modimo, athe ba ntse ba tšepile matla a bona a ho hlonepha molao oa Oona, ho etsa mesebetsi e lokileng ea ho fumana poloko.

Dipelo tsa bona ha dia sisingoa leha e le ke maikutlo afe a lerato la Kreste a tebileng, empa ba batla ho iketsetsa ditšoanelo tsa bophelo ba bo-Kreste, joale ka ha e ka Modimo O batla hore ba fumane lehodimo ka tsona. Tumelo e joalo ha ena thuso. Ha Kreste a le ka pelong, moea o tla tlala lerato la Hae, ka thabo ea ho kopana le Eena, hore o be o Mo kgomarele; ‘me ho Mo lemoheng ho joalo, boithati bo tla lebaleha, lerato ho Kreste e tla ba mohlodi oa mesebetsi.

Ba ikutloang lerato le susumetsang la Modimo ha ba botse hore na ho ka nt’oa bonyenyane bo bokae ho kgodisa thato ea Modimo; ha ba botse bonyenyane, empa ba tadima setšoantšong se phethehileng sa thato ea Molopolli oa bona. Ba ntša tsohle ka takatso e kgolo, ‘me ba bontša takatso e bonahatsang boholo ba seo ba se batlang.

Ho ipolela bo-Kreste kante ho lerato lena le tebileng, ke puo feela, ke ponahalo e omeletseng, le tšebetso e boima.

Na u utloa eka ke boitelo bo fetisang ho hlahisa tsohle ho Kreste na? A k’o ipee potso ena: “Na Kreste O’neile eng?”

Mor’a Modimo O’neile tsohle—bophelo, lerato, le mahlomola ho re lopolla. ‘Me na ho ka etsoa hore rona nthoana tsa lefeela tse ratiloeng hakalo re mo hanele le pelo tsa rona na? Ka nako tsohle tsa bophelo ba rona re ‘nile ra ba ba nang le kabelo mahlomoleng

a mohau oa Hae, ‘me ka baka lona leo re ke ke ra hla ra utloisisa botebo ba bothoto le tšenyeho tseo re pholositsoeng ho tsona.

Na re ka hla ra tadima ho Eena Eo dibe tsa rōna di Mo hlabileng, ‘me ra ‘na ra rata ho nyedisa lerato lohle le boitelo ba Hae na? Ha re tadima boikokobetso bo bokalo ba Morena oa kganya, na re tla belaela ka hore re kena bophelong ka mahlomola le ka boitheolo na? [36]

Potso ea pelo tse ngata tse ikgohomosang e re: “Ke ka baka lang ha ke tšoanetse ho kena mahlomoleng le boitheolong ha ke tla kgoloa hore ke amohetsoe ke Modimo?”

Ke u supisa ho Krete O’na a se na sebe, ‘me ho fela moo, e ne e le Morena oa lehodimo, empa ka baka la motho, A fetohela sechaba sebe. “O badiloe le dihloa, ‘me O jere dibe tsa ba bangata, ‘me O rapeletse batlodi.” (Esa. 53 : 12.)

Empa eba re tela eng ka ho neela tsohle? Ke pelo e tletseng dibe, hore Jesu A e hloekise, A e hlatsoe ka madi a Hae, A e boloke ka lerato la Hae le se nang tekanyo.

Leha ho le joalo, motho o hopola hore ho thata ho tela tsohle! Ke ee ke soabe ha ke utloa tseo di buoa, ke soabe le ho di ngola. Modimo ha O batle ha re tela letho la tseo re ka ithusang ka tsona ha re di ruile. Ho tsohle tseo A di etsang o tadima katleho ea bana ba Hae.

Hojane bohle ba esong ho ikgethele Krete ba ka kgoloa hore, o na le ntho e kgolo eo A ka ba neang eona, ho feta ho ba ka ipatlelang hona e le bona. Motho o itlhamisetsa e le eena kotsi e kgolo, le hose loke moeeng oa hae, ha a nahana, a etsa tse fapaneng le thato ea Modimo. Ha ho thabo ea ‘nete e ka fumanoang tseleng eo O e nyatsitseng, oona o tsebang tse molemo, O batlelang dibopuo tsa Oona ntho tse molemo.

Tsela ea bokgopo ke tsela ea ditsietsi le timelo. Ke phoso ho dumella kgopolo e reng Modimo O kgahloa ke dihlorehō tsa bana ba Oona.

Lehodimo lohle le kgahloa ke thabo ea motho. Ntat’a rona ea mahodimong ha A koalle le a mong oa dibopuo dikgoro tsa thabo. Thato ea Modimo ke hore re nyatse mekgoa e ka re hlhisetsang mahlomola le dipelaelo tse ka re koallang monyako oa thabo le oa lehodimo.

Molopolli oa lefatše. O amohela batho ba le seo ba leng sona, ka dithato tsa bona, ho se loke ha bona le mefokolo; me A ke ke A

hloekisa dibe feela, le ho hlahisa topollo ka madi a Hae, empa o tla kgodisa le dithato tsa pelo tsa bohle ba dumelang ho jara joko ea Hae, le ho ipelesa phahlo ea Hae.

Thato ea Hae ke ho abela bohle ba tlang ho Eena kgotso le phomolo. Eena e leng bohobe ba bophelo. O rata hore re phethe tšoanelo tse ka re isang nyakallong e fetisang, ea tseo moikgantsi a se nang ho di fihlela.

Thabo ea 'nete ke ho ba le Kreste pelong e leng Eena tšepo ea kganya.

[37] Ba bangata ba botsa hore, “ana nka inehela joang ho Modimo?”
Ua rata ho inehela Eena; ua fokola matleng a botho, dipelaelong tsa bokgoba, tse ileng tsa 'na tsa u busa ka mekgoa ea hao, ea sebe.

Ditšepiso tsa hao, le boitokiso ba hao, di joaleka mehala ea lehlabathe. U sitoa ho hlola mehopolo ea hao, le diketso tsa hao Tsebo ea hao hore u sentse ditšepiso tsa hao, e fokodisa tšepo ea hao. E etsa hore u ikutloe hore Modimo o ke ke oa u amohela; empa u se ke oa fokola. Seo u se hlokang ke ho utloisisa tšutšumetso ea nete ea thato. Ke Oona matla a busang botho ba motho, matla a tumello kapa a ho ikgethela. Ntho tsohle di tsoa mosebetsing oa lerato. Modimo O neile batho matla a ho ikgethela; ho ka itšebeletsa bona.

Ha u na ho fetola pelo ea hao, uena ka sebele u ka sitoa ho nea Modimo tsa eona; empa ho Mo sebeletsa, u ka ikgethela, u ka Mo nea thato ea hao, 'me o tla sebetsa ka ho uena, ho rata le ho etsa ha Hae. Ka mokgoa o joalo botho bohle ba hao bo tla beoa pusong ea Moea oa Kreste. Tsa hao di tla beoa ho Eena Mehopolo ea hao e tla ba le kopano le Eena.

Takatso ea holoka le kgalalelo, tsona di lokile; empa ha u ema ho tsona, di ke ke tsa u thusa letho. Ba bangata ba tla lahleha ba ntse ba tšepa le ho lakatsa ho ba ba-Kreste, empa ba hlile ba sa fihlele tabeng ea ho nehela thato ho Modimo. Ka hoo ha ba ikgethele ho ba ba Kreste. Ka mosebetsi o lokileng oa thato, phetoho ea sebele e ka etsoa bophelong ba hao.

[38] Ka ho nehela thato ea hao ho Kreste, u ikopanya le matla a phahametseng mebuso eohle le borena bohle. U tla ba le matla a tsoang hodimo ho u tiisa, 'me ka ho 'na u inehela ho Modimo u tla fua ho phela bophelo bo bocha, e leng bophelo ba tumelo.

6. TUMELO LE KAMOHLEO

Erekaha letsoalo la hao le tsositsoe ke Moea o Halalelang, u bone bobbe ba sebe, le matla a sona, le molato oa sona, le botšabeho ba sona, ‘me u se tadima ka hloeo. U ikutloa hoba sebe se u arohantse le Modimo, u tlamilo ke matla a bokgopo. Ha u ntse u leka ho loana, ho phonyoha, ke moo u tla ne u fumane ho hloka matla ha hao. Mesebetsi ea hao ha ea hloeka, pelo ea hao e ditsila ua bona hoba bophelo ba hao bo tletse boithati le sebe. U hlolohetse tšoarello, ho hloekisoa ho lokoloha.

Kopano le Modimo, ho tšoana le Oona, u tla etsa joang ho di fumana tseo?

U hloka kgotso, tšoarello ea lehodimo, le thabo le lerato moeeng. Chelete ha ena ho di reka, kelello ha ena ho di fihlela, bohlae ha bo na ho di fihlela, ha u na ho tšepa hore ka matla a hao u ka di fumana. Empa Modimo O ho tšepisa tsona e le mpho, “ho se chelete ho se theko.” (Esa 55 : 1.) Ke ea hao, feela ha u ka nanabetsa letsoho ho di amohela. Morena O re: “Leha dibe tsa lona di ka ba joaleka sekarelata, di tla ba tšoeu joaleka lehloa, leha di ka ba kgubedu joaleka krimstone, di tla ba tšoeu joaleka boea ba nku.” (Esa 1 : 18.)

Ke tla le nea pelo e ncha, ‘me ke kenye ka ho lona moea o mocha.” (Ezek. 36 : 16.)

U ipoletse dibe tsa hao, ‘me u di lahlile ka pelo ea hao, u itokotse ho inehela Modimo. Eea ho Eena joale, u Mo kope hore a u hlatsoe dibe tsa hao, me A u nehe pelo e ncha. Joale he u dumele hore tsena Oa di etsa, hobane A u tšepisitse. Ena ke thuto eo Jesu A e rutileng ha A le lefatšeng, hore neo eo Modimo O re tšepisang eona, re dumele hore rea e amohela, ‘me ke ea rona. Jesu O fodisitse batho maloetse a bona ha ba dumela matla a hae; A ba thusa nthong tsohle tseo ba neng ba di bona ka hoo ba tlala ho Mo tšepa le nthong tseo ba neng ba sitoa ho di bona, tsa ba hula hore ba dumele matleng a Hae a ho tšoarella dibe. Tseo O di hlalositse hantle ha A fodisa motho ea omeletseng ditho:

[39] Hore le tsebe hore Mor'a motho O na le matla mona lefatšeng a ho tšoarela batho dibe (A re ho ea omeletseng ditho:) Ema, u nke diphate tsa hao, 'me u ikele tlung ea hao.' (Matth. 9:6.) Le Johanne moapostola o re, ha a bolela ka mehlolo ea Krete: Tsena di ngotsoe hore le tle le dumele hoba Jesu ke Krete Mora oa Modimo, 'me ha le dumela le tla ba le bophelo ka lebitso la Hae.' (Johanne 20 : 31.)

Ka taba tse tsoang Bibeleng feela tsa kamoo Jesu A fodisitseng mobabi, re ka hla ra ithuta mokgoa oa ho dumela ho Eena ha re tla tšoareloa dibe. A re ke re boeleng tabeng tsa ea neng a omeletse ditho oa Bethesda. Mobabi o n'a se na matla; ka lemo tse mashome a mararo a metso e robileng rreno e le 'medi o na a bile a sa tsamae. Leha ho le joalo, Jesu a re ho eena: "Ema, u nke diphate tsa hao u tsamae." (Johanne 5 : 1-9.)

"Mokudi o n'a ka re: Morena, ha U rata mphodise, ke tla etsa ka taelo ea Hao."

Empa che, a kgoloa ke lentsoe le Jesu, a dumela hore o fodisitsoe, 'me a hla a iteka hang, kaha a ne a rata ho tsamaea, 'me a tsamaea. A etsa ka taelo ea Krete, 'me Modimo Oa mo nea matla. A fodisoa.

Ho joalo le uena, u moetsadibe. Ha u na ho itokafatsa bakeng sa dibe tsa hao tse fetileng ha u na ho fetola pelo ea hao, le ho ikgalaletsa. Empa Modimo O u tšipisitse ha u etsa tsena tsohle ka Jesu Krete.

U dumela pallo eo. U ipolela dibe tsa hao, 'me u inehela Modimo. U rata ho Mo sebeletsa. Ha eba u etsa tsena ka 'nete, Modimo O tla etsahatsa lentsoe la-Oona ho uena. Ha u dumela pallo, dumela hoba u tšoaretsoe, 'me u hlatsoitsoe.

Modimo ke Oona O etsahatsang ketso; u fodisitsoe, joaleka ha Krete A neile ea omeletseng ditho matla a ho tsamaea, hona ha a dumela hore o fodisitsoe. Ho joalo le uena ha u dumela. Se lebelle hore u be u utloe hore u fodisitsoe, empa hlo u re: "Kea dumela; ho joalo, e seng hobane ke ekutloa, empa e leng hobane o tšepisitse joalo." Jesu O re: Se seng le se seng seo le se kopang ka thapelo, dumelang hoba le tla se bona, 'me se tla ba ho lona." (Mareka 11 : 24.)

Ho na le taba pallong ena, ke ha re rapela ka thato ea Modimo. Empa ke thato ea Modimo ho re hlatsoa dibe, ho re etsa bana ba Hae, le ho re phedisa bophelo bo halalelang, ka baka leo re ka kopa mahlohonolo ana, 'me re dumela hoba re a amohetse, 'me ra leboha

Modimo kamoo re amohetseng. Ke tšoanelo ea rona ho ea ho Jesu hore A re hlatsoe, le hore A re emele pel'a molao re se na dihlong, kapa pelaelo.

“Ka baka leo ha ho sa le tsuo ho ba leng ho Jesu Krete e leng ba sa tsamaeeng ka nama, ba mpang ba tsamaea ka Moea.” (Ba-Roma 8:1.)

[40]

Ka baka leo ha le sa le ba lona; le rekiloe ka theko. “Ha se ka tse bolang, ha se ka selivera le ka gauta le lopolotsoeng . . . empa e le ka madi a bohlokoa a Krete konyana e se nang le theba le sekodi.” (1 Pet. 1 : 18,19.)

[41]

Ka baka la ketso ena e le ngoe feela ea ho dumela ho Modimo. Moea o Halalelang o hlahisitse bophelo bo bocha pelong ea hao. U se u le joaleka ngoana ea tsoetsoeng ka tlung ea Modimo, ‘me O ho rata joaleka ha A rata Mora oa Hae.

Joale ha u se u ineile Jesu, se hlole u koeneha, se hlole u itlosa ho Eena, empa kamehla eohle hlo u ‘no u re: Ke oa Krete; ke inehetse Eena; ‘me u kope hore A u nehe Moea oa Hae, ‘me a u boloke ka mohau oa Hae.

Joaleka ha u fetoha ngoana oa Modimo ka ho inehela Eena le ho dumela ho Eena, ho joalo, le ho phela ekakgona u phele ho Eena. Moapostola o re: “Joaleka ha le amohetse Jesu Krete Morena le fele le tsamaee Joalo ho Eena.” (baKol. 2:6.)

Ba bang ba ikutloa hore eka ba sa le tekong, ‘me ekakgona ba iponahatse ho Morena hore ba fetohile ba nto fumana hlohonolofatso ea Hae. Athe ba ka amohela lehlohonolo la Modimo hona joale.

Ba tšoanetse ho ba le mohau oa Hae, le moea oa Krete, ho ba thusa mefokolong ea bona, hoba ba ka sitoa ho hlola bobo.

Jesu O rata ha re etla ho Eena re le seo re leng sona, re le baetsadibe, bafokodi, borona. Re ka tla ka mefokolo eohle ea rona, bothoto ba rona, boetsadibe ba rona, ‘me ra oela maotong a Hae ka masoabi.

Ke tlotliso ho Eena ho re kopa ka diatla tsa lerato la Hae, ‘me A tlamella maqeba a rona, le ho re hlatsoa ditšila tsohle.

Mona ho hloloa ba diketekete; ha ba kgoloe hore Jesu O ba tšoarela ka bo ngoe, motho ka mong. Ha ba amohele lentsoe la Modimo ka moo A le bolelang. Ke tšoanelo ea bohle ba kgoloang ke taba tsena ho itsebela hore tšoarelo e neoa feela bakeng sa sebe sefe le sefe.

[42] Lahlang pelaelo ea hore, pallo tsa Modimo ha dia etsetsoa lona. Ke tsa motlodi ofe le ofe ea bakang. Matla le mohau di neiloe ka Kreste, hore di tlišoe ke mangelo a tšebeletso ho bohle ba dumelang. Ha ho ba senyehileng hoo ba ka sitoang ho fumana matla le hloeko, le holoka ho Jesu ea ba shoetseng. O emetse ho ba hlobodisa dikobo tsa bona tse matheba, tse dubiloeng ka sebe, le ho ba apesa ka kobo e tšoeu ea holoka; O re ba phele ba se ke ba shoa Modimo ha o re etse joaleka ha re etsetsana rona batho ba pallo. Mehopolo ea Hae ke ea kgauho, ea lerato. le lereko. O re: “Molotsana a tlohele tsela ea hae, le ea kgopo mehopolo ea hae, ‘me a sokolohele ho Jehova, ‘me O oa hauhela; a sokolohele ho Modimo oa rona, hobane O tšoarela haholo.” “Ke hlakotse ditlolo tsa hao joaleka mohodi, le dibe tsa hao joaleko leru.” (Esa. 55 : 7; 44 : 22.)

Ha ke kgahloe ke lefu la ea shoang he bolela Jehova; ha ho le joalo sokolohang le tie le phele.” (Ezek. 18 : 32.) Satane o itukisetsa ho utsoa ditšepiso tsa mahlohonolo a Modimo. O lakatsa ho tlosa lesidinyana lohle la tšepo, le lehlasedinyana le ka hlahang moeeng; empa se keng la mo dumella ho etsa joalo, se keng la sekehela moleki tsebe; le hie le re:

“Jesu O shoele, hore ke phele, Oa nthata, ‘me ha A rate ha ke timela. Ke na le Ntate ea lereko mahodimong, ‘me leha ke ‘nile ka nyedisa lerato la Hae, leha mahlohonolo ao A ‘neileng oona a sentsoe, ke tla tsoha ke ee ho Ntate, ‘me ke re:

“Ke sitetsoe lehodimo le uena, ‘me ha ke sa tšoanetse ho bitsoa, mor’a Ha’o; nketse joaleka emong oa bahlanka ba Hao.” Setšoantšo sena se le bolella kamoo molahlehi a tla amoheloa ka teng. Eitse a sa le hole ntatae a ‘mona, ‘me a mo utloela bohloko, a matha, a oela molaleng oa hae, ‘me a mo aka.” (Luka 15: 18-20.)

Empa leha setšoantšo sena se bile se hlomola joalo, se sitoa ho hla se hlalosa boholo ba lerato la Ntate oa lehodimo.

Modimo o bolela ka moprofeta oa hae O re: “Ke le ratile ka lerato le senang ho fela, ka baka leo ke le hutse ka lerato le mosa.” (Jer. 31 : 3.)

Moetsadibe a sa le hole le ntlo ea Ntatae, moo a ntseng a senya tsa hae lefatšeng la basele, pelo ea Ntatae ea mo ngongorehela, ‘me hlolohelo eohle e hlahang pelong, ea ho boela ho Modimo, ke ho emeloa ke Moea oa Hae oa lerato, o memang, o sebetsang, o hulelang molahlehi pelong ea Ntate e lerato.

Na le ka ba le sebaka sa ho lelaela ka dipallo tse tletseng Bibeletse pel'a lona na?

Le kgoloa hore moetsadibe ha a rata ho boela, a rata ho lahla dibe tsa hae, Morena A ka mo hanela ha a etla maotong a Hae ka pako na? Mehopolo e joalo e be sieo! Ha ho se senyang moea oa lona hofetisa ho amohela mehopolo e joalo, bakeng sa Ntat'a lona ea mahodimong.

O hloile sebe, empa o rata moetsadibe, O bile O inehetse ka botho bo bileng ho Krete, hore bohle ba ratang ho bolokehe, me ba be le lehlohonolo le sa feleng 'musong oa kganya.

Ke lentsoe lefe le matla kapa le mosa ho feta ao A a kgethileng a ka hlalolang lerato la Hae ho rona? O bile o re: "Na mosadi a ka lebala lesea la hae, hore a hloke mohau ho mora oa hae na? E, [43] ba ka tšoha ba ba lebala; empa 'Na nke ke ka le lebala.'" (Esa. 49 : 15.) Tadimisisang Iona ba belaelang, ba thothomelang; hobane Jesu O phelela ho re etsetsa poelano. Lebohang Modimo ka mpho ea Mora Oona oa bohlokoa, 'me le rapele hore e sebe O shoetse lefeela bakeng sa Iona. Moea oa le bitsa kajeno.

Tlong ka pelo eohle ho Jesu, 'me le tla fumana mohau oa Hae. Joaleka ha u bala dipallo, hopola hoba ke mantsoe a se nang ho lekangoa, a lerato le mosa.

Pelo e kalo ea lerato le senang ho lekangoa, e hulehetse ho moetsadibe ka kgauho e sa lekangoeng.

"Re na le topollo ka madi a Hae, tšoarelo ea dibe." (baEfe. 1:7.) E, dumela feela hoba Morena ke Mothusi oa hao. O tla atamela ho uena ka mohau le tšoarelo. [44]

[45]

7. HO LEKA TSA BORUTUOA

“Ha motho a le ho Krete ke ‘mopuo a e mocha; tsa kgale di fetile; bona, tsohle di nchafetse.” (2 ba-Kor. 5 : 17.)

Motho mohlomong a ka sitoa ho hla a bolela nako hantle, kapa sebaka, kapa ho latela hlahlamano eohle ea mekgoa mosebetsing oa tšokoloho; empa tsena ha se tse mo pakang ho se sokolohe. Krete O itse ho Nikodema: Moea o fokela moo a ratang teng, ‘me u utloa modumo oa oona empa ha u tsebe moo o tsoang teng le moo o eang teng.

“Ho joalo le ho bohle ba tsoetsoeng ke Moea.” (Johanne 3:8.) Joaleka ha Moea o sa bonoe, athe diketso tsa oona di bonala hantle le ho utloala, ho joalo le Moea oa Modimo dipelong tsa batho. Matla ao a pako, a leihlo la motho le sitoang ho a bona, a hlahisa bophelo bo bocha moeeng; a bopa sebopuo se secha se tšoanang le Modimo.

Leha mosebetsi oa Moea o kgutsitse o sa bonahale, diketso tsa oona dia bona’la. Ha pelo e nchafaditsoe ke Moea oa Modimo, bophelo bo tla pakela ketso eo. Ha re sitoa ho fetola pelo tsa rona; kapa ho ikopanya le Modimo — ha re sa itšepe le hanyenyane, le ha e le mesebetsi ea rona e metle, bophelo ba rona bo tla paka, ha e ba mohau oa Modimo o ahile ka ho rona. Phetoho e tla bonahala bophelong ba rona, mekgong le diphehelong.

Boikgethelo bo tla bonala hantle ba seo re bileng sona le seo ba leng sona.

Sebopeho se bonahatsoa, e seng ke diketso tse molemo tse atisang ho bonahala kapa tse mpe, empa ke ka modumo oa sebopeho sa mantsoe le diketso.

Ke ‘nete, ho ka ba le ho loka ho kantle ha mokgoa, kanthe ha ho nchafatso ea matla a Krete. Lerato le bonahalang, le takatso ea ho hlompheba ba bang, di ka bona’ tsa bophelo bo lokileng. Boithati mohl’ omong bo ka re tšabisa bobele.

Pelo e ithatang e ka hlahisa mesebetsi e metle. ‘Me re tla tseba joang ha ho le joalo moo re emeng teng?’

Pelo e matsohong a mang? Mehopolo ea rona e ho mang? Re rata ho qoqa ka tsa mang? Ke mang ea nang le maikutlo a lerato la rona, le boikutlo ba sebele ba rona na? Ha re le ba Kreste, mehopolo ea rona e ho Eena, 'me menahano e re natefelang ke ea Hae. Hohle hoo re nang le hona, re leng hona, ho kgethetsoe Eena. Re hlolohetsoe ho apara sebopelo sa Hae, le phufumolo ea Hae, ho etsa thato ea Hae, ho Mo kgahlisa nthong tsohle. [46]

Ba fetohang babopuo ba bacha ho Kreste ba hlahisa ditholoana tsa Moea, "Lerato, thabo, kgotso, sebete, bonolo, molemo, tumelo, mosa, boitšoarō."

Ba ke ke ba hlola ba ipapisa, le ditakatso tsa pele, empa ka tumelo ho Mor'a Modimo ba latela mehlala ea Hae, 'me ba itlhoekisa joaleka ha A hloekile, ba rata tseo ba kileng ba di hloea.

Boikgohomoso le boikemelo bo fetohe bonolo le boikokobetso ba pelo. Boiketeko le ho itseba di fetohe masoabi le ho seitšepa.

Matahoa a e a lese ho noa, bakgopo ba hloeke. Mekgoa ea lefeela le tse qapuoang tsa lefatše di lahloe.

"Ba-Krester ha ba batle kgahliso e kantle," empa e le motho "ea ka sephiring, e leng oa pelo," e leng ea sa senyeheng, e leng kgabo ea moea o mosa o bonolo." (1 Pet. 3 : 3, 4.)

Ha ho se phetoho ha ho bopaki ba tumelo ea 'nete. Ha moet-sadibe a kgutlisa tebeletso, a busetsa seo a se utsoitseng, a ipolela dibe, a rata Modimo le bahabo, a ke a tsebe hoba o tlohile lefung ho kena bophelong.

Ha re ne re le ntho tse hlhlathang tse ditšila, ra tla ho Jesu, 'me ra fetoha ba nang le kabelo mohaung oa tšoarelo, lerato la itlhlahisa pelong, phahlo eohle ea eba bobebe; hobane joko e boshoang ke Jesu e chatsi. Mosebetsi o fetoha thabo, 'me boitelo bofetohe nyakallo. Tsela e neng e aparetsoe ke lefifi e kganye ka mahlasedi a tsoang letsatsing la holoka.

Ho rateha ha sebopelo sa Krester ho bonoa ho balatedi ba Hae. Ebile thabo ea Hae ho etsa thato ea Modimo. Lerato ho Modimo, chesehelo ea kganya ea Oona, ebile oona matla a busang bophelo ba moloki. Lerato le ne le kgabisitse le phahamisitse diketso tsohle tsa Hae. Lerato ke la Modimo.

Pelo e sa kgetheloang Modimo e ke ke ea le hlahisa. Le fumanoa feela pelong e busoang ke Jesu. "Rea Mo rata hobane O re ratile pele." (1 Johanne 4 : 19, R.V.) Pelong e nchafaditsoeng ke

mohau oa Modimo, lerato ke oona mosebetsi oa sehloho. Le fetola sebopeho, le busa mehopolo, le hlole maikutlo, le fedise hloeano, ‘me le phahamise diketso. Lerato lena ha le hodisitsoe ka moeeng, le natefisa bophelo, ‘me le kgaphaletsa tsohle tse molemo ho bohle ba ka mathoko.

[47] Ho na le phoso tse pedi tseo bana ba Modimo, haholo e leng ba sa tsoang ho kena tšepong ea, mohau oa Modimo ba tsoanetseng ho iponela ho tsona. Ea pele eo re seng re e boletse, ke ea ho tadima mesibetsi ea bona, ho tšepa diketso tsa bona, tseo ba ka di etsang ho ba fumantša kopano le Modimo. Ea leakang ho ikgalaletsa ka mesebetse ea hae ea ho boloka molao, o ikgathaletsa ho ke keng ha etsoa.

Hohle hoo motho a ho etsang kantle ho Kreste, ho silafetse, ke boitšepo le sebe.

Ke mohau oa Kreste feela, ka tumelo o ka re halaletsang.

Phoso engoe e nang le kotsi kantle ho tseo, ke ea hore, ho dumela ho Kreste ho lokolotse batho molaong oa Modimo; ka tumelo re fetoha ba nang le kabelo mohaung oa Kreste, mesebetsi ea rona ha e na taba polokong ea rona. Empa, lemohang mona hoba kutlo ha se taba ea kantle feela, empa ke mosebetsi oa lerato. Molao oa Modimo e hlile ke hlaloso ea seo A leng sona; ke kopano ea lerato la sebele, hape ke mohlodi oa ‘muso oa Oona lehodimong le lefatšeng. Ha dipelo tsa rona di nchafaditsoe sebopehong sa Modimo, ha lerato la Modimo le hlomiloe moeeng, na molao oa Modimo o ke ke oa phetheha bophelong ba rona na? Ha sebele sa lerato se hlomiloe pelong, ha motho a nchafaditsoe sebopehong sa Ea ‘mopileng, pallo ea selekane se secha e phethehile, “Ke tla kenya melao ea ka dipelong tsa bona, ‘me ke tla e ngola mehopolong ea bona.” (ba-Heb. 10 : 16.) ‘Me ha molao o ngotsoe pelong, na o ke ke oa lokisa bophelo na? Kutlo mosebetsi le boinehelo ba lerato, ke pontšo ea sebele ea borutuoa.

Ka hoo lengolo le re: Ke hona ho rata Modimo, ha re boloka melao ea Oona.” “Ea reng: Kea Mo tsebe, empa a sa boloke ditaelo tsa Oona, o leshano, ‘me ‘nete ha e eo ho eena.” (Johanne 5:3; 2:4.) Bakeng sa ho lopolla motho kutlong, ke tumelo, tumelo feela e re neang kabelo mohaung oa Kreste, e re fang matla ho bonahatsa kutlo. Ha re rue poloko ka kutlo ea rona; poloko ke mpho feela

ea Modimo, e amoheloang ka tumelo, empa kutlo ke tholoana ea tumelo.

“Lea tseba, O hlahile hore A tlose dibe tsa rona, ‘me ha ho sebe ho Eena. E mong le e mong ea etsang sebe ha a ka a ‘mona, le hona ha a ka a Mo tseba.” (1 Johanne 3:5, 6.)

Ho-loka ha nete ke hona, ha re dula ho Krete, ha lerato la Modimo le dula he rona, mehopolo ea rona, merero ea rona, diketso tsa rona di tla ba ha ‘moho le thato ea Modimo, joaleka ha e hlalosoa di-taelong tsa molao oa Oona o halalelang. “Bana ba ka ba banyenyane, le se ke la thetsoa ke motho, ea etsang ho lokileng ke ea lokileng, joaleka ha le Eena A lokile.” (1 Johanne 3:7.) Holoka ho phethehile tokisong ea molao o halalelang oa Modimo, joaleka ha ho boletsoe ditaelong tse leshome, tse boletsoeng Sinai.

[48]

Tumelo e joalo ho Krete, e ipolelang ho lokolla batho boitlamong ba kutlo ho Modimo, ha se tumelo ke boithetso. “Le bolokoa ka mohau ka tumelo.” “Empa tumelo ha e se na mesebetsi e shoele.” (ba Efe. 2:8; Jak. 2 : 17.)

Jesu ha A ipolela A es’o tie lefatšeng O re: “Ke rata ho etsa thato ea hao oho Modimo oa ka. E, molao oa Hao o ngodiloe pelong ea ka.” (Pes. 40 : 8.) ‘Me A es’o nyolohela lehodimong O re: “Ke bolokile melao ea Ntate, ‘me ke dutse leratong la Hae.” (Johanne 15 : 10.) Mangolo a re: Ha re tla tseba hoba rea mo tseba, ke ha re boloka melao ea Hae. . . . Ea reng o dutse ho Eena o tšoanetse ho tsamaea joaleka ha le Eena A tsamaile.” (1 Johanne 2 : 3-6.) “Hobane Krete le Eena o utloile bohloko ka baka la rona, O re sietse mehlala hore re hate mehlaleng ea Hae.” (1 Pet. 2 : 21.) Mokgoa oa bophelo bo sa feleng e hlile e ntse e le oo e’nileng ea eba oona, o ‘nileng oa eba Paradeising, kapele ho ho oa ha baholoholo ba rona, kutlo e phethehileng, ea molao oa Modimo, holoka ho phethehileng. Hoja bophelo bo sa feleng re ne re ka bo neoa tsena di le sieo, thabo ea lefatše lohle e ne e tla ba kotsing.

Sebe e ne e tla ba se buletsoe menyako, le dithuto tsohle tsa matšabeha a sona, hore di se ke tsa eshoa.

Ho no ho le bonolo ho Adama ha a es’o oe, ho hlahisa mosebetsi o lokileng ka kutlo ea molao oa Modimo. Empa tsena di mo hlotse, ‘me ka sebe sa hae botho ba rona bo oele, ‘me ha re na ho itokafatsa e le rona. Ereka ha re le baetsadibe, re se na kgalalelo, re ka sitoa ho bolokisisa molao o halalelang. Ha re na holoka hoo e leng ha

rona, hoo re ka phethang molao oa Modimo ka hona. Empa Kreste o re etseditse tsela ea ho phonyoha. O phetse lefatšeng har'a meleko le dikgopiso tsetšoanang le tsa rona. O phetse A se na sebe. O re shoetse, 'me joale O jere dibe tsa rona, le ho re nea holoka ha Hae.

Ha le ineela Eena, le Mo amohela hore e be Mopholosi oa lona, leha le ka ba ditšila ka moo bophelo ba lona bo nong j bo ka ba ka teng, ka baka la Hae le balloa holoka.

Sebopeho sa Kreste se eme bakeng sa sa lona, 'me le amoheloa ke Modimo joaleka ha eka ha le baetsadibe. Hofeta moo Kreste o fetola pelo, ka tumelo o dula pelong tsa lona. Kopano ena le ka e etsa le Kreste ka tumelo, le boinehelo ba kamehla ba thato ea lona ho Eena; 'me ha le etsa tsena o tla sebetsa ka ho lona ho rata le ho etsa thato ea Hae e molemo. Ha ho le joalo le ka hla la re: "Bophelo boo ke bo phelang joale nameng, ke phela ka tumelo ho mor'a Modimo, ea nthatileng, a ba A ineela bakeng sa ka." (ba Gal. 2 : 20.) Ke moo [49] Jesu A itseng ho barutuo ba Hae: "Ha se lona ba buoang empa ke Moea oa Ntat'a lona o buoang ka ho lona." (Matth. 10 : 20.)

Joale ha Kreste A sebetsa ka ho lona, le tla bonahatsa oona Moea oo, 'me le etse eona mesebetsi eo, e leng mesebetsi ea holoka, ea kutlo. Ha ho le joalo ha re na seo re ka ithorisang ka sona, ha re na sebaka sa ho iphahamisa.

Sebaka sa rona sa tšepo se holokeng ha Kreste feela, ho baletsoeng rona, ho hlahisitsoeng ke Moea oa Hae o sebetsang ka ho rona le ka rona. Ha re buoa ka tsa tumelo, ho na le ntho e ikgethileng, e tšoanetseng ho lemohua. Ho na le mofuta oa kgolo engoe, e hlileng e ikgethang ho tumelo.

Bohloleho, le ho ba teng ha Modimo, bo'nete ba lentsoe la oona, ke mesebetsi eo esitang le Satane, le makgotla a hae a ke keng a di latola ka pelo. Bibe e re.

Le bona bademona ba dumela, 'me ba thothomela. (Jak. 2 : 19.) Empa ena ha se tumelo. Moo ho seng ho kgoloa feela lentsoeng la Modimo empa e leng boinehelo ba thato ho Eena; moo pelo e neetsoeng Eena, maikutlo a beiloeng ho Eena, eba ho na le tumelo, tumelo e sebetsang ka lerato, 'me a hloekise moea. Ka tumelo ena pelo e nchafaletsoa setšoantšong sa Modimo. 'Me pelo e neng e sitoa ho ipea katlas'a molao oa Modimo ha e s'o nchafatsoe, le ho sitoa e neng e sitoa, joale e ithabela ditaelong tsa Oona tse halalelang, 'me e hooa joale ka moPesaleme e re? Molao oa Hao ke o rata hakak'ang!

Ke o nahana tsatsi lohle.” (Pes. 119 : 97.) ‘Me holoka ha molao ho phethetsoe ho rona, “bao re sa tsamaeng ka nama, empa re tsamaea ka Moea.” (ba Roma 8:1.)

Ba bang ke ba tsebileng tšoarello ea lerato la Krete, ba lakatsa ruri ho ba bana ba Modimo; leha ho le joalo ba utloa hoba sebopelo sa bona ha sea phetheha, bophelo ba bona ha boa loka, ‘me ba hlheloe ke pelaelo ea hore pelo tsa bona ha dia ka tsa nchafatsoa ke Moea o halalelang.

Ho ba joalo nka re: Se keng la ipelaetsa la sutha ka santhoa. Re tšoanetse ho ‘na re inama ka dillo maotong a Jesu ka baka la ho haelloa ha rona, diphoso tsa rona. Empa re se ke ra kgathala. Leha mohl’omong re ka ba ra hloloa ke sera, ha rea lahloa, kapa ho teloa, leha e le ho lelekoa ke Modimo. Che, Krete o letsohong le letona la Modimo, e leng Eena Ea re etseditseng kopano. Moratuo a Johanne o re: “Ke le ngolla tsena hore le se ke la etsa sebe, ‘me ha emong a ka etsa sebe, re na le Moemedi ho Ntate, ke Jesu Krete ea lokieng.” (1 Johanne 2:1.) ‘Me le se ke la lebala mantsoe a Krete: “Ntate ka sebele sa Hae oa le rata.” (Johanne 16 : 27.) O rata ho le busetsa ho Eena, hore A bone hloeko ea Hae, le kgalalelo di topetse ho lona. Feela ha le ka dumela ho inehela ho Eena, Eena Ea qadileng ka ho lona mosebetsi o mo lemo, O tla o ntšetsa pele ho fihlela letsatsing la Jesu Krete.

[50]

Rapelang ka cheseho, dumedisang, ha e le mona re belaela ka matla a rona, a re tšepeng matla a Molopolli oa rona, ‘me re tla rorisa Eena eo e leng ponahalo ea bophelo ba rona. Ha le ntse le atamela ho Jesu, le tla ‘ne le ipone ka hofetisisa kamoo le leng babe kateng; hobane ponahalo ea lona e tla kganya haholo, me ho-se-loke ha lona ho tla bona’la hantle, ha ho bapisoa le sebopelo sa hloeko ea Hae. Tsena ke bopaki ba hore dithetso tsa Satane di hlokile matla; ha matla a nchafatso ea Moea oa Modimo a le tsositse. Pelo e sa ikutloisiseng bobbe ba eona e ka sitoa ho ba le lerato le tiileng ho Jesu. Pelo e fetotsoeng ke mohau oa Krete, e tla ‘ne e makale ke matla a bo-Modimo ba Hae, empa ha re sa bone bobbe ba bophelo ba rona, ke bopaki bo senang pelaelo ba hore ha re eso bonts’ise bokgabane le holoka ha Krete. Ha re ntse re nyenyefalloa ke ho ithorisa, eba re bontšisa ka hofetisa ho tlotlisa hloeko e phahameng, le ho rateha ha ‘Moloki.

Ho ipona bobbe ha rona ho re kgannela ho Eena ea tšoarelang, 'me moea o fokolang ha o ikelelloa o itemoha, me o ikisa ho Kreste, O tla ipontša matla a Hae, Ha maikutlo a ho hloka ha rona a re kgannela ho Eena, le ho lentsoe la Modimo, le pono ea rona e tla 'ne e phahame ho bontšisa matla a Hae, 'me ke moo sebopeho sa

[51] Hae se tla topela la ho rona ka hofetisisa.

8. HO HOLA HO KRESTE

Phetoho ea pelo e re fetolang bana ba Modimo, Bibeleng e bitsoa tsoalo. Hape e tšoantšoa le ho fupuha ha peo e ntle e jetsoeng ke mong a tšimo. Ka mokgoa o joalo ba so kolohetseng bocha ho Krete ba joaleka “masea a tsoang ho hlaha,” ba tšoanetse “ho hola” (1 Pet. 2:2; baEfe. 4 : 15.) ba fihle seemong sa banna le basadi ho Jesu Krete.

Kapa joaleka peo e ntle e lemiloeng tšimong, ba tšoanetse ho hola ba bee ditho loana. Esaia o re: “Ba tla bitsoa difate tsa holoka, lehlomela la Jehova, le tlang ho mo tlotlisa.” (Esa. 61 : 3.)

Joale he re tšoantšetsoa ka tsa bophelo bona, ho re thusa hore re utloisise di'nete tse kgolo tsa bophelo ba moea. Bohlahe bohle, le masene a motho ha di na ho hlahisa bophelo leha e le ka nthoana e nyenyane ea hlaho. Feela ke ka bophelo boo Modimo ka sebele sa Hae A ileng A bo fana hore 9etlana kapa phoofolo e phele. Ha ho le joalo, ke ka bophelo bo tsoang ho Modimo feela bophelo ba moea bo hlahang pelong tsa batho.

Ha motho a sa “tsoaloe ke lehodimo” (Johanne 3 : 3), a ke ke a ba le kabelo bophelong boo Krete A bo tlisitseng.

Kamoo bophelo bo leng kateng, le ho mela ho joalo. Ke Modimo O fupusang palesa, le palesa e etse tholoana.

Ke ka matla a Hae peo e atlehang, “pele ebe lekgaba, ent’o ba moduleng.” (Mareka 4 : 28) ‘Me moprofeta Hosea ka Iseraele o re: “O tla mela joaleka dikgahla.” “Ba tla teta joaleka koro, ‘me ba mele joaleka morara.” (Hos. 14: 5, 7.) ‘Me Jesu O re, re “bone dikgahla kamo di melang. (Luka 12 : 27.)

Dimela le dipalesa ha di imedise ka thato ea tsona le ka matla a tsona, empa ke ka ho amohela ho seo Modimo O se lokisitseng ho sebeletsa bophelo ba tsona.

Ngoana a ke ke a ba a eketsa kgolo ea hae ka takatso kapa ka matla a hae. Leha e le lona le ka sitoa ka takatso le ka matla a lona ho fumana kgolo ea moea.

Sethopo, ngoana, tseo di hodisoa ke ho amohela, ho tse di dikadikeditse tse sebetsang bophelo ba tsona, moea letsatsi le dijo.

[52] Seo dimpho tsena tsa hlalo di leng sona ho diphoofolo le ho dimela, ke seo Kreste A leng sona ho ba mo tšepang.

[53] Ke Lesedi la “bosafeleng la bona.” (Esa. 60 : 19; Pes. 84 : 11.)
 “O tla ba joale ka phoka Iseraele.” “O tla theohela joaleka pula hodim’a joang ba mosuhela.” (Hos 14 : 5; Pes. 72 : 6.)

Ke Eena metsi a bophelo, bohobe ba Modimo ... bo theohileng lehodimong, ‘me bo nea lefatše bophelo.’ (Johanne 6 : 33.)

Mphong e sa lekangoeng ea Mor’a Hae Modimo O akareditse lefatše lohle mouane oa mohau, joaleka mouane oa lefatše ha o kgurumeditse naha.

Bohle ba ikgethelang ho phefumoloha mouane ona o neang bophelo, ba tla pholoha, ba fihle bonneng le bosading ho Jesu Kreste.

Joaleka palesa ha e retelehela letsatsing hore mahlasedi a kanyang a lona a thuse ho ntlafatsa bokgabane ba eona, le mangoerere a eona. Ho joalo, le rona re tšoanetse ho tadima letsatsi la holoka, hore kganya ea lehodimo e re kganyetse, hore bophelo ba rona bo tsoele pele setšoantšong sa Kreste.

Jesu o re ruta tsona tseo ha A re: “Dulang ho ‘Na, le ‘Na ho lona. Joaleka lekala le ke keng la bea le notši ha le sa kgomorele sefate, ho joalo le lona ha le sa dule ho ‘Na . . . ka ntle ho ‘Na le ke ke la etsa letho.” (Johanne 15 : 4, 5.)

Le lona le hlile le joalo ho Kreste, ha le tla phela bophelo bo halalelang, joaleka lona lekala sefateng ha le tla mela le bee ditholoana. Le ka ba joaleka difate tse metseng dikeleding tsa metsi.

Ba bangata ba na le kgopolo ea hore ba tšoanetse ho etsa sekoto sa mosebetsi oo ba ‘notši. Ba ne ba tšepile Kreste ho ba tšoarela dibe, joale ba ipatlela holoka ka matla a bona, empa boikgathatso bo joalo bo tla hloloa. Jesu O re: “Ha ese ka ‘Na le ke ke la etsa letho.” Ho hola ha rona mohaung, thabo ea rona, molemo oa rona, tsohle di hlaha ka ho ba le kopano le Kreste. Ke ka ho kopana le eena ka matsatsi le ka dinako tsohle, ke ka ho dula ho Eena — re nang le ho hola mohaung. Ha se Moqadi feela, empa ke Mophethi oa tumelo ea rona. Ke Kreste e leng oa pele, oa qetello le oa kamehla. O tla ba le rona, eseng qalong feela le qetellong ea bophelo ba rona, empa bohatong bohle ba bophelo ba rona.

David a o re: Ke beile Morena kamehla pel'a ka; hobane O letsohong la ka le letona. Nke ke ka sisinyeha.” (Pes 16 : 8.)

Hleka u botsa hore: “Na nka dula joang ho Krete?” Joaleka ha u mo amohetsa qalong. “Joaleka ha le amohetse Morena Jesu Krete, tsamaeang joalo ho Eena.” Ea lokileng o tla phela ka tumelo.” (ba-Kol. 2:6; Ba-Heb. 10 : 38.)

[54]

U ineile Modimo, ho ba oa Hae kahohle, ho Mo sebeletsa le ho Mo utloa, ‘me u amohetse Krete ho ba ‘Moloki oa hao, u no u ka sitoa ho ipholosa e le uena dibeng tsa hao, kapa ho fetola pelo ea hao; empa ha u ineile Modimo, u kgotsoe hore Eena ka baka la Krete O u etseditse hona hohle. Ka tumelo u fetoha oa Krete, ‘me ka tumelo u tšoanetse ho hola ho Eena —ka ho nea le ka ho amohela. U tšoanetse ho neela hohle— pelo ea hao, thato ea hao, tšebetso ea hao—ineele Eena ho utloa thato eohle ea Hae; me u tšoanetse ho amohela tsohle— Krete, botlalo ba mahlohonolo ohle ho dule pelong ea hao, e be matla a hao, holoka ha hao, Mothusi oa kamehla, ho u nea matla a kutlo.

Ipee ho Modimo ha u tsoha; ehle e be mosebetsi oa hao oa pele.

Thapelo ea hao ebe hore; Oho Modimo, nkamohele, ke be oa hao kahohle.

Ke bea merero eohle ea ka maotong a Hao. Sebetsa ka ‘na kajeno. Dula le ‘na mesibetsing ea ka eohle e etsetsoe uena.”

Hona ke mosebetsi oa kamehla. Hoseng ha tsatsi le leng le le leng u ineele Modimo bakeng sa tsatsi leo. U neele merero eohle ea hao ho Eena hore e phethoe, kapa e lesoe kamoo paballo ea Hae e ka kgethang.

Ka baka leo ka tsatsi le leng le le leng u ‘no bee bophelo ba hao matsohong a Modimo, ‘me ka hoo bophelo ba hao bo tla ‘ne bo eketse ho bopeloa ho ba Krete.

Ho phela ho Krete ho na le phomolo. Leha ho ke ke ha utloa’la hantle, empa ekakgona ho be le tšepo ea kgotso e sa tloheng, Tsepo ea lona ha e ho lona, e ho Krete.

Phokolo ea lona e kopane matleng a Hae, bothoto ba lona bohlaheng ba Hae, bokgabaneng, phethehong ea mosebetsi oa Hae. Krete boitlong ba Hae, Krete boikokobetsong ba Hae. Krete hloekong ea Hae, kgalalelong ea Hae. Krete leratong la Hae le senang tekanyo,—ke oona mosebetsi o tšoanetseng ho nahanoa ke

moea. Ke ka ho Mo rata, ho Mo etsisa, ho tšepa Eena feela le ka fetohelang sebopehong sa Hae.

Jesu O re: “Dulang ho ‘Na.” Mantsoe ana a nahantša tsa phomolo, phetheho, tšepo. Hape oa mema: “Tlong ho ‘Na. . . ‘me ke tla lefa phomolo.” (Matth. 11 : 28, 29.)

Mantsoe a mo-Pesaleme, a hlhisa eona kgopolo eo: U iphomolela ho Jehova u kgutsitse, ‘me u itšepise ka Eena.” ‘Me Esaia o nea tšepiso o re: “Matla a lona a tla boitulelong le tšepo.” (Pes. 37 : 7; Esa. 30 : 15.)

[55] Phomolo ena ha e, fumanoe maseneng; hobane pitsong ea ‘Moloki pallo ea phomolo e kopane le ho biletšoa mosebetsi: “Inkeleng joko ea ka, ... ‘me le tla fumana phomolo.” (Matth. 11 : 28, 29.) Pelo e dutseng ka ho tlala ho Kreste, ke eona e tla ba mafolofolo le masene ho mo sebeletsa.

Mohopolo o itšepileng, eba o lahlile Kreste, Mohlodi oa matla le bophelo. Ke hona moo Satane hangata a lehang ho kgelosa mehopolo ho ‘Moloki, ka hoo a hlokise kopano le setsoalle sa moea le Kreste. Menyaka ea lefatše hlokomelo tsa bophelo, le ho tsieleha, le mahlomola le melato ea ba bang, kapa melato ea hao le hoseloke ho e ngoe ea tsona kapa ho tsona kaofela o tla leka ho kgelosa mehopolo. Le se ke la kgelosoa ke tsa hae.

Ba bangata ba mehopolo e lokileng ba lakatsang ho phelela Modimo, ha ngata o ntse a ba kgelosa hore ba nahane melato le mefokolo ea bona, ‘me ha a ba kgelosa ho Kreste o tšepa hore o tla ba hlola. Ha rea tšoanela ho bea boithato pele, le ho dumella tšabo ea hore, na ekaba ke tla bolokeha.

Tsohle tšena di kgelosa mehopolo ho mohlodi oa matla a rona.

Bea poloko ea moea oa hao ho Modimo, u Mo tšepe. Buo, nahana Jesu.

Boitšepo a bo nyamelle ho Eena. Lehla dipelaelo tsohle, kgao-hana le ditšabo tsa hao. Bolela joaleka moapostola Pauluse: “Kea phela empa eseng-na, ke Kreste ea phelang ka ho ‘na; bophelo boo ke bo phelang nameng joale; ke iphelela tumelong ho Mor’a Modimo Ea nthatileng, A ba A itella ‘na,” (ba-Gal. 2 : 20.) dula ho Modimo. O na le matla ho boloka tseo u di tšepetseng ho Eena. Ha u ka ipee matsohong a Hae, O tla u etsa ea fetang mohlodi ka baka la Ea u ratileng.

Ha Krete A inkela botho, O tlameletse batho ho Eena, ka tlamo ea lerato e ke keng eaba ea kgaoloa ke matla afe le afe, ha e se ka ho ithatela ha motho. Satane o tla ‘ne a hlahise dikgohelo, ho etsa hore re be re kgaole tlamo eo,—re ikarole ho Krete, ke moo re tšoanetseng ho fadimeha, re tie, re rapele, hore ho se be letho le ka re hohellang ho morena osele, hobane re ntse re lokolohile ho di etsa tsena. Empa a re tsepamiseng mahlo a rōna ho Krete, ‘me O tla re boloka.

Ha re tadima ho Jesu re pholohile. Ha ho letho le ka re utlang letsohong la Hae. Ha re ntse re mo tadimile, “re fetohela setšoantsong se le seng ka kganya e isang kganyeng, e leng ka Moea oa Morena.” (2 baKor. 3 : 18.)

Ke ka hoo barutuo ba pele ba fumaneng ho tšoana le ‘Moloki ea ratehang. Barutuo ba ha ba ne ba utloa lentsoe la Jesu ba ne ba utloisisa hoba b’a Mo hloka. Ba batla, ba fumana, ‘me ba Mo latela. Ba ne ba ena le Eena ka tlung, tafoleng, phaposing, naheng. Ba bile le Eena joaleka barutuo le moruti oa bona, ba amohela kamehla molomong oa hae tsa ‘nete e halalelang. [56]

Ba Mo tadima e le bahlanka ho mong a bona, ho ithuta tšoanelo ea bona. Barutuo ba e ne e le batho “ba ikutloang nthong tsohle joaleka rona.” (Jak. 5 : 17.) Ba ne ba loantša ntoa ea rona ea dibe; ba ne ba hloka mohau oo re o hlokang, hore ba tie ba phele bophelo ba kgalalelo.

Le eena Johanne morutuo ea ratoang, e leng ea neng a hlile a kgothaletse setšoantšo sa Moloki, ha a ka a hlaha a ena le sebopeho seo se ratehang. E ne e se seithati se ratang ho hlomphuo feela, empa o na a le mafolofolo, a halefa, ‘me a kgoboheloa ho ka hlahisa bobbe. Empa ere kaha sebopeho sa Ea phahameng se kile sa senoloa ho eena, a bona phokolo ea hae, ‘me boitsebo boo ba mo kokobetsa. Bonatla le sebete, matla le bonolo, hlompheho le bopelonolo, tseo a di boneng kamehla bophelong ba Mor’a Modimo, tsa tlatsa moea oa hae ka makalo le lerato. Ka tsatsi le leng le le leng pelo ea hae ea ‘na ea hulehela ho Krete, ho fihlela a lahlehela ke boena ka ho rata Mong a hae. Sebopeho sa kgalefo ea hae se mafolofolo sa nyamela, matleng a fetolang a Krete.

Tšebetso e fetolang, ea Moea o halalelang ea nchafatsa pelo ea hae. Matla a lerato la Krete a hlahisa phetoho ea sebopeho. Hona ke ponahalo ea sebele ea kopano le Jesu. Ha Krete A dula pelong se-

bopeho sohle sea fetoha. Lerato la Kreste, Moea oa Hae, di nolofatsa pelo, di hlola moea, ‘me di phahamisetse mehopollo ho Modimo le ho lehodimo. Ea neng A bua tsa tšepo le tsa matšedisano dipelong tsa bona, eare lentsoe la boqosa le kgotso le sa le molomong, oa hae.

Ha Kreste A nyolohela lehodimong kgopolo ea ponahalo ea Hae e ne e santse e le ho balatedi ba Hae. E ne e le ponahalo ea botho, e tletseng lerato le kganya.

Jesu ‘Moloki, Ea neng A tsamaea a buoa, a rapela le bona, A tlosoa ho bona A nkeloa lehodimong me modumo oa lentsoe la hae oa kgutlela ho bona, ha leru la mangelo le mo amohela —“Bonang, ‘Na ke na le lona kamehla eohle, ho isa bofelong ba lefatše.” (Matth. 28 : 20) O nyolohetse lehodimong ka sebopeho sa motho. Ba tsebile hoba O pel’ a terone ea Modimo, e sa le motsoalle le Moloki oa bona; le hore ho utloelana bohloko ha Hae le bona ha ho fetohile; hore O sa ntse A kopane le batho mahlomoleng a bona. Dipelong tsa bana ba Hae ka Moea o Halalelang.

Har’ a makgotla a kganya matsoho a Hae a maqeba, lehlakore le Hae le hlabiloeng, maoto a Hae a tabotsoeng, a ntse a emela leloko le oeleng, di pakile lerato leo A bileng le lona ho balopolloa ba Hae. Ba tsebile hore O nyolohetse lehodimong ho ba lokisetsa ditulo, le ho boela A kgutla A ba nkela ho Eena. Eitse ha ba kopana kamora nyololo, ba chesehela ho hlahisa dikopo tsa bona ho Ntate ka lebitso la Jesu. Ka hlomphe le ka tšabo, ba inama ho rapela, ba pheta ditšepiso tsena:

“Tsohle tseo le ka di qelang ho Ntate ka lebitso la ka O tla le fa tsona. Ho fihlela joale ha le es’ o kope letho ka lebitso la ka, kopang ‘me la tla fuoa, hore thabo ea lona e tlale.” (1 Johanne 16 : 23, 24.) Ba ‘na ba phahamisa letsoho la tumelo ho ea ho ile, ka dipolelo tse matla tsena.” Ke Kreste ea shoeleng A bileng a tsoha hape ke Eena ea leng ka letsohong le letona la Modimo, hape hape e sa le Eena ea re rapellang.” (ba Roma 8 : 34.)

Pentekonta ea ba tlisetsa ponahalo ea motšidisi eo Kreste A neng A e boletse a re: “O tla ba ka ho bona.” Hape O na re (Johanne 14 : 17; 16 : 7.) Ho tloha moo Kreste A ‘na A dula A itse: “Hoa le lokela hore ke ee; hobane ha ke sa ee, Motšidisi a ke ke a tla ho lona, empa ha ke eea ke tla mo romela ho lona.”

Kopano ea bona le Eena e ne e feta ea ha A ne A sa na le bona. Kganya le lerato tsa Kreste ea ka ho bona di ne di bonahala ho bona,

ba ba bonang “ba ba ba makala; ‘me ba hla ba tseba hoba ke ba bileng le Jesu.” (Dike 4 : 13.)

Hohle hoo Kreste A bileng hona ho barutuo ba Hae ba pele, O rata ho ba hona le ho bana ba Hae kajeno; hobane thapelong ea Hae ea qetello le sehlotšoana se mo teetseng hare sa barutuo O itse; “Ha ke rapelle bana feela empa le ba tla dumela ho ‘Na ka polelo ea bona.” (Johanne 17 : 20.)

Jesu O rapeletse, ‘me A kopa hore re be bang le Eena, joaleka ha A le mong le Ntate. A kopano e makatsang! Moloki ha A bolela tsa Hae O itse: “Mora A ke ke A etsa letho A ‘notši; “Ntate ea dutseng ho Eena ke Eena ea sebetsang.” (Johanne 5 : 19; 14 : 10.) ‘Me ha Kreste A ahile dipelong tsa rona, O tla sebetsa ka ho rona ho rata le ho etsa thato ea Hae e molemo.” (ba-Kol. 2 : 13.) Re tla sebetsa joaleka ha A sebeditse, re tla bonahatsa oona Moea ola. ‘Me ha re Mo rata, re dula ho Eena, re tla hola ho Eena nthong tsohle, Kreste e leng hloho.

9. MOSEBETSI LE BOPHELO

Modimo ke mohlodi oa bophelo le lesedi le thabo ho lefatše. Joaleka mahlasedi a lesedi a tsoang letsatsing, joaleka phororo tsa metsi tse phorosang di etsoa mohloding o tšikgunyang, le mahlohonolo a phorosetsa dibopuo a etsoa ho Eena? Me hohle moo bophelo ba Modimo bo leng pelong tsa batho, bo phorosetsa ho ba bang ka lerato le ka lehlohonolo. Thabo ea ‘Moloki oa rona e bile phahamisong le topollong ea batho ba oeleng. Ka hoo ha A ka A ipaballela bophelo ba Hae, empa a tiisetse sefapano, nyediso, dihlong. Ka hoo ha e sale mangeloi a ntse a sebeletsa thabo ea ba bang. Hoo ke thabo ea oona. Hoo ke hoo pelo tse ithatang di ka ho tadimang e le mosebetsi o nyatsehang, ho sebeletsa ba senyehileng, ba tlase mekgoeng ea bana le hlahong, hore e be mosebetsi oa mangeloi a se nang sebe.

Moea oa boitelo ba lerato la Krete ke oona o sollang lehodimong, ke oona ntho e kgoolo ea thabo ea teng. Ke oona moea oo balatedi ba Krete ba tla ba le oona, mosebetsi oo ba tlang ho o etsa, ha lerato la Krete le babaletsoe pelong, joaleka menkoana e nkgang hamonate, ha le na ho patoa. Ponahalo e tšebetso ea lona e halalelang e tla utluoa ke bohle bao re teanang le bona.

Moea oa Krete ka pelong o joaleka sediba se felleng se phorosang ho kgodisa bohle, hore ba leng makgatheng a ho shoa ba lakatse ho noa metsi a bophelo.

Ho rata Jesu ho tla bonahala takatsong ea ho rata mosebetsi joaleka ha Eena A sebeleditse phahamiso ea batho. Ho tla isa leratong, lerekong le kutloeloanong bohloko le dibopuo tsa lerato la Ntata rona Ea mahodimong.

Bophelo ba ‘Moloki lefatšeng e ne e se bo bonolo, ba boithato, empa O tsamaile bothateng, ka matla a sa kgathaleng, ka baka la poloko ea ba timetseng.

Ho tloha sejelong ho ea Golgotha, A tšoara tsela ea boitelo, A se ke A batla ho thusoa bothateng, maetong a bohloko, ho felloeng ke matla le mosebetsing o thata A re: Mor’a motho ha a tlela ho

sebeletsoa, empa e le ho sebeletsa, le ho neela bophelo ba Hae ho ba topollo ea ba bangata.” (Matth. 20 : 28.) Ene e le eona taba e kgolo ea bophelo ba Hae, Tsohle tse ding e ne e le metlatso feela. Sejo sa Hae, le seno sa Hae, e ne e le ho etsa thato ea Modimo feela, le ho phetha mosebetsi oa Hae. Bo-Eena le boikgahliso di ne di se na sebaka mosebetsing oa Hae. Ka hoo hohle ba nang le kabelo [59] mohaung oa Krete ba tšoanetse ho itokisetsa boitelo, hore le ba bang bao A ba shoetseng ba be le kabelo neong ea lehodimo. Ba tšoanetse ho etsa hohle hoo ba ka ho etsang ho ntšetsa leftaše pele, ha ba santse ba le ho lona.

Moea o joalo ke pontšo ea ‘nete ea hore o sokolohile. Hang ha motho a etla ho Krete, eba tsoalo e se e ba teng pelong ea hae, ea ho lakatsa ho tsebisa ba bang setsoalle sa bohlokoa seo a se fumaneng ho Jesu; ‘nete e pholosang, e halaletsang e ke ke ea ba ea koalloya pelong ea hae. Ha re apesitsoe ka holoka ha Krete, ‘me re tletse thabo ea Moea oa Hae o kahare ho rona, re ke ke ra ba ra tseba ho kgutsa. Ha re se re latsoitse, re bone hoba Morena O molemo, re tla ba le seo re se bolelang. Joaleka Filipi mohla a fumaneng ‘Moloki, re tla biletsa ba bang ho Eena. Re tla batla ho ba hlahisetsa tse kgahlehang tsa Krete, le di’nete tse sa bonoeng tsa lefatše le tlang. Ho tla hola takatso ea ho tsamaea tseleng e tsamailoeng ke Jesu. Ho tla ba le cheseho e mafolofolo ea hore ba re teetseng hare ba tadime “konyana ea Modimo e tlosang sebe sa lefatše.” (Johanne 1 : 29.)

’Me phehello ea ho hlohonolofatsa ba bang e tla eketseha mahlohonolong a rona. Ebile thato ea Modimo ho re nea kabelo morerong oa poloko. O neile batho ho ba le kabelo ho tsa hlaleho ea boModimo, ho nka kabelo ea ho tšollela mahlohonolo ho bahabo rona. Hona ke hlonepho e fitisisang, le thabo e kgolo, eo Modimo O bileng le ho e nea batho. Bao ka mokgoa o joalo ba nang le kabelo mesebetsing ea lerato, ba atameditsoe haufiufi le ‘Mopi oa bona.

Modimo O kabe O beile mosebetsi oa Evangedi, le mosebetsi ‘ohle oa tšebeletso ea lerato ho mangeloi a lehodimo. O kabe O ikgethetese mekgoa e meng ho phetha morero oa Hae. Empa leratong la bo Modimo ba Hae, A re kgetha hoba basebedisani le Eena le Krete le mangeloi, hore re be le kabelo ea lehlohoolo, ea thabo, le phahamiso ea moea, tse hlahisoang ke tšebeletso e se nang boitšepo.

Re entsoe ba utloelanang le Krete ka ho kopana le Eena mahlo-moleng a Hae.

[60] Ketso efe le efe ea ho itella ba bang, e matlafatsa moea oa ea e etsang e mo atametsa ka hofetisisa haufi le Moloki oa lefatše, “ea neng a ruile, empa A iketsa mofutsana hore ka baka la bofutsana ba Hae le ruoe.” ‘Me ke ha re phetha joalo thato ea Modimo ha bophelo bo tla re hlohonolofalla. Ha le ka sebetsa kamoo Krete a ratang ha barutuo ba Hae ba sebetsa, ‘me la Mo hapela meea, le tla ikutloa tšoanelo ea ho ba le kelello e fetisisang le tsebo e fetang ea tsa Modimo, ‘me le tla lapela le nyoreloe holoka. Le tla pakela Modimo, ‘me tumelo ea lona e tla matlafatsoa, me moea oa lona o tla noa madibeng a sediba sa poloko. Ho loantša bothata le meleko ho tla le kgannela Bibeleng le thapelong, le tla hola mohaug, le tsebong ea Krete ‘me le tla ena ka kelello e kgolo.

Moea o sebeletsang ba bang ka boikokobetso o ba le matla, le ho tiea le ho rateha ho kang ha Krete mosebetsing, o hlahisetsa mong a oona kgotso le thabo. Mefehelo e phahamisetsoe. Ha ho sebaka sa botsoa kapa sa ho ithata. Ka mokgoa o joalo ba ntšetsang mohau oa Krete pele ba tla hola, me ba matlafale ho sebeletsa Modimo.

Ba tla ba le temoho e hloekileng ea moea, le tumelo e holang ka bokgabane, matla a thapelo a eketsehe. Moea oa Modimo o sollang hodim’ a meea ea bona o ba tiišetsa dikopano tse tiileng tsa moea e leng karabo ea Ea phahameng.

Ba ineelang joalo mosebetsing oa ho itella ba bang, ruri ba sebeletsa poloko ea bona. Mokgoa o mong feela oa ho hola mohaug ke ho etsa ka lerato mosebetsing oo Krete A re neileng oona ho o etsa re o etse ka matla ohle ao rea neiloeng, ho thusa le ho hlohonolofatsa ba hlokang thuso eo re ka ba etsetsang eona.

Matla a tsoa ho sebetseng. Mafolofolo ke oona mokgoa oa bophelo. Ba phehellang ho inkela bophelo ba boKrete ka ho nka mahlohonolo a tlang ka mokgoa oa mohau, ba mpa ba sa etsetse Krete letho, ke ba lehang ho ja feela ba sa sebetse. ‘Me le ka tsa moea ho ntso ho le joaleka ho tsa lefatše la joale, tsena di ‘ne di suthelane, di tsofale. Motho ea ka hanang ho sebedisa ditho tsa hae, hang o tla felloa ke matla a ho di sebedisa. Ho joalo le ka moKrete ea hanang ho sebetsa, matla a hae ao a a fuoang ke Modimo, ha a hloke feela ho hola ho Krete, empa o lahlehela le ke matla ao a nang le oona.

Kereke ea Krete ke mosebeletsi ea kgethiloeng ke Modimo bakeng sa poloko ea batho.

Mosebetsi oa eona ke ho isa Evangedi lefatšeng. ‘Me boitlamo boo, bo tlamile Bakreste bohle. E mong le e mong ho lekana le mpho eo a e filoeng le sebaka, o tšoanetse ho phetha taelo ea Mopholosi. Lerato la Krete le banahaditsoe ho rona, le re entse molato ho bohle ba sa Mo tsebeng. Modimo O re neile lesedi, e seng hore e be la rona re ‘notši, empa e le hore le ba aparele. Hojane balatedi ba Krete ba fadimehela ditsoanelo tsa bona, ho ka be ho ena le dikete moo ho nang le a le mong kajeno ho bolela Evangedi mafatšeng a bahedene. [61] ‘Me bohle ba neng ba ka sitoa ho kena e le bana mosebetsing ba ne ba ka o tšehetsa ka tse ba nang le tsona; ka lerato la bona, ka merapelo, ‘me ho no ho tla ba le mosebetsi o fetisisang ka cheseho mafatšeng a bahedene; kapa ho tlohela setsiketsinyana se haee, haeba ke hona moo mosebetsi oa rona o leng teng hore re sebeletse Krete. Hoo re ka ho etsa har’a motse, kerekeng har’a bao re kopanang le bona, le bao re sebedisanang le bona. Boholo ba bophelo ba ‘Moloki oa rona lefatšeng bo feletse mamellong ea mosebetsi o thata, tlung ea bobetli Nazaretha. Mangelo a tšebeletso a n’ a ntse a sebeletsa Morena oa bophelo, ha A ntse A tsamaea le makgabunyane le basebetsi, ba sa hlokomeloeng, ba sa hlonophuoeng. O n’ a ntse A phetha mosebetsi oa Hae ka botšepahi, ha A ntse A tšoere kabelo ea Hae ea boikokobetso, joaleka ha A fodisa ba kulang, kapa ha A tsamaea hodim’a maqhuba a phahameng a Galilea. Ka mokgoa o joalo ditšoanelong tsa rona tse kokobetseng, le tšebetso tse tlase tsa bophelo, re ka ‘na ra tsamaea le ho sebetsa le Jesu. Moapostola o re: Motho ka mong a dule pel’a Modimo kabelong eo a neng a le ho eona mohla a bitsoang.’ (1 baKor. 7 : 24.) Mohoebi a ka ‘na a tsamaisa mosebetsi oa hae ka mokgoa oo a ka tlotlisang Morena oa hae ka baka la botšepahi ba hae. Ha e le molatedi oa ‘nete oa Krete, o tla bonahatsa tumelo ea hae nthong tsohle tseo a di etsang, ‘me a bonahatse ho batho Moea oa Krete. Lelala ka molemo le ka botšepahi, e ka ‘na ea eba setšoantšo sa Ea tsamaileng bothateng ka bophelo ba boikokobetso har’a dithaba tsa Galilea.

Mang le mang ea ipitsang ka lebitso la Krete o tšoanetse ho sebetsa ka mokgoa oo ba bonang mesebetsi ea hae e molemo ba tla huleha hore ba tlotlise ‘Mopi le Molopolli oa bona.

Ba bangata ba itatotse bakeng sa ho neela dimpho tšebeletsong ea Krete, ka hore ba bang ke ba nang le matlotlo a phahameng le ditšoanelo. Ba hlotsoe ke maikutlo a hore, ke ba filoeng haholo feela ba tšoanetseng ho abela Modimo tsa bona. Ba bangata ba kgotsoe ke kgopolo ea hore dineo di filoe ka mokga oa hore hoitseng ba ratoang feela, ba kgethoa ho ba bang, e leng ba sa bitsoang ho ba le kabelo bothateng, kapa meputsong. Empa ha hoa boleloa joalo setšoantsong. Mong a ntlo ha a bitsa bahlanka ba hae o neile e mong le e mong mosebetsi oa hae. Ka moea oa lerato re ka phetha ditšoanelo tse fetisisang ka boikokobetso tsa bophelo, “re etsetse Morena.” (ba Kol. 3 : 23.)

[62] Ha lerato la Modimo le le pelong, le tla bonahala bophelong. Monko o monate oa Krete o tla re aparela, ‘me mosebetsi oa rona o tla phahama o kganye.

Le se ke la lebella dibaka tse kgolo kapa matla a makatsang hore le nto kena mosebetsing oa Morena. Ha le na ho hopola hore na lefatše le tla reng ka lona. Ha bophelo ba lona ba tsatsi le leng le le leng e le bopaki ba hloeko, le ba lerato la tumelo ea lona, ‘me ba bang ba kgotsoe hore le rata ho ba etsetsa molemo, ho ikgathatsa ha lona ho ke ke ha hla ha e ba feela. Morutuo oa Jesu ea kokobetseng, ea fumanehileng ka ho fetisisa e ka ‘na ea eba lehlohonolo ho ba bang. Ba ke ke ba hla ba kgoloa hore ho na le molemo oo ba o etsang, empa ka mesebetsi ea bona eo ba sa e lemoheng, ba ka tsosa maqhubu a mahlohonolo, a tla phatlalatsa, a tebise le ditholoana tseo mohl’omong ba ke keng ba ba di tseba ho fihlela tsatsi la moputso oa qetello. Ba ke ke ba ikutloa le ho itseba hore ba etsa letho le lehlo.

Ha ho hlokoe hore ba ikgathatse ka takatso ea ho tseba hlolo.

Ba tšoanela ho tsoela pele feela ba kgutsitse ba etse ka botšepahi mosebetsi oo Modimo paballong ea ‘Ona O ba tšepetseng oona, ‘me bophelo ba bona e ke ke ea eba ba lefeela. Meea ea bona e tla ‘ne e hole ho tsoela pele tšoanong ea Krete; ke basebedisi ba Modimo bophelong bona, ka hoo ba tšoanetsoe ke mosebetsi o phahameng hofetisa, le thabo e se nang ho patoa ea bophelo bo tlang.

[63]

10. DITHUSO TSA BOPHELO BA BA KRESTE

Mekgoa e mengata eo Modimo O batlang ho Itsebisa rona ka eona, le ho re kopanya le Eena. Hloleho e buoa ka mehopolong ea rona e sa kgaotse. Pelo e bulehileng e tla kgodisoa ke lerato le kganya ea Modimo, kamoo di bonahaditsoeng ke mesebetsi ea matsoho a Hae.

Tsebe e mametseng e ka utloa, ea utloisisa dikopano tsa Modimo dinthong tsa hloleho. Dinaha tse tala, difate tse phahameng, menoko le dipalesa, leru le fetang, pula e nang, molatsoana o hobang, dikganya tsa lehodimo, di buoa pelong tsa rona, dia re mema, hore re tloaelane le Eena Ea di entseng tsohle.

'Moloki oa rona O tlameletse dithuto tsa bohlokoa tsa Hae le dintho tsa hlaho, difate, dinonyana, dipalesa tsa diphula, dithaba, matša, le mahodimo a matle, joaleka tsona tse iponahatsang le tse re teetseng hare tsa bophelo ba tsatsi le leng le le leng, tseo tsohle di kopantsoe le mantsoe a 'nete, hore dithuto tsa Hae ka mokgoa o joalo di 'ne di atise ho hlaha mehopolong, leha re ka ba har'a mesebetsi e thata ea bophelo bo thata ba motho.

Modimo O rata hore bana ba Hae ba rorise mesebetsi ea Hae, 'me ba thabele molemo le bokgabane, tseo A kgabisitseng lehaee la rona la lefatše ka tsona. O rata bokgabane, 'me hofeta tsohle tse kgahlisang ka bokantle, O rata bokgabane ba mesebetsi. O rata hore re totise hloeko le holoka, mehau e ntseng e itse tuu ea dipalesa.

Feela ha re ka mamela mesebetsi e bopiloeng ke Modimo, e ka re ruta thuto tsa bohlokoa tsa boikokobetso le tšepo. Ho tloha dinaleding tse ntseng di tsamaea ka tsela ea, tsona di sa sie mohlala sebakeng, ho isa le ho motinyane, ntho tsa hlaho di ntse di utloa thato ea 'Mopi. 'Me Modimo O baballa O hlokomela ntho tsohle, 'me O thusa tsohle tseo O di bopileng. Eena Ea kakatletseng mafatše a se nang palo, a boholo bo senang ho boleloa, leha ho le joalo, O hlokomela ho hloka ha seroebele se se thokoanyana se binang melotsana ea sona ea boikokobetso se sa tšabe.

Ha batho ba tsohela mosebetsing oa bona oa tsatsi le leng le le leng, kapa ha ba phutheha ho rapela, ha ba robala mantsiboea, leha ba tsoha hosasa; ha morui a qhaqhatsa ka tlung ea borena, kapa [64] mofutsana a phutha bana ba hae sekgerehlaneng sa tafole, e mong le e mong o ntse a hlokometsoe ka lerato ke Ntate ea mahodimong.

[65] Ha ho meokgo e rothang Modimo A sa e hlokomele. Ha ho ho bosotsela ho A sa ho lemoheng. Ha re ne re ka dumedisisa tsena, ditakatsonyana tsohle tse senang taba di ne di tla fedisoa. Bophelo ba rona bo ne bo sa tlo tlala pelaelo joaleka ha bo le joana; hobane tsohle, tse nyenyane le tse kgolo di ne di tla tlohelo matsohong a Modimo, O sa ferekangoeng ke bongata ba ditsietsi, kapa ho imeloa ke boima ba tsona, re ne re tla ruoa phomolo ea Moea eo ba bangata ba sa kang ba e tseba. Joaleka ha mehopolo ea lona e thabela dikgohelo tse thabisang tsa lefatše, hopolang lefatše le tlang ho tla, le sa eong ho tseba le qoba ea sebe, le ea lefu; moo sefahleho sa hlaho se seng se sa tlo roala moriti oa thohako.

Mehopolo ea lona e ke e itšoantšetse lehae la bapholohi, ‘me le hopole hoba ho tla fetisa ka kganya, hofetisa kamoo mehopolo ea lona e ka tšoantšang ka teng. Dineong tse sa tšoaneng tsa Modimo, ka hlaho re bona feela ka lerootho le fifetseng tsa kganya ea Hae. Ho ngodiloe hothoe: “Taba tseo Modimo O di lokiseditseng ba O ratang, ke tseo leihlo le sa kang la di bona, tseo tsebe e sa kang ea di utloa, tse sa kang tsa itlhahela pelong ea motho, empa Modimo O re senoletse tsona ka Moea oa Hae.” (1 baKor. 2:9.)

Moroki le motšoantši oa tsa lefatše ba bolela tse ngata bakeng sa tsa hlaho, empa ea thabisoang ke lefatše ka thabo e fetisang, ke mokreste, hobane o lemoha mosebetsi oa matsoho a Ntat’ae, me o lemohisisa lerato la Hae paleseng, le setlameng le sefateng.

Ha ho le ea mong ea ka lebohisisang ka ho tlala se boleloang ke maralla le diphula, noka le leoatle, tse bonahalang eka ha se lentsoe la lerato la Modimo ho motho.

Modimo O buoa le rona ka mesebetsi ea paballo ea ‘Ona, le tse bonahatsoang ke Moea oa Hae dipelong tsa rona.

Ditabeng tsa rona le ho tse re potileng, tse ntseng di re teetse hare tsatsi le leng le le leng, re ka ‘na ra fumana thuto tsa bohlokoa, feela ha pelo tsa rona di bulehile ho di nahana. MoPesaleme ha a nahana tsa paballo ea Modimo o re: “Lefatše le t letse molemo oa

Jehova.” “Ea bohlae, ea nahanang o kae? A ke a lemohe ditaba tseo, ‘me a ele mehauhelo ea Jehova hloko.” (Pes. 33 : 5; 107 : 43.)

Modimo O buoa le rona ka lentsoe la Hae. Mona re na le ditaba tse hlalosehileng tsa tšenolo ea mosebetsi oa Hae, kamoo A sebedisanang le batho, le mosebetsi o moholo oa topollo. Mona [66] pel’a rona re phetletsoe ditaba tsa bapatriareka, le tsa baprofeta, le tsa bahalaledi ba bang ba pele.

E ne e le batho “ba ikutloang joaleka rona.” (Jak. 5 : 17.) Re bona kamoo ba loantšitseng mefokolo e kang ea rona, kamoo ba dihiloeng ke meleko mohl’omong joaleka rona, ‘me ba boele ba tiee, ba hlole ka mohau oa Modimo; ‘me rea bona kamoo re hlolang kateng ha re ntse re loanela botle.

Ha re bala tsa kelello ea bohlokoa ea ba neng ba neiloe, tsa lesedi, le lerato, le lehlohonolo leo e bileng thabiso ea bona, le mosebetsi o ba o entseng ka mohau oo ba o neiloeng, moea o ba susumeditse, di hotetsa lelakabe la takatso e halalelang, la tsoelopele dipelong tsa rona, le takatso ea ho tšoana le bona mosebetsing, le ho tsamaeeng le Modimo.

Jesu O itse ka tsa mangolo a Testamente ea kgale—’me netafala hofetisa ka e Ncha, “Ke oona a mpakang.” (Johanne 5 : 39.)

’Moloki, Eena Eo tšepo ea rona ea bophelo bo sa feleng e tsep-ameng ho Eena. E, Bible eohle e bolela Krete, ho tloha tiisong ea pele ea popo, hobane “har’a dintho tse entsoeng ha ho letho le entsoeng kantle ho Eena,” (Johanne 1 : 3.) pallong ea qetello o re: “Bonang ke tla ka pele,” (Tsen. 22 : 12) re bala tsa mesebetsi ea Hae, ‘me re mametse lentsoe la Hae. Ha le tla tloaelana le ‘Moloki badisisang Mangolo a Halalelang.

Tlatsang pelo eohle ka mantsoe a Modimo. Ke oona metsi a bophelo, a timang lenyora le chesang la lona. Ke oona bohobe ba bophelo bo tsoang lehodimong. Jesu O hlalosa O re: “Ha le sa je nama ea Mor’a motho, ‘me le sa noe madi a Hae, ha le na bophelo ho lona.” ‘Me O itlhalosa ka hore: “Mantsoe ao ke a buoang le lona, ke moea, e bile ke bophelo.” (Johanne: 53, 63.) ‘Mele ea rona e phela ke tseo re di jang, re di noang, joaleka ha re etsa ka paballo ho tsa botho, re etse le ho tsa moea, ke tseo re di nahanang tse tla nea modumo le matla bothong ba rona ba moea. Sebele sa topollo ke sona seo mangeloi a ratang ho se nyarela, e tla ba sona tsebo le pina

ea balopolloa ho isa mehleng e safeleng. Hleka ha se tse tšoanetseng ho hlokomeloa le ho nahanoa ka kelello na.

[67] Mohau le lerato la bosafeleng tsa Jesu sehlabelo seo A se entseng bakeng sa rona, di batla ponahalo ea tlhomoho le maikutlo a fetisisang a boikokobetso. Re tšoanetse ho nahantšisa tsa Moloki le Muelli oa rona ea ratehang. Re tšoanetse ho nahana tsa mosebetsi oa Ea tlileng ho pholosa sechaba sa Hae dibeng tsa sona. Ka mokgoa oo ha re nahana tsa lehodimo, tumelo ea rona le lerato di tla hola, 'me merapelo ea rona e tla 'ne e eketse ho amoheleha ho Modimo, hobane di tla 'ne di eketse ho kopana le tumelo le lerato.

Di tla ba mafolofolo di chesehe. Ho tla ba le tšepo e ntseng e eketseha ho Jesu, le tsebo ea tsatsi le leng le le leng ea matla a Hae, ea ho bolokisisa bohle ba tlang ho Modimo ka Eena.

Ha re ntse re nahana hloeko ea Mopholosi, re tla lakatsa hore re hie re fetohle, re nchafaletsoe setšoantšong sa hloeko ea Hae. Re tla utloa tlala le lenyora la moea, tsa hore re fetohle re tšoane le eo re mo rapelang. Ha mehopolo ea rona e le ho Kreste, re tla 'ne re rate ho buoa ka Eena ho ba bang, le ho ba setšoantšo sa Hae ho lefatše. Bible ha e ea ngolloa ea rutoang feela; kante ho bao e ngoletsoe batho bohle. Di'nete tse kgolo tse lokelang poloko di qaqisitsoe hantle joaleka letsatsi la motšhare; 'me ha ho ba ka fosang ba lahlehelo ke tsela ea bona, ha ese ba ka latelang mehopolo ea bona bakeng sa ho latela thato ea Modimo e qaqisitsoeng hantle.

Ha rea tšoanela ho nka bopaki ba motho bakeng sa tse rutoang ke Mangolo, re tšoanetse ho nahantšisa e le rona. Ha re ka dumella ba bang ho re nahanela, matla a rona a tla holofala le mesebetsi e holofale. Malta a maholo a mehopolo a ka holofatsoa ka hose hlokomele ditaba tse tšoanetseng ho a boloka, a ka lahlehelo le ke matla a ho tšoara matebo a mehopolo ea Modimo. Mehopolo e atolosoa ke ho sebedisoa, le ho latedisoa ditaba tsa Bible, ho bapisa mangolo ka mangolo, dintho tsa moea ka tsa moea.

Ha ho ntho e loketseng ho matlafatsa kelello joaleka ho nahana Mangolo, ha ho buka engoe e nang le matla ho lokisa mehopolo, ho nea matla ditšoanelong joale ka di'nete tse kgolo tsa Bible.

Lentsoe la Modimo ha le ne le ka beoa kamoo le tšoanetseng, batho ba ne ba ka ba le mehopolo e phatlaletseng, le bophelo bo hlomphehang, le merero e tiileng ka mokgoa o hlokoang.

Empa ho bala mangolo ka potlako ha ho fumantše letho hakakang, emong a ka bala Bibeke kaofela, ‘me a hloka ho fumana molemo oa eona, le ho lemoha taba tsa eona tse tebileng, tse patehileng. Temana e le ‘ngoe e nahannoeng ho fihlela tse ho eona di hlaloseha mehopolong, le ditaba tsa eona mererong ea poloko, di eba le bopaki, tseo di na le molemo hofetisa kgaohanyo tse ngata tseo ho seng taba e hlalosehileng ho se taba ea thuto ea ‘nete e fumanoeng. Bolokang Bibeke ea lona ho lona. Ha le ena le sebaka e baleng; bolokang ditaba mehopolong ea lona.

[68]

Leha le itsamaela ditseleng, le ka bala temana, ‘me la e nahana, ke hona ho e boloka, mehopolong.

Ha re na ho fumana hlalefo kantle ho ho nahana ka cheseho le ka thapelo.

Dikarolo tse ding tsa Lengolo di bonolo ka hofetisisa, hoo motho a ke keng a lesa ho se di utloisise, empa ho na le tse ding tseo sebele sa tsoma se sa phaphamalang kahodimo, hore di bonoe ka kgabanyo feela. Lengolo e ka kgona le bapisoe ka lengolo. E ka kgona ho be le patlisiso ea kelello, le ponahalo ea thapelo. ‘Me nahantšiso e joalo e tla buseletsoa haholo.

Joaleka ‘matli oa matlotlo a chekoang a fumana methapo ea matlotlo ka ho cheka fatše, ho joalo le eena ea batlisisang Lentsoe la Modimo ka tiisetso joaleka letlotlo le patiloeng, o fumana di’nete tsa bohlokoa tse patehileng ho ea di batlang ka bohlasoa. Re es’o phetle maqephe a eona re tšoanetse ho kopa ponesetso ea Moea o Halalelang, ‘me re tla e neoa.

Nathanaele ha a etla ho Jesu, ‘Moloki a phahamisa lentsoe a re: Bonang molseraele oa nete ea se nang mano.’

Nathanaele a re: “U ntsebela kae?” Jesu A mo araba a re: Ke ho bone Filipi a es’o ho u bone u le tla’sa sefate sa feiga. (Johanne 1 : 47, 48.) Jesu le rona C tla re bona, sephiring sa rona sa thapelo, ha re ka ‘matla ho re bonesetsa, hore re tsebe nete.

Mangeloi a lefatše la kganya a tla ba le bona ba batlang thuso ea lehodimo ka pelo e ikokobeditseng.

Moea o Halalelang o phahamisa o halaletsa Moloki. Ke mosebetsi oa ‘Ona ho nea Krete hloeko ea holoka ha Hae. Jesu O re: “O tla nka tsa ka o le tsebise tsona. (Johanne 16 : 14.)

Moea oa ‘Nete ke oona moruti feela oa ‘nete oa boModimo. Na Modimo O ratile batho hakaka’ng ha O le neile Mora oa ‘Ona ho

[69] le shoela, 'me A kgetha Moea oa Hae ho ba moruti oa motho, le
motsamaisa oa Kamehla!

11. TSOANELO EA THAPELO

Ka hloleho le ka tšenolo, ka paballo ea Hae Modimo O buoa le rona, le ka mosebetsi oa Moea oa Hae. Empa tsena ha dia lekana; le rona re tšoanetse ho tšollela dipelo tsa rona ho Eena. Hore re be le bophelo ba moea le matla, eka kgona re be le kopano ea 'nete le Ntat'a rōna ea mahodimong. Mehopolo ea rona e ka hulehela ho Eena; re ka nahana mesebetsi ea Hae, mehau ea Hae, mahlohonolo a Hae; empa hona ha se ho kopana le Eena ka mokgoa o phethehileng. Hore re be le kopano le Modimo, eka kgona re be le seo re se bolelang ho Eena bakeng sa bophelo ba rona ba kamehla.

Thapelo ke ho bulela Modimo pelo, joaleka motsoalle. Eseng hobane e le tšoanelo ho tsebisa Modimo seo re leng sona, empa e le hore re tsebe ho Mo amohela.

Thapelo ha e thesetse Modimo ho rona, empa e nyollela rona ho Eena.

Ha Jesu A le lefatšeng O rutila barutuo ba Hae thapelo. A ba lemosa ho hlahisa dikgaello tsa bona tsa tsatsi le leng le le leng pel'a Modimo; le ho akgela bothata bohle ba bona hodim'a Hae. 'Me ditšepiso tseo A ba neileng tsona tsa hore kopo tsa bona di tla utluoa, le rona ke ditšepiso tsa rona.

Jesu ka sebele, ha A n'a phela har'a batho, O na atisa ho rapela. 'Moloki oa rona O ikopantse le rona ho hlokeng ha rona le mefokolong ea rona, hona moo, e bile Morapelli oa rona, 'muelli ea batlang ho Ntat'ae dimpho tse ncha tsa matla, hore A ikemisetse ho re tiisa tšoanelong le melekong. Ke Eena mohlala oa rona "nthong tsohle. Ke ngoana'bo rona," empa erekaha A n'a sena sebe, sebopeho sa Hae sa sesefa bobee; A tiea dintoeng le dihlorisong tsa moea lefatšeng la sebe. Botho ba Hae bo entse thapelo, ntho ea bohlokoa, le tšoanelo.

A fumana matšidiso le thabo kopanong le Ntat'ae. 'Me h?. 'Moloki oa batho, Mor'a Modimo A utloile tšoanelo ea thapelo, e leng batho ba fokolang ba baetsadibe, ba shoang ba tla ikutloa tšoanelo ea ho chesehela thapelo ea kamehla hakaka'ng!

Ntat' a rona ea mahodimong O lebeletse ho re tšollela botlalo ba lehlohonolo la Hae. Ke tšoanelo ea rona ho noa haholo sedibeng sa lerato le se nang Moedi. Ho makatsa hakaka'ng ha re rapela hanyanyane hakalo! Modimo O itokisitse, 'me O rata ho mamela thapelo ea lerato ea bana ba Hae ba ikokobetsang, leha ho le joalo, ho sa na le phokolo e ngata ea ho iponahatsa ka nq'a ho rona, ho bonahatsa dikgaello tsa rona ho Modimo.

Na mangeloi a lehodimo a ka re'ng ka batho ba batho ba hlokang matla ba busoang ke moleko, ha pelo ea Modimo ea lerato e sa feleng e ba ngongorehela hakaalo, 'me A itokisitse ho ba fa hofetisa kamoo ba ka kopang, kapa ho hopola, leha ho le joalo ba rapela hanyenyane hakaalo, 'me ba ena le tumelonyana e nyenyane hakaalo? Mangeloi a rata ho inama pela Modimo, a rata ho ba pel'a Hae.

A fumana kopano le Modimo e le eona thabo e phahameng ea oona, athe bana ba lefatše, ba hlokang hakaalo thuso e ka neoang ke Modimo A 'notši; ba bonahala ba le kgotso ho tsamaea kantle ho lesedi la Moea oa Hae, e leng kopano le sefahleho sa 'Ona. Lefifi la emobe le akaretsa le ba sa hlokomeleng ho rapela. Meleko e nyenyetsang ea sera e ba tlama ho etsa sebe; feela ke ka baka la hobane ba sa sebedise ditšoanelo tseo Modimo O ba neileng tsona boikgethelong ba 'Ona, e leng tsa thapelo. Ke ka baka la'ng ha bara le baradi ba Modimo ba ka tsoafela thapelo, ha thapelo e le eona senotlolo letsohong la tumelo, ho bula polokelo ea lehodimo, moo ho bolokiloeng matlotlo a sa baloeng a Ea phahameng? Kantle ho thapelo e sa kgaotseng, le phadimeho e mafolofolo, re tsietsing ea ho thotofala, le ea ho kgeloha tsela. Moreloantši o ntse a batla mokgoa oa ho re koalla tsela e eang setulong sa mohau, hore leha re se ke ra fumana mohau le matla a ho hlola moleko.

Ho na le mekgoa e itseng eo ka eona re ka kgoloang hoba Modimo O utloa, O Araba merapelo ea rona.

Omong oa pele ke ho ikutloa ho hloka thuso e tsoang ho Modimo. O tšepisitse, Ore: Ke tla tšollela metsi hodim'a ea nyoriloeng. Le diphororo di phalle lefatšeng le omeletseng.” (Esa. 44 : 3.) Ba lapetseng ba nyoretsoeng ho loka ba hlolohetsoeng Modimo, ba kgoloe haba ba tla kgorisoa. Empa pelo eka kgona e bulehele tšebetso ea Moea ho seng joalo lehlohonolo la Modimo le ke ke la fumanoa.

Ho hloka ha rona ho hoholo, ke hona ho re pakelang, ‘me ho re buella ka mokgoa o utloa’lang. Empa re tšoanetse ho batla Modimo hore O re etsetse ntho tsena.

O re: “Kopang, ‘me le tla fuoa.” ‘Me “Eena ea sa kang a qenehela Mor’a Hae oa sebele, A mpa A mo tella bohle, ‘me A ke ke A re sitisa ka ntho tsohle ka Eena na?” (Matth. 7: 7; Ba-Rom. 8: 32) Ha re boloka bobele pelong tsa rona, ha re kgomarela sebele seo re se tsebang, Modimo A ke ke A re utloa; empa thapelo ea moea o hlomohileng, o robhileng, e utluoa kamehla. Ha dibe tsa rona tse tsejoang tsohle di lokisitsoe, re kgoloa hoba Modimo O tla araba kopo tsa rona.

[72]

Molemo oa rona o ke ke oa ba oa re emisa mohaung oa Modimo; ke tšoanelo ea Jesu e tlang ho re boloka, ke madi a Hae a tla re hlatsoa; le teng re sa tšoanetse ho etsa mosebetsi omong, ho ntšetsa mosebetsi oa kamohelo ea rona pele.

Taba e kgolo thapelong ke tumelo. “Ea tlang ho Modimo, e ka kgona a dumela hoba O teng, le hoba ke Eena moputsi oa ba ‘Matlang.’ Jesu O itse ho barutuoa ba Hae!

“Se seng le se seng seo le se kopang ka thapelo dumelang hoba le tla se bona, ‘me se tla ba ho lona, (ba Heb. 11 : 6; Mareka 11 : 29.)

Ditšepiso di batsi, ‘me ha di na phello, ‘me Ea tšipisitseng oa tšepaha. Ha re sa amohele tseo re hlileng re di kopang, ka nako eo re di kopang, re tšoanetse ho dumela hoba Morena oa re utloa, le hore O tla araba merapelo ea rona. Re ee re lahlehe, le ho bonela haufi, mohl’omong re kope ntho tse ke keng tsa re hlohonolofalla, ‘me Ntat’a rona ea mahodimong ka lerato, A arabe merapelo ea rona ka ho re nea tse tlang ho ba molemo o moholo ho rona, tseo le rona re neng re ka di lakatsa, hoja ka pono e phahameng eo re e filoeng, re ne re ka bona tsohle kamoo di leng kateng.

Ha merapelo ea rona e ka ha e arajoe, re tšoanetse ho itšoarella ka pallo; hobane nako ea karabo e tla tla ruri, ‘me re tla amohela hlohonolo leo re le hlokang haholo. Empa kgopolo ea hore, thapelo e tla ‘ne e arajoe ka mokgoa oo le ka ntho eo re hlileng re e hlokang, ke boiphamolelo.

Modimo O bohlale haholo, A ke ke A lahleha, leha e le ho hana le ntho e molemo ho ba tsamaeang ka holoka.

Se keng la tšaba ho Mo tšepa, leha le sa bone karabo ea merapelo ea lona kapele. Tšepang tšepiso ea Hae ea 'nete:

Kopang 'me le tla neoa. Ha re ka ea ka tsa dipelaelo tsa rona, le ditšabo kapa ho kgetha tsohle tseo re sa di bontšiseng re es'o be le tumelo ho ferekana ho tla 'ne ho eketsehe, 'me ho tebe.

Empa ha re etla ho Modimo, re ikutloa ho fokola, le ho se itšepe, kamoo re hlileng re leng kateng, ka boikokobetso, ka tumelo e nang le tšepo, re bolela tseo re di hlokang ho Eena, eo tsebo ea Hae e leng ea bosafeleng, Ea tsebang 'mopo oa tsohle, Ea busang tsohle ka thato ea Hae, le ka lentsoe la Hae, A ka tseba ho mamela le ho hlokomela selo sa rona, 'me O tla kgantša lesedi pelong tsa rona.

[73] Ka thapelo ea lerato re kop'angoa le kgopolo ea Easafeleng.

Mohlomong leha re ka hloka bopaki bo bonahalang nakong eo sefahleho sa 'Moloki se re tadimileng ka mohau le ka lerato; tseo di ke ke tsa hiokahala.

Mohl'omong re ke ke ra utloisisa hobateng ha Hae, empa letsoho la Hae le hodim'a rona, ka lerato le kgauho e lereko. Ha re tla kopa mohau le lehlohonolo ho Modimo re tšoanetse ho ba le moea oa lerato, le oa tšoarello dipelong tsa rona.

Na re ka rapela joang, hore: "Re tšoarele meletso ea rona joaleka ha re lebala melato ea ba re sitetsoeng." (Matth. 6: 12.) Athe re ntse re bolokile moea oa ho se tšoarele? Ha re rata hore merapelo ea rona e utluoe, eka kgona re tšoarele ba bang joalo, ka oona mokgoa oo re tšepang ho tšoarello ka oona.

Tiisetso thapelong e entsoe lebaka la ho amohela. Re tšoanetse ho rapela kamehla ha re tla hola tumelong le kelellong.

Re be le "tiisetso tlapelong," le "phehello thapelong, 'me re fadimehe ka teboho." (baRoma 12 : 12; baKol. 5:2.) Petrose o kgothatsa badumedi hose "tahoe ke joalo, le ho fadimeha thapelong." (1 Pet. 4:7.) Pauluse o eletsa, o re:

Nthong tsohle, seo le se lakatsang le ke le se hlahise ho Modimo." (ba-Fil. 4:6.) Juda O re: Empa ha e le lona baratuo, le rapele ka Moea o Halalelang, le ipoloke leratong la Modimo. (Juda 20 : 21.) Thapelo e sa kgaotseng ke kopano e senang ho aroloa ea moea le Modimo, ha ho le joalo bophelo bo tsoang ho Modimo bo phallela bophelong ba rona; 'me hloeko ea rona, le kgalalelo di phallela ho Modimo.

Ke tšoanelo ho ba mafolofolo thapelong; ho se ke ha eba letho le le tsietsang. Etsang ka matla ho iketsetsa sebaka se bulehileng sa kopano pakeng tsa Jesu le moea oa lona. Batlang ka mekgoa eohle sebaka sa ho ba moo thapelo e lemaletsoeng. Ba batlang kopano le Modimo kasebele, ba tla bonoa diphuthehong tsa merapelo, ba tšepaha ditšoanelong tsa bona, ba le mafolofolo, ba lakatsa ho kotula melemo eohle eo ba ka e hapang.

Ba tla totisa dibaka tsohle tsa ho itlhahisa moo ba ka amohelang mahlasedi a lesedi le tsoang lehodimong.

Re tšoanetse ho ba le dithapelo tsa matlo; hofetisa tsohle re se ke ra tsoafela thapelo ea sephiri hobane eona ke bophelo ba moea. Moea ha o na ho hola ha thapelo e tsoafeloa. Thapelo ea matlo lea diphutheho e notši ha e lekane.

Bonnotšing moea o beoa pel'a leihlo le hlahlobang la Modimo. Thapelo ea sephiri e ka utlhoa feela ke Modimo O utloang merapelo O tsebang leha ekaba e hlokolotsi, ha e eo, e ka amohelang boima ba dikopo tse kaalo. Thapelo ea sephiri moea eba o lokolohile tabaneng tse ngata tse o potapotang, leha e le tšabong.

[74]

Ka ho kgutsa, empa ka cheseho, e tla nanabela ho fihla ho Modimo, 'Me tse tsoang ho ea bonang sephiring eo, e tla ba tse monate tse sa tloheng ho eo tsebe ea Hae e bulehetseng merapelo e tsoang pelong. Tumelong ea sebele e sa iponahatseng, moeeng o na le kopano le Modimo. 'Me o ipokellela mahlasedi a lesedi le hlollang, ho o matlafatsa, le ho o thusa ntoeng ea Satane.

Modimo, ke qhobosheane ea matla a rona. Rapela phaposing ea hao; 'me ha u ntse u tsamaea mosebetsing oa hao oa matsatsi, pelo ea hao e nne phahamisetsoe ho Modimo. Ke ka hoo Enoke a tsamaileng le Modimo. Thapelo tsena tse kgutsitseng di nyolohela joaleka lethu la bohlokoa pel'a terone ea mohau.

Satane ha a na ho hlola motho eo pelo ea hae e dutseng joalo ho Modimo.

Ha ho nako kapa sebaka, seo re ka reng ha di lokele hore re hlahise kopo ho Modimo. Ha ho letho le ka re thibelang ho phahamisa pelo tsa rona ka thapelo ea moea o mafolofolo. Har'a matšoele a tsela, har'a mosebetsi, re ka 'na ra isa kopo ea rona ho Modimo, 'me ra kopa thuso ho Eena, joaleka Nehemia ha a hlahisa kopo ea hae ho morena Artaxerxese.

Katamelo ea kopano e ka-na ea fumanoa kae le kae moo re leng teng. Eka kgona monyako oa pelo o 'n' o bulehe, 'me memo ea rona e nyolohe, hore Jesu A theohele a dule pelong tsa rona e le moeti oa lehodimo moeeng.

Leha ho ka ba moea o ditšila o senyehileng ka thoko ho rona, ha re na ho phefumola ditšila tsa oona, re mpe re phele moeeng o hlokileng oa lehodimo eka kgona re koale mamati onle pel'a ditšoantšo, le mehopollo e ditšila, ka ho phahamisetsa moea pel'a Modimo ka thapelo ea lerato. Ba pelo di bulehetseng ho amohela thuso le hlohonolofatso ea Modimo, ba tla tsamaea moeeng oa kgalalelo, o fetisang oa lefatše 'me ba tla ba le kopano ea kamehla le lehodimo. Re tšoanetse ho ba le ponahalo tsa Jesu tse kganyang ka hofetisa le kamohelo e fatisisang ea di'nete tse sa feleng. Bokgabane ba kgalalelo bo tšoanetse ho tlatsa pelo tsa bana ba Modimo; 'me ha tsena di tla phetheha ke ha re ne re ka batla tse senotsoeng tse phahameng tsa mahodimo.

Moea a o ke o phahamisoe, o nyolloe, hore Modimo A tie A re fe phefumoloho ea moea oa lehodimo. Re ne re ka ba haufi le Modimo hore moleko ofe le ofe o re tlelang re sa lemohe, meea ea rona e tie e fetohela ho Eena joaleka palesa ha e fetohela ho letsatsi. [75] Bolokang thato ea lona, thabo ea lona, mahlomola a lona mehopollo ea lona le tšabo ea lona pel'a Modimo.

Ha le na ho Mo imetsa; ha le na ho mohlodisa. Eena ea hlokome-lang qoba tsa meriri ea lona ea dihloho ha A bohlasoa ho tse hlokoang ke bana ba Hae. "Morena O tletse mohau le lereko." (Jak 5 : 2.) Pelo ea Hae e lerato e utloa mahlomola a rona, leha re ka a bolela. Isang ho Eena tsohle tse ka ferekanyang mehapollo. Ha ho letho le ka Mo sitang ka boholo, hobane O -kakatletse mafatše, O busa tsohle tsa lefatše. Ha ho letho le ha e ka ba le lenyenyane, le ka senyang kgotso ea rona, leha ekaba ka mokgoa ofe, hore A se re hlokomele. Ha ho kgaolo diketsong tsa rona e ka bang lerootho hore A sitoe ho e bala. Ha ho tsietsi e ka hlahelang le ea mong oa bana ba Hae, ha ho takatso e tšoenyang mohopollo, ha ho tsatsi la thabo, ha ho thapelo ea 'nete e tsoang melomong eo Ntat'a rona ea mahodimong A sa e hlokomeleng, kapa, eo A sa phakiseng ho e thabela.

"O fodisitse ba pelo di robhileng. A tlamella maqeba a bona." (Pes. 147 : 3.)

Dikopano tsa Modimo bakeng sa moea omong le omong di bon'ala hantle ka ho tlala joaleka ha eka ho no ho se moea omong lefatšeng o ka bang le kabelo hlokomelong ea Ona, le oo A o neileng Mor'a Ona.

Jesu O re: Le tla kopa ka lebitso la ka, 'me ha ke le bolelle hore ke tla le rapella ho Ntate; hobane Ntate oa le rata le Eena.' Ke 'na ke le kgethileng, ... hore tsohle tseo le di kopang ho Ntate ka lebitso la ka A le fe tsona.' (Johanne 16 : 26, 27; 15 : 16.) Empa ho rapela ka lebitso la Jesu, ke ntho e fetisang, ho ena le ho le bitsa feela ho qaleng, le ho qetelleng ha thapelo. Ke ho rapela ka mehopolo le ka moea oa Jesu, re dumela dipallo tsa Hae, re tšepa mohau oa Hae 'me re etsa mesebetsi ea Hae.

Ha se hore Modimo O rata hore ba bang ba rona ba phele ba notši, kapa e be baitlami, re tlohele lefatše hore re ineele diketso tsa borapedi. Eka kgona bophelo bo tšoane le ba Krete, pakeng tsa thaba le matšoele. Ea sa etseng letho ha e se ho rapela o tla phakisa a lahle thapelo, kapa merapelo ea hae e tla fetoha mokgoa feela.

Ha batho ba intša dikopanong tsa bophelo, ba itlosa bongoeng ba ditšoanelo tsa boKreste le ho jara sefapano; ha ba lesa ho sebeletsa Morena ka cheseho, ba lahla sebele sa thapelo, ba hloka mahlahahlaha a boitelo. Merapelo ea bona e fetoha ea baikgetho, le ea boitsšpo. Ba sitoa ho rapella tse hlokoang ke batho, kapa tse phahamisang 'muso oa Krete, ho rapella matla ao ba ka sebetsang ka oona.

[76]

Rea lahlehelo a ka hose hlokomele ditšoanelo tsa ho kopana le ba bang, ho matlafatsana, le ho kgothatsana, e mong le e mong mosebetsing oa Modimo.

Di'nete tsa lentsoe la Hae di lahlehelo a ke tsoso ea matlafatso ea tsona dipelong tsa rona. Dipelo tsa rona di hloke ho bonesetsoa le ho tsosoa ke mosebetsi oa kgalaletso, re fokole moeeng.

Kopanong ea rona re le baKreste, re lahlehelo a haholo ka ho fokolla thatano le babang. Ea ikoallang e le eena, ha a thibe sebaka seo Modimo A neng A mo kgethetse ho se thiba. Taba ea sebele mosebetsing oa dikopano bophelong ba rona, e re hlahisetsa thatano le ba bang, ke ponahalo ea tsoelopele, le matla ho rona mosebetsing oa Modimo.

Ha baKreste ba ne ba ka kopana ha'moho, ba buisana ka tsa lerato la Modimo, le di'nete tsa bohlokoa tsa topollo, dipelo tsa bona di ne di ka nchafala 'me ba ne ba tla nchafatsana.

Ka tsatsi le leng le le leng re ka 'na ra ithuta ka hofitisa tsa Ntat'a rona ea mahodimong, ra 'na ra neoa tsebo e ncha ea mohau oa Hae; 'me ra lakatsa ho buoa tsa lerato la Hae, 'me ka ho etsa tseo pelo tsa rona di tla futhumetsoa di matlafatsoe. 'Me ha re ka buoa, ra hopola Jesu, re ne re tla tlala bo Eena ka hofetisisa. Ha re ne re ka nahana Modimo hangata kamoo re fumanang bopaki ba paballo ea Hae ho rona, re ne re ka 'Moloka kamehla mehopolong ea rona, me re ne re ka nyakallela ho buoa ka Eena, le ho Mo rorisa.

Re buoa ka tsa mehla ea joale, hobane re kgodisoa ke tsona. Re buoa ka metsoalle ea rona, hobane rea e rata, thabo tsa rona mahlomola a rona, di tlamellane le tsona.

Athe re na le tšoanelo e phahameng ea ho rata Modimo ho ena le metsoalle ea rona ea lefatše, 'me taba e kgolo ho motho lefatseng, me ekabe e le ho Mo etsa oa pele mehopolong eohle ea rona, ho buoa ka molemo oa Hae, le ho tsibisa matla a Hae. Matlotlo a leruo ao A re neileng oona, e ne e se ho omeletsa mehopolong ea rona le lerato la rona hore re be re sitoe ho nea Modimo letho; ke tse tšoanetseng ho re hopotsa Eena hangata, le ho re tlama ka ditlamo tsa lerato le tsa thabo ho Mohlohonolofatsi oa rona ea lehodimong.

Re ahile mefidibithing ea lefatše. A re phahamisetseng mahlo a rona monyakong o bulehileng oa kgaledisiso mahodimong, moo [77] lesedi la kganya ea Modimo le kganyang sefahle- hong sa Kreste, e leng ea ka tsebang ho pholosa ka hofetisisa ba tlang ho Modimo ka Eena. (baHeb. 7 : 25.)

Re tšoanetse ho leboha Modimo ka hofetisisa, ka molemo oa Hae, le ka mehlolo ea Hae ho bana ba batho.” (Pes. 107 : 8.)

Mesebetsi ea boitelo ba rona ha ea tšoanela hore e hie e felle ho kopeng le ho amoheleng feela. Re se ke ra 'na ra hopola tseo re di hlokang, leha e le mahlohonolo ao re a amohelang. Ha re rapele ho tlola tekanyo, empa re thata ho leboha. Re ba amohedi ba kamehla ba mehau ea Modimo, leha ho le joalo, teboho e nyenyane hakaka'ng, re Mo rorisa hanyenyane hakaka'ng ka tseo A re etseditseng tsona! Boholoholo Morena Ona A laetse balsraele ha ba phuthehela tšebeletso ea Hae hore: Le tla ja pel'a Jehova Modimo oa lona, 'me le nyakalle ka tsohle tsa matsoho a lona, le ba matlo a lona, 'me

le thabe ka tseo Jehova Modimo oa lona A le hlohonolofatsang ka tsona.” (Deut. 12 : 7.)

Hore tse etsetsoang tlotiiso ea Jehova di etsoe ka ditlatse, le ka dipina tsa teboho, e seng ka masoabi le ka bofifi.

Modimo oa rona ke Ntate ea lereko, mosebetsi oa Hae o se ke oa tadingoa e le o soabisang o hlomodisang. Ho rapela Modimo e tšoanetse ho ba thabo, le ho ba le kabelo mosebetsing oa Hae. Modimo e ke ke eare bana ba Hae bao poloko e kaalo e etseditsoeng bona, A ba etsa joaleka ha eka ke morena oa bona ea thata, ea sa fayeng, oa pallo. Ke motsoalle oa bona ea fetisang; ‘me ha ba Mo rapela, O lebeletse hore a be le bona, ho ba hlohonolofatsa, le ho ba tšedisa, ho tlatsa dipelo tsa bona ka thabo le ka lerato. Morena o rata hore bana ba Hae ba be le matsidiso tšebeletsong ea Hae, ba fumane thabo hofetisa bothata mosebetsing oa Hae, o lakatsa hore ba tiang ho Mo rapela ba tlohe ba ena le maikutloa a bohlokoa a poloko, le lerato la Hae, hore ba nyakalle mesebetsing eohle ea bona ea letsatsi, hore ba be le mohau ho sebetsa ka botšepahi, le ka molemo nthong tsohle.

Re tšoanetse ho phutheha pel’a sefapano sa.

Kreste e leng Eena ea thakgisitsoeng, e tšoanetse hoba Eena lebaka mehopolong ea rona, dipuong, le maikutlong a rona a nyakallo. Re boloke mehopolong ea rona mahlohonolo ohle ao re a amohelang ho Modimo; ‘me ha re kgoloa ke lerato la Hae le leholo, re tšoanetse ho lebella tsohle letsohong le kgokgothetsoeng sefapanong ka baka la rona.

Moea o tla nyolohela haufi le lehodimo ka mapheo a teboho. Modimo O rapeloa ka pina le ka thomo makgotleng a lehodimo, [78] ‘me ha re hlahisa thabo ea rōna eba re phahamela merapelong ea makgotla a lehodimo. “Ea hlahisang pina o rorisa Modimo.” I (Pes. 50 : 23.) A re atameleng pel’a ‘Mopi oa rona ka hlomphe e nang le nyakallo, ka “teboho, le ka lentsoe la nyakallo.” (Esa. 51 : 3.) [79]

12. HO KA ETSOANG KA PELAELO

Bongata, haholo ba sa leng bacha bophelong ba boKreste, hangata ba kgathatsoa ke dipctso tsa dipelaelo. Ho na le ntho tse ngata tseo ba sitoang ho di hlalosa Bibeleng, kapa ho di utloisisa, ‘me Satane a nke taba tsena ho sisinya tumelo ea bona mangolong joaleka ha eka ke tšenolo e tsoang ho Modimo.

Ba botse: “Na eo e leng tsela ke tla e tseba joang? Ha Bibe e le Lentsoe la Modimo ruri, na ke tla lokoloha joang dipelaelong le meferefereng ena?”

Modimo ha A re kope hore re dumele re sa utloisise bopaki ba sebele boo re ka theang tumelo ea rona ho bona.

Ho leng teng ha ‘Ona, tsohle di theiloe hodim’a bopaki bo bonahalang maikutlong a rona; ‘me bopaki boo bo boholo.

Leha ho le joalo, Modimo ha A ka A tlosa tšoanelo ea pelaelo. Tumelo ea rona e tšoanetse ho itšetleha hodim’a bopaki, e seng boiponahatsong; ba ratang pelaelo ba tla le sebaka, athe ba ratang ho tseba ‘nete ba tla fumana bopaki bo bongata boo ba ka theang tumelo ea bona ho bona.

Ho thata ho mehopollo e mekgutšoanyane ho utloisia matla le mosebetsi oa Ea phahameng.

Ho kelello e masene, ho mohopollo o hlalefileng, ka hofetisisa, hlaleho ena e halalelang, eka kgona E ‘ne E apare sephiri. “Na ka ho botsisisa u ka fumana Modimo na? Na u utloisisa botebo ba hoba teng ha Ea matla ohle na? Ke bophahamo bo kang ba lehodimo; u ka etsa’ng? Bo tebile hofeta nqalo ea bafu u ka tseba eng?” (Jobo 11 : 7, 8.)

Moapostola Pauluse oa hooa o re: “Oho! bodiba ba monono le ba bohlale, le ba tsebo ea Modimo! Dikahlolo tsa ‘Ona ha di hlalohangoe hakaka’ng!” (ba-Rom. 11: 33.)

Empa leha maru le lefifi di Mo teetse hare, holoka le kahlolo ke motheo oa terone ea Hae.” (Pes. 97 : 2. R.V.) Ha ho le joalo re ka amohela mosebetsi oo A o etsang ho rona, le mekgoa eo A e

sebeditseng hore re lemohe lerato le se nang ho boleloa, le mohau, tse kopaneng matleng a Modimo.

Re ka utloisisa matla a Hae ka mokgoa o lekaneng ho re hlahisetsa molemo, hofeta moo re ka ‘na ra tšepa letsoho le matla, pelo e tletseng lerato.

Lentsoe la Modimo le tšoana le Mohlodi ea Phahameng oa lona, le utloahatsa diphiri tse senang ho lemohisisoa ke dibu- puoa tse sa phethehang. Ho kena ha sebe lefatšeng, ho apara botho ha Jesu, tsoalo ea bobedi, tsoho, le taba tse ding tse ngata tse tebileng ho ka hlahoseha mehopolong ea ngoan’a motho, leha e le ho di lemohisisa.

[80]

[81]

Empa Modimo O re neile bopaki bo lekaneng Mangolong ba mesebetsi e phahameng ea tsona, ‘me ha re na sebaka sa ho belaela ka lentsoe la Hae ha re sitoa ho utloisisa diphiri tsa paballo ea Hae. Lefatšeng lena re potoa hangata ke diphiri tseo re sitoang ho di lekanya botebo.

Bona bophelo ba boikokobetso ba sebele, bo hlahisa lotho eo mohlalefisisi oa mangolo a se nang matla a ho e hlalosa.

Kahohle ho na le dimakatso tse fetang kelello ea rona. ‘Me na re ka makala ha re ka fumana hore le lefatšeng la meea ho na le diphiri tseo re sitoang ho di lekanya botebo na? Bothata bo phokolong, le patisanong ea mehopolo ea ngoan’a motho feela.

Moapostola Petrose o re, mangolong “ho na le tse thata ho utloisisoa, tseo ba sa rutehang le matetema ba di sokamisetsa tahlehong ea bona.” (2 Pet. 3 : 16.)

Ntho tsena ke tseo babelaedidi ba ileng ba itšoarella ka tsona ho tsekisana le Bible; empa he, ka tsona tsena, ba bonahatsa bopaki bo matla ho pakela Mong a eona. Hoja ha e bolele tsa Modimo, ha ese tseo re di utloisisang ka bonolo; hojane boholo le bophiri ba Hae di ne di ka utloisisoa ke mehopolo e mekgutšoanyane, e ne e tla ba Bible ha e na ditokelo tse se nang phoso tsa matla a Modimo. Bona boholo boo, le bophiri, ba ditaba tse boletsoeng, di ne di tšoanetse ho hlahisa tumelo ho tsona kaha e le lentsoe la Modimo.

Bible e phuthulla ‘nete ka bonolo le ka tšoanelo e phethehileng, ho hlokeng le hlolohelong ea pelo ea ngoan’a motho, e kileng ea makatsa le ho thabisa mehopolo e phahameng haholo, athe ho ba tlase le ba sa rutoang, e ba nea ho utloisisa tsela ea poloko. Leha ho le joalo, di’nete tsena tse hlalositsoeng ka bonolo hakaalo, di tšoere ditaba tse tebileng, tse lokileng, tse phahametseng matla a

kgopolo ea ngoan'a motho, re ka di amohela feela hobane Modimo o di senotse.

[82] Ka hoo morero oa poloko o hlalositsoe ho rona, hore moea omong le omong o bone mohlala oo o tšoanetseng ho ea ka oona ha o sokolohela ho Modimo, le tumelo ho Morena oa rona Jesu Kreste, hore re tie re bolokehe kamoo Modimo O kgethileng kateng; leha ho le joalo, di'neteng tsena tse utloahalang hantle hakaalo, ho na le botšabeho, e leng ho pateha ha kganya ea Hae botšabeho bo hlolang mohopolo nahanong ea oona, athe ke bona bo kgantšetsang ea batlang 'nete ka lerato, ka hlomphe, le ka tumelo. Ha a ntse a fuputsa Biblele O ntse a kgodisisoa hoba ke lentsoe la Modimo O phelang, 'me tšoanelo ea ngoan'a motho ebe ho inama pel'a hlompheho ea tšenolo ea Ea phahameng.

Ho bolela hoba ha re na kutloisiso ea di'nete tse kgolo tsa Biblele, e se e le ho kgoloa hoba mehopolooana e mekgutsoanyane ha e lekane ho amohela tse phahameng, le hore motho ka tsebo e sa phethehang ea hae a ke ke a utloisisa merero ea Motseba tsohle.

Hobane ba ke ke ba utloisisa diphiri tsa eona tsohle, 'melaedi le mokoenihi, ba nyefola lentsoe la Modimo; 'me ha se bohle ba dumelang Biblele ba seng tsietsing tabeng ena, Moapostola o re: "Iponeleng banab'eso, esebe emong ho lona a ka ba le pelo e mpe ea hosedumele, e mo lahlisang Modimo O utloang.:" (baHeb. 3:2.)

Ho nahantšisa le ho batlisisa ditaba tsa Biblele ho lokile, le ho batlisisa "tse tebileng tsa Modimo." (1 baKor. 2 : 10.) Ka moo di senotsoeng kateng. Ha e le diphiri ke tsa Morena Modimo oa rona." (Deut. 29 : 29.) Empa mosebetsi oa Satane ke ho sokanya mehopolo ea motho ea batlisisang ditaba.

Ho na le boikgohomoso be kopaneng le di'nete tsa Biblele, kahoo batho ba ikutloela bohloko, ha ba sitoa ho hlalosa dikarolo tsohle tsa mangolo ka mokgoa o ka ba kgodisang.

Ba ikutloa botlase hampe, ha ba sitoa ho utloisisa mantsoe a buduletsoeng. Ha ba rate ho lebella ka sebete, ho fihlela Modimo A bona tšoanelo ho ba senolela 'nete.

Ba ikutloa hoba matla a bona a fokolang, a bohlale ba botho, A lekane ho ba nea kutloisiso ea Mangolo, 'me ha ba sitoa ho fumana, tseo, ba iphe matla ho latola matla a eona.

Ke 'nete hore dihlahoso tse ngata, le dithuto tseo batho ba kgoloang hore di tsoa Bibeleng, ha di na motheo dithutong tsa eona, 'me di fapane ruri le eo e leng motheo oa pudulelo.

Ntho tsena ebile lebaka la dipelaelo le pherekano mehopolong e mengata.

Leha ho le joalo, ha di na ho belaelloa lentsoeng la Modimo, empa ke kamoo di fetotsoeng ke motho.

Hoja e ne e le ntho e ka etsoang hore ntho tse bopiloeng di fumane kutloisiso e phethehileng ea Modimo, le mosebetsi oa Hae, ha ba ne ba fihletse hoo, ho no ho ke ke ha hlola ho eba 'nete eo ba ka hlolang ba e fumana, kapa ho hola tsebong, leha e le tsoelopele ea mehopolo, kapa pelo.

[83]

Modimo O no O ke ke oa hlola o eba le bophahamo; 'me motho ka hore o se a fihletse phetheho, le tsebo e phethehileng, o n'a tla lesa ho tsoela pele.

A re leboheng Modimo, hobane ho se joalo. Modimo O Moholo: ho Eena ho na le matlotlo 'ohle a bohlae, a tsebo.'" (baKol. 2:3.)

'Me ho ea ho ile eka kgona batho ba 'ne ba batle, ba 'ne ba ithute, leha ho le joalo, ba sa fokotse matlotlo a bohlae ba Hae, a molemo oa Hae, le matla a Hae.

Modimo O rata hore bophelong bona di'nete tsa lentsoe la Hae, e n'e sale dikoaholotsoe ho sechaba sa Hae. Ho na le mokgoa o le mong oo di 'nete tsena di ka dumanoang ka oona. Re ka fihlela kutloisiso ea lentsoe la Modimo ka ponasetso ea moea oo Modimo A neng A le nee ka oona feela.

"Taba tsa Modimo ha ho motho ea di tse bang, ha e se Moea oa Modimo," "hobane Moea o batlisisa tsohle, e, le tsa Modimo tse tebileng." (1 baKor. 2 : 11, 10.) 'Me pallo ea 'Moloki ho balatedi ba Hae, ebile ena: "Etlare hobane Eo A tie, e leng Moea oa 'nete, O tla le tsamaisa 'neteng eohle hobane O tla nka tsa ka, 'me O tla le bontša tsona." (Johanne 16 : 13, 14.)

Modimo O rata hore motho a sebedise matla a mehopolo ea hae; 'me nahano ea Bible e tla matlafatsa, e lokise mehopolo hofetisa dithuto tsohle. Le teng re tsoanetse ho iponela dinthong tseo re di tšepileng, tse ka kenyang mefakolo, le tsiapo ea botho.

Ha mangolo a ne a ke ke a re thatafalla hore re be re sitoe ho utloisisa le tse bonolo hakaalo, re ne re tsoanetse ho ba le bonolo le

tumelo ea ngoana e mo nyenyane, re lokele ho ithuta, ‘me re kope thuso ea Moea o Halalelang.

Maikutlo a matla, le bohlae ba Modimo, le a ho hloka matla ho rona, ho amohela boholo ba Hae, a tšoanetse ho re tlatsa ka baikokobetso, ‘me re tšoanetse ho phetla lentsoe la Hae joaleka ha e ka re hlaha pel’a sefahleho sa Hae, ka ho itiha ho halalelang.

Ha re fihla Bibeleng mehopolo e tšoanetse ho kgoloa ke matla a phahameng ho e feta, ‘me pelo le maikutlo di iname pel’a boholo ba EO e leng EEna.

[84] Ho na le ntho tse ngata tse bonahalang di le thata, kapa disa utloisisoe, tseo Modimo A tla di hlalosa, A di etse bonolo ho ba batlang kutloisiso ea tsona. Empa kante ho thuso ea Moea o halalelang, re tla ‘ne re sokanye mangolo le ho a hlalosa ka phoso. Hangata Bibe e baloa ka mokgoa o se nang thuso, me hangata ho be ho hlahise kotsi. Ha lentsoe la Modimo le phetliloe ho se hlonepho, ho se thapelo; ha mehopolo le maikutlo di sa ka tsa beoa ho Modimo, kapa kopanong le thato ea Hae, mehopolo e kgurumetsoa ke pelaelo, ‘Me ho nahaneng ha Bibe, pelaelo e ipha matla.

Sera se hapa mehopolo, ‘me se hlahise dikeletso tsa thuto tse sa lokang.

Ha batho ba sa etse hore ba kopane le Modimo ka lentsoe, le ka ketso, leha ekaba ba rutehileng joang le joang ba ntse ba tšoanetse ho lahleha kutlong ea Lengolo, ‘me ha ho na thuso ho mamela hlaloso tsa bona. Ba tadimang Bibeleng ho fumana ho se tšoane, ha ba na kelello ea moea. Ka pono e kgelohileng ba tla fumana tse ngata tse ba belaetsang, le ho se rumele nthong tse bonolo tse utloa’l’ang ka sebele.

Leha ba ka di phethola kamoo ba ka ratang, ha e le lebaka la ‘nete la dipelaelo tabeng tse ngata, ke lerato la sebe.

Dithuto le ho ema ha lentsoe la Modimo ha di amohelhe pelong e ikgohomolang, e ratang sebe, ‘me ba hanang ho utloa thato tsa lona, ba itokiseditse ho belaela ka matla a lona.

Ha re tla fihla ‘neteng, re tšoanetse ho ba le takatso ea sebele ea ho tseba ‘nete, le takatso ea pelo ea ho e utloa.

’Me bohle ba tlang nahanong ea Bibe ka moea o joalo, ba tla fumana bopaki bo bongata ba hore ke lentsoe la Modimo, ‘me ba tla ruoa kutloisiso ea di ‘nete tsa eona e tla ba nea hlalefo ea polokeho.

Kreste O itse: “Ekare ha motho a rata ho etsa thato ea Hae, o tla tseba thuto ea Hae.” (Johanne 7 : 17, R.V.)

Bakeng sa ho arabisana, le ho ngangisana bakeng sa tseo le sa di utloisiseng, hlokomelang lesedi le kganya ho lona, ‘me le tla amohela kganya e kgoio, ka mohau oa Kreste, phethang ditšoanelo tse seng di hlalositsoe kelellong ea lona, le tla neoa matla a ho utloisisa le ho phetha tse le belaelang ka tsona joale.

Ho na le bopaki bo leseding ho bohle—ba rutiloeng ka ho fetisisa, le ba sa rutoang—bopaki ba kelello. Modimo O re mema hore re leke e le rona di’nete tsa lentsoe la Hae bo’nete ba dipallo tsa Hae. O re kopa O re: “Latsoang ‘me le bone hoba Jehova O molemo.” (Pes. 34 : 8.)

Bakeng sa ho tšepa lentsoe la emong, re tšoanetse ho itekela e le rona.

O hlalosa O re: Kopang ‘me le tla fuoa.’ (Johanne 16 : 24.) Dipallo tsa Hae di tla phethoa. Ha di ke be di fetohela lefeela; di ka sitoa ho fetoha lefeela. ‘Me ha re atamela ho Jesu, ‘me re thaba ke botlalo ba lerato la Hae, dipelaelo tsa rona le lefifi, di tla nyamela leseding la sefahleho sa Hae.

[85]

Moapostola Pauluse o re: “Modimo O re lopolotse matleng a lefifi, ‘me A re fetolela ‘musong oa Mor’a Hae oa bohlokoa.’” (baKol. 1 : 13.) “Me e mong le e mong ea tlohileng lefung ho kena bophelong o na le matla ho tiisa ka letšoao la hae hore Modimo ke oa ‘nete.’” A ka paka, a re: Ke ne ke hloka thuso, ‘me ke e fumane ho Jesu. Takatso eohle e phethiloe, ho lapa ha moea oa ka ho kgorisitsoe; ‘me joale ho ‘na Bibeke ke tšenolo ea Jesu Kreste.

Ke hobane Jesu e le Mopholosi oa ka. Ke dumetse Bibeke ka baka la’ng? Ke hobane ke e fumane e le lentsoe la Modimo moeng oa Ka.” Re ka ba le bopaki ka ho rona hore Bibeke ke ‘nete, hore Kreste ke Mor’a Modimo. Kea tseba hore ha re latele ditšomo tse qapiloeng ka masene.

Petrose o kgothatsa banab’abo “holang mohaung, le tsebong ea Morena oa rona, le Moloki oa rona Jesu Kreste.” (2 Pet. 3 : 18.)

Chaba sa Modimo ha se hola mohaung, se tla ‘ne se fumane kutloisiso e hloekileng ea lentsoe la Hae; ba tla bontšisa lesedi le lecha, le bokgabane di ‘neteng tsa sephiri sa lona.

Tsena e ‘nile ea eba ‘nete tabeng tsa kereke melokong eohle, ‘me ho tla ‘ne ho be joalo ho isa qetellong. “Tsela ea ba lokileng e

joaleka lesedi la hosasa le ntseng le eketseha ho fihlela motšoare.” (diProv. 4 : 18, R.V. Tadima hlaloso.)

Ka tumelo re tadima ho tse tlang, ‘me re tšoara pallo ea Modimo hore e be kgodiso ea rona, ha tšebetso ea ngoan’a motho e kopane le Modimo, ‘me matla ‘ohle a moea e tla ba a kopantsoe hantle le mohlodi oa lesedi. A re thabeng, hoba tsohle tse neng di re tsietsa paballong ea Modimo di tla hlaloso; tse thata ho utloisisoa di tla fumana hlaloso; ‘me moo mehopolo ea rona e haelloang e fumaneng pherekano le merero e maharaso, re tla bona kopano e ntle e hloekileng.

“Joale re bonela leroothong ka seipone; empa mohlang oo—re tla senola difahleho di tadimane, joale ke tseba ka nqa e le ngoe feela: mohlang oo ke tla tseba joaleka ha ke tsejoa.” (1 baKor. 13 :

[86] 12.)

13. HO THABELA MORENA

Bana ba Modimo ba bileditsoe ho ba setšoantšo sa Krete, ho bontša molemo le mohau oa Morena.

Joaleka ha Jesu A re bontšitse mosebetsi oa Ntate, le rona re tšoanetse ho bonahatsa Krete ho lefatše le sa tsebeng lerato la Hae, le lereko.

Joaleka ha U nthomile lefatšeng,” ho rialo Jesu, “le ‘na ke ba romile lefatšeng.

“Na ke be ho bona, Ueuna U be ho ‘Na, ... hore lefatše le tie le tseba hoba U Nthomile.” (Johanne 17 : 18, 23.) Moapostola Pauluse o re ho barutuoa, ha a bolela Jesu; Lea bonahala hoba le lengolo la Krete,” le tsejoang, le baloang ke batho.” (baKor. 3:3, 2.) Jesu O romela ka ngoana e mong le e mong oa Hae lengolo ho lefatše, ha u le molatedi oa Krete, O romela lengolo ka uena ho bana ba ntlo, ho motse, ditseleng, le moo u ahileng.

Jesu ha A ahile ka ho uena O lakatsa ho buoa ka uena dipelong tsa ba sa tloaelanang le Eena. Mohlomong ha ba bale Bibe. Kapa ha ba utloe lentsoe le buoang le bona maqepheng a eona; ha ba bone lerato la Modimo mesebetsing ea Hae. Empa ha le le ditšoantšo tsa ‘nete tsa Jesu, ka lona ba utloa ho hong ha molemo oa Hae, ‘me ba dula leratong la Hae, ba Mo sebeletsa.

BaKrete ba beiloe ho ba batšoari ba lesedi tseleng ea lehodimo, ba tšoanetse ho phatsimisetsa lefatše lesedi le ho bona, le tsoang ho Krete. Bophelo ba bona, le mekgoa ea bona, e tšoanetse ho ba eo ka eona ba bang ba ka bang le setšoantšo sa sebele sa Krete le mosebetsi oa Hae.

Ha re ka tšoana le Krete, re tla etsa hore mosebetsi oa Hae ka rōna o bonahale, o kgahlehe, kamo e leng sebopeho sa oona.

BaKrete ba bokellang lefifi le masoabi meeng ea bona, le ho dumaduma, ba nea ba bang setšoantšo seo e seng sa Modimo, le bophelo boo e seng ba boKrete.

Ba bonahatsa ho batho hore, Modimo ha O rate hore bana ba 'Ona ba thabe; ka hoo ba pakela Ntat'a rona ea mahodimong ka leshano.

[87] Satane oa thaba ha a bona hore o kgelosa bana ba Modimo ho ba isa hosedumeleng, le ho hloka tšepo. O thabisoa ke ha a bona re sa tšepe Modimo, re belaela ka thato ea Hae, le matla a ho re pholosa. O rata hore re utloe hoba Morena O tla re hlhisetsa kotsi ka di paballo tsa Hae. Ke mosebetsi oa Satane hore a bonahatse eka Morena oa fokola mohaung le lerekong. O fosisa 'nete e maloka le Modimo. O tlatsa mehopolo ka menahano ea bohata bakeng sa Modimo; 'me bakeng sa ho. ema 'neteng ka tsa Ntat'a rona ea mahodimong, hangata re emisa mehopolo ea rona hodim'a dikgeloso tsa Satane, 'me re hlompholle Modimo ka hose Mo tšepe, 'me re [88] belaele ka Eena.

14. KRESTE TSELA EA BOPHELO

Mahlabelo a hlahisitsoeng ke baprista e ne e le diriti tsa thakgiso ea Messia ea neng A tla tla: Empa ka koano ho sefapano re na le kolobetso le selallo sa Morena ho re hopotsa hore Kreste O re shoetse ‘me O tsohile hape.

Satane ha esale, O tsomile ho etsa bophelo ba tumelo bophelo ba lefifi. O rata hore bo bonahale bo le thata, bo kgathatsa; ‘me ha moKreste a bonahatsa bophelo bo joalo, ke ka hose dumele ha hae; eba o tiisa bohata ba Satane. Ba bangata ba tsamaea tseleng ea bophelo, ba tadima diphoso tsa bona, le ho hloloa, le ho tsieleha ha bona ‘me dipelo tsa bona di tlale masoabi le ho nyahama. Ha ke ne ke le Europa kgaitsemi engoe e ne e etsa joalo, me a le tsietsing e kgolo, a ngolla, a kopa lentsoe la kgothatso. Kamora’ hoba ke bale lengolo la hae, ka lora ke le ka tšimong, ‘me eo e neng e ka ke mong a tšimo o na a ntsamaisa ka tsela tsa eona.

Ke n’e ntse ke ekga dipalesa, ‘me ke thabisoa ke menko ea tsona, ha kgaitsemi eo ea neng a tsamaea lehlakoreng la ka a mpontša makatikati a sa tsebisahaleng a neng a thibela tsela ea hae. Ebile moo. a llang, a soabile. O na a sa tsamae ka tsela ho latela ea mo tsamaisang, empa o na tsamaea har’a tšehlo le meutloa, a meketsa a re: “Oho na ho soabisa hakaka’ng ha tšimo e ntle ee e senyehile ke meutloa?”

Joale motsamaisi a re: “Tlohela meutloa hobane e tla u hlaba. Kga dipalesa, dikgahla le merokoana.”

Na ha hoa ka ha eba dipontso tse kganyang temohong ea hao na? Ha ke re u bile le dinako tsa bohlokoa ha pelo ea hao e ne e futhisoa ke thabo karabong ea Moea oa Modimo na? Ha u reteleha, ho tadima ditema tsa temoho ea bophelo ba hao, na ha u fumane temana tse ding tse thabisang na? Na dipallo tsa Modimo ha di tšoane le dipalesa tse menkoane, tse metseng mathokong a tsela ka nqa tsohle n’a? Na ha u rate ha bokgabane ba tsona le monate oa tsona di tlatsa pelo ea hao ka thabo na? Tšehlo le meutloa di tla u hlaba, di ho utloise bohloko feela; ha u bokella tsena feela, ‘me u di

bontša ba bang, na ha u sitise ba u teetseng hare ho tsamaea tseleng ea bophelo, kante ho ho nyedisa molemo oa Modimo e le uena na?

[89] Ha se bohlae ho ‘na u bokella hammoho mehopolo e mebe ea bophelo bo fetileng—makgopo a bona le masoabi a bona— ho ‘na re buoa ka tsona le ho dumaduma ka tsona, ho fihlela re ba re kgurumetsoa ke masoabi. Moea o se nang tšepo o tletse lefifi, o ikoaletse lesedi la Modimo, ‘me o akgela moriti tseleng ea ba bang. A re leboheng Modimo ka dipontšo tse kganyang tseo A re fileng tsona. A re bokelleng ha ‘moho ditšepiso tsa mahlohonolo, tsa lerato la Hae, hore re ‘ne re di tadime kamehla.

Mor’a Modimo ha a tlohela terone ea Ntat’ae, A apesa boModimo ba Hae ka botho, ebile hore A pholose motho matleng a Satane, ‘me thabo ea Hae bakeng sa rona e bulela batho lehodimo, ho senola ponong ea bona nqalo eo Modimo O dutseng ho eona, moo boModimo bo bonahatsang kganya ea bona; ho phahamisa mofuta o oeleng tebetebeng ea tšenyeho, moo o nong o tebisitsoe ke sebe, hore ba boele ba kopane le Modimo; ‘me ha ba se ba latsoitse boModimo ka tumelo ho Molopolli oa rona, ba apesitsoe holoka ha Krete, ba phahamiseditsoe teroneng ea Hae — tsena ke ditšoantšo tseo Modimo o ratang hore re di lemohe.

Ha ho le joaleka ha eka re belaela ka lerato la Modimo, ‘me re sa tšepe dipallo tsa Hae, rea Mo hlompholla, me re soabisa Moea oa Hae o Halalelang. Na ntat’a bana a ka ikutloa joang, ha bana ba hae ba ntse ba belaela ka eena, joaleka ha eka ha a ba rate, athe matla ‘ohle a bophelo ba hae, ebile ho ntšetsa molemo oa bona pele, le hore ba phele hantle? Kapa ha ba belaela ka lerato la hae; hoo ho ka senya pelo ea hae.

Motsoadi ofe le ofe na a ka ikutloa joang ha bana ba hae ba ka mo etsa joalo? Me Ntat’a rona ea mahodimong A ka re tadima joang ha re sa tšepe lerato la Hae, le entseng hore A neele Mora oa Hae oa bohlokoa hore re be le bophelo? Moapostola ha a ngola o re! Eena ea sa kang A qenehela Mora oa Hae A mpa A Mo tella rona bohle, na A ke ke A re nea ntho tsohle ha’ moho le Eena na?” (baRom. 8 : 32.) ‘Me ba bangata hakaka’ng bao ka diketso tsa bona kapa ka lentsoe lefe le lefe la pelaelo leo le le hlahisang le mema meleko ea Satane; ‘me e matlafatsa ka ho lona kgopolo ea pelaelo, ‘me e soabisa mangeloi a tšebeletso.

Ha Satane a le leka le se ke la ba la hlahisa lentsoe la pelaelo, kapa lefifi. Ha le bolela dikeletso tsa hae monyako, mehopolo ea lona e tla tlatsoa tsa hose tšepe, le tsa dipelaelo tsa bokoenehi. Ha le hlahisa maikutlo a lona, pelaelo efe le efe eo le e hlahisang ha e sebetse ho lona feela, empa ke peo e tla fuputsa, e beele bophelo ba ba bang ditholoana ‘me ho ka ba thata ho thibela tšebetso ea mantsoe a lona. Uena ka sebele sa hao, mohlomong u ka tseba ho phonyoha nakong ea moleko, le lerabeng la Satane; empa ba bang, ba ileng ba tsokotsoa ke mekgoa ea hao, ba tla sitoa ho phonyoha hose dumeleng hoo u ho hlahisitseng. [90]

Ho molemo hakaka’ng ha re buoa ntho tse ka re neang matla a moea le bophelo feela! Mangeloi a mametse ho utloa hore na boqosa boo le bo hlahisang ho lefatše ba Mong a lona ke bofe, Meqoqo ea lona e be ka Eena ea phetseng ho le etsetsa poelano pela Ntate.

Ha u tšoare letsoho la motsoalle, thoriso ho Modimo e ke e be molomong oa hao, le pelong ea hao. Hoo ho tla hulela mehopolo ea hae ho Jesu.

Bohle ba na le meleko; mahlomola a boima, meleko e thata ho hloloa. Ha u na ho bolela ditsietsi tsa hao ho metsoalle ea hao ea nama, empa isa tsohle ho Modimo ka thapelo u iketsetse molao hore u se ke oa bulela lentsoe pelaelo leha le le leng, kapa le ka fokodisang. Ho hongata hoo u ka ho etsang ha hlakisa bophelo ba ba bang, ‘me oa matlafatsa diketso tsa bona ka mantsoe a tšepo le thabo e halalelang.

Ho na le meea a mengata e bohale, e hateletsoeng habohloko ke meleko, e seng e batla ho shoa, ke ho thulana e le eona le oona matla a bobbe. U se ke oa fokodisa ea joalo ntoeng ea hae e thata. Mo thabise ka mantsoe a bonatla, le a tšepo, a ka mo kgothatsang tseleng ea hae. Ka mokgoa oo lesedi la Krete le tsoang ho uena le tla bonahala. “Ha ho le a mong ho rona ea iphelelang.” (baRoma 14 : 7.) Ka mesebetsi ea rona eo re sa e lemoheng, ba bang ba kgothahala, ba matlafala, kapa ba ka fokola, kapa ba koenehela Krete le ‘nete. Ho na le ba bangata ba nang le mehopolo e kgelohaneng le ea bophelo, le mesebetsi oa Krete. Ba lekanya hore, O na A le feela, A se na mofuthumala o kang oa letsatsi, le hore o n’ a le thata, A le sehloho, A se na thabo.

Tabeng tse ngata kelello ea bodumedi e ba le matheba ke mehopolo ena e lefifi.

Hangata ho thoe, Jesu O kile A 11a, empa ha ho tsejoe le ho bonya a kile a bonya. Ka sebele Moloki oa rona e ne e le Motho oa mahlomola, A tsebana le mahlomola; hobane O na buletse pelo ea Hae boima bohle ba batho. Leha bophelo ba Hae e ne e le ba boitelo, 'me bo koahetsoe ke bohloko le bothata, moea oa Hae o no o sa senyeha. Sefahleho sa Hae se ne se sa kgurumala ponahalo ea masoabi le pelaelo, empa e ne e le Ea tletseng kgotso le molemo.

[91] Pelo ea Hae e ne e le sediba sa bophelo; 'me hohle moo A neno A eea o na A isa phomolo, kgotso, nyakallo le thabo.

Moloki oa rona O na A le 'neteng e tebileng, le mafolofolong a maholo, empa A bile A se na hlonamo le kgalefo. Bophelo ba ba Mo etsisang bo tla tlala merero e mafolofolo; ba tla ba le mehopollo e tebileng ea boikarabelo. Teboho e tla suthisoa; ho ke ke ha eba bokaako le thabo ea mesoaso e mebe; empa tumelo ho Jesu e nea kgotso, joaleka nōka. Ha e time lebone la thabo, ha e thibele thabo; leha e le ho fifatsa sefahleho se edileng. Krete ha A tlela ho sebeletsoa, empa e le ho sebeletsa; 'me ha lerato la Hae le busa pelo, re tla latela mehlala ea Hae.

Ha re ka boloka mehopolong ea rona tsa ho hloka mohau, le tsa hoseloke ha ba bang, le diketso tsa bona tse sa lokang, re tla fumana ho le thata ho ba rata joaleka ha Krete A re ratile; empa ha mehopollo ea rona e eme hodim'a lerato le makatsang, le mohau oa Krete bakeng sa rona moea oona oo o tla phallela ho ba bang. Re tšoanetse ho ratana, le ho hlonephana, leha re ka ba le diphoso, le hoseloke, tseo re ke keng ra lesa ho di bona. Boikokobetso le ho se itšepe, di tšoanetse ho bonahala, le mamello e sebete melatong ea ba bang. Tsena di tla bolaea bokgonatha ba boitšepo, me di re nee pelo e matla e mosa. Mopesaleme o re: "Tšepa Jehova, 'me u etse molemo; ka hoo u tla aha lefatšeng, 'me ruri u tla fepuoa." (Pes. 37 : 3.)

"Tšepa Jehova." Tsatsi ka leng le na le tsietsi tsa lona, ditlhokomelo tsa lona, le meferefere ea lona; 'me ha re teana re atisa hakaka'ng ho buoa ka tsa bothata ba rona le meleko.

Ka hoo matšoenyeho a itlhahisang a ikakgela, le ditšabo tse ngata di dumelloe ho kena, ho hlahisoa le boima ba ditaka tso, joaleka ha eka ha re na 'Moloki ea mohau, ea lerato, ea itokisitseng ho utloa dikopo tsohle tsa rona le ho ba thuso ea rona e haufi nakong eo re e hlokang.

Ba bang ba ‘ne ba ba tšabong ‘me ba ikguele dikgathatso. Kamehla ba teetsoe hare ke dipontšo tsa lerato la Modimo; ba thabisoa kamehla ke ditokoloho tsa paballo ea Hae; empa ha ba iphaphanya le mahlohonolo a mehleng ena. Mehopolo ea bona e ntse e itšoaretse hodim’ a ntho engoe e sa lokang eo ba tsabang hore e ka ba tlela, kapa ho ntse ho setse bothata bo bong ruri, boo leha bo le bonyenyane bo fofatsang mahlo a bona nthong tse ngata tse ka tlatsang thabo. Bakeng sa ho isa bothata boo ba teanang le bona ho Modimo, e leng mohlodi oa thuso ea bona, ba itlose ho Eena, hobane di ba tsosetsa hlorehlo le pelaelo.

Na re etsa hantle ka hosedumele ho joalo? Na ke ka baka la’ng ha re hloka teboho, le tšepo? Jesu ke motsoalle oa rona, lehodimo lohle le thabisoa ke ha re phela hantle. A re se keng ra dumella meferefere ea tsatsi le leng le le leng, le dikgathatso tsa bophelo ho ferekanya mehopololo ea rona, le ho re fifatsa difahleho. Ha re ka etsa joalo, re tla ‘ne re be le ho hong ho re halefisang, ho re kgathatsang.

[92]

Ha rea tšoanela ho amohela thato ena e re kgathatsang, le ho re tšoenya feela, empa e sa re thuse ho jara matšoenyeho. Leha le ka ba moferefereng oa mosetbetsi, tseo le di lebeletseng di ka ea di ntse di fifala, ‘me la hlaheloa ke tšenyehelo; se felloeng ke tšepo; lahlelang pelaelo ea lona ho Modimo, ‘me le kgutse le thabile. Kopang bohlae ba ho sebedisa mesebetsi ea lona ka masene, hoo ho tla thibela tšenyeho le tsietsi.

Ha e le lona etsang ka matla ho itlhahisetsa mesebetsi ea mohau.

Jesu O tšepisitse thuso ea Hae, empa eseng ho di arola tšebeletsong ea rona Ha le tšepile Mothusi oa lena, le entse hohle hoo le ka ho etsang, amohelang tholoana tsa teng ka ditlatse. Ha se thato ea Modimo hore chaba sa Hae se imetsoe ka dipelaelo.

Empa Morena oa rona ha A re dihele. Ha A re ho rona: “Se tšabeng; ha ho ditsietsi tseleng, ea lona.” Oa tseba hoba matšoenyeho a teng, le tsietsi, ‘me O sebedisana le rona ka hlaloso.

Ha A re O tla ntša sechaba sa Hae lefatšeng la sebe le la bokgopo.

Empa O ba bontša qhobosheane e sa hloloeng. Merapello ea Hae ho barutuo ba Hae ebile hore: “Ha ke ba rapelle hore U ba tlose lefatšeng, empa e le hore U ba tlose bobeng. Le tla ba le mahlomola lefatšeng empa le bete pelo ke hlotse lefatše.” (Johanne 17 : 15; 16 : 33.)

Thutong ea Hae ea thabeng, Kreste A ruta barutuo ba Hae thuto ea bohlokoa bakeng sa ho tšepa Modimo.

Dithuto tsena di ne di kgethetsoe ho kgothatsa bana ba Modimo melokong le meloko, ho tlisa mehleng ena ea rona, ditlatse ditemoso le matšediso.

’Moloki O supisitse balatedi ba Hae dinonyana tsa lehodimo ha di ntse di letsa melodi ea tsona ea thabo le teboho, di sa itšitise ka kgopolo ea ho nahana. Hobane “ha di jale, leha e le ho kotula.” Athe leha ho le joalo Ntate e moholo Oa di hlokomela. ‘Moloki oa botsa, O re: “Na ha le di fetise haholo na?” (Matth. 6 : 26.) Mofani E moholo oa motho le di phoofolo O fupuruolla letsoho la Hae, ‘me O fa dibopuo ba Hae tsohle.

[93] Dinonyana tsa lehodimo ha di katlase ho tsebo ea Hae. Ha A akgele dijo kahanong ho tsona feela, empa O lokisetsa ho hloka ha tsona dijo. Di tšoanetse ho thonaka hlaku tseo A di haseditseng tsona.

Di tšoanetse ho ipatlela mesebetsi ea dihlahana tsa tsona. Di tšoanetse ho fepa madinyane a tsona. Di ikela di ntse di bina mosebetsing oa tsona, hobane,

“Ntat’ a lona ea mahodimong oa di fepa.” Na ha le di fetise haholo na?” Ha ke re lona le barapedi ba moea, ba fetisang dinonyana tsa lehodimo ka molemo na ?

Na Moloki oa rona, ‘Maballi oa bophelo ba rona. Ea re bopileng ka setšoantšo sa bo-Modimo ba Hae. A ke ke A re sitsa ka tseo re di hloka feela ha re Mo tšepa na? Kreste O supisitse barutuo ba Hae dipalesa tsa naha, tse melang ka ho teteana le ka ho benya ha mefuta, hoo di ho neiloang ke Ntate ea Mahodimong, e le lentsoe la lerato la Hae ho motho. O itse: “Lemohang dikgahla tsa naha, kamoo di melang.”

Botle, le tlotleho ea dipalesa tsena tsa lefatše di felisa tlotleho ea Salomone.

Botlehadi bo fetisang ba diaparo bo hlahisitsoeng ke bohlahle ba motho, ha bo na ho bapisoa le manyedinyedi a hlaho, le kganya e ntle ea dipalesa tsa popo ea Bo-Modimo.

Jesu oa botsa, O re: “Ha Modimo O apesa joalo joang ba naha, bo bang kajeno, ‘me hosasa bo se bo akgeloa seboping, na haholo A ke ke A apesa lona batho ba tumelonyana. (Matth. 6 : 28, 30.) Na ha Modimo Mohlahlefi, ea phahameng A nea dipalesa tse kgabileng ‘me

di timelang tsatsi le le leng ho feta ha tsona, le mebalabala ea tsona, na O tla hlokomela hofetisa hakaka'ng ba bopiloeng ka setšoantšo sa Hae!

Thuto ena ea Krete ke kgalemelo ho mohopolo o lakatsang, o ferekanang le ho belaela ha pelo e se nang tumelo.

Morena A ka rata hore bara ba Hae le baradi ba Hae, ba be le thabo, kgotso le boikokobetso, Jesu O re: “Ke le nea kgotso ea ka, ha ke le nee kamoo lefatše le neang kateng. Pelo tsa lona di se ferekane kapa ho tšaba.” Ke le boletse taba tseo, hore thabo ea ka e dule ho lona, ‘me thabo ea lona e tlale.’ (Johanne 14 : 27; 15 : 11.) Thabo e batloang mekgoeng ea boithato, kantle ho tsela ea tšoanelo, e lekantsoe hampe, e na le tšenyeho le ho fetofetoha; ‘me e ea feta, ‘me moea o tlale bodutu le masoabi; empa mosebetsing oa Modimo ho na le thabo le kgotso; MoKreste ha a tloheloe hore a tsamaee tseleng tse akangoang; ha a tloheloe masoabing le dipelaelong tsa lefeela.

Ha re se na thabo ea lefatše lena, a re nyakalleleng ho tadima bophelong bo tlang. Empa esita le mona, baKreste ba ka ba le thabo ea kopano le Krete; ba ka ba le kganya ea lerato la Hae, tšediso ea kamehla ea sefahleho sa Hae. [94]

Bohato bo bong le bo bong bophelong bona, bo re atametsa haufi le Jesu, bo ka re nea tsebo e tebileng ka hofetisisa, ea lerato la Hae, ‘me bo ka re atametsa haufiufi hofetisa lehaeeng la lehlohonolo la kgotso. A re se lahleng he tšepo ea rona, re mpe re be le tšepo e tiileng hofeta mehla. “Modimo O re thusitse ho fihlela mona.” (1 Sam. 7 : 12.) ‘Me O tla re thusa ho isa qetellong. A re tadimeng sefikeng sa ditsiea, dikgopotso tsa seo Morena A re etseditseng sona, ho re tšedisa le ho re pholosa letsohong la mosenyi.

A re bolokeng mehopolong ea rona mehau eohle ea lereko eo Modimo O re bontšitseng eona — meokgo eo A e hlakotseng, mahloko ao A a kokobeditseng, ditakatso tsa tlosoa, ditšabo tsa lelekoa, dithato tsa phethoa, mahlohonolo a neoa, ka hoo a re ipheng matla ka baka la tsohle tse pel’a rona, ka baka la leeto la rona le sa setseng. Ha re na ho tadima pele meferefereng e mecha feela le bothateng bo tlang; empa re tadimeng ho tse fetileng, joaleka tsona tse tlang ,’me re re: Ho fihlela mona, Morena O re thusitse.”

Kamoo matsatsi a lona a leng kateng, le matla a lona a tla ba joalo.” (Deut. 33 : 25.) Moleko o ke ke oa feta matla ao re a neoang ho o jara.

Ha ho le joalo a re nkeng mosebetsi oa rona, kae le kae moo re o fumanang, re dumele hore hohle ho ka tlang, matla a lekaneng moleko re tla a neoa. ‘Me hamorao menyako ea lehodimo e tla buloa ho amohela bana ba Modimo, ‘me mantsoe a hlohonolofatso a tla tsoa molomong oa Morena, oa kganya, a oele ditsebeng tsa bona joaleka mantsoe a thomo e monate: “Tlong lona ba hlohonolofaditsoeng ke Ntate, jang lefa leo le le lokiseditsoeng ha e sa le lefatše le theoa.” (Matth. 25 : 34.) Joale balopolloa ba tla amoheloa motseng oo Jesu A ba lokisetsang oona Moo metsoalle ea bona e ke ke ea eba mafeela a lefatše, ea mahata, bafebi, kapa ba ditšila le ba sa dumelang; empa ba tla kopana le ba hlotseng Satane, ‘me ka baka la mohau oa Modimo ba hlhisitse mesebetsi e phethehileng.

Mehopolo eohle e ditšila, hoseloke hohle ho ba tšoenyang mona ho tlositsoe ke madi a Kreste; ‘me boholo, le ho kganya ha kganya ea Hae, e fetang hole kganya ea letsatsi, ba e abetsoe le bona.

[95] ‘Me botle ba bophelo, pnetheho ea mosebetsi oa Hae di tla kganya ho bona, hofetisa hole bokgabane bona bo kantle. Ha ba na sekodi pel’a terone e kgolo e tšoeu, moo ba jang lefa la boModimo, le ditšoanelo tsa mangelo. Na tebellong ea bojalefa boo bo halalelang bo e tla ba ba hae, Motho o tla ntša eng ho reka moea oa hae? (Matth. 16 : 26.) Ekaba mofutsana, empa ka hoo eena o na le leruo, le boholo boo lefatše le ke keng la ba la bo nea, Moea o lopolotsoeng, o hloekisitsoeng sebeng, ka matla o’hle a oona a kgethetsoe mosebetsi oa Modimo o na letheko e fetisisang; ‘me thabo e teng lehodimong pel’a sefahleho sa Modimo le mangelo a halalelang, ka moea o le mong o pholositsoeng—e leng thabo e boletsoeng ka difela tsa hlolo, e halalellang.

Sefapano lefatšeng, mofapahlolo lehodimong.

QETELLO.